

আদিপুস্তক

অর্থাৎ

মুসালিখিত প্রথম পুস্তক।

১ অধ্যায়।

১ আদিতে ঈশ্বর আকাশমণ্ডলের ও পৃথিবীর সৃষ্টি করিলেন। ২ পৃথিবী নির্জন ও শূন্য ছিল, এবং অন্ধকার গভীর জলের উপরে ছিল, ও ঈশ্বরের আত্মা জলের উপরে ব্যাপ্ত ছিলেন।

৩ পরে ঈশ্বর কহিলেন, দীপ্তি হউক; তাহাতে দীপ্তি হইল। তখন ঈশ্বর দীপ্তিকে উত্তম দেখিয়া অন্ধকারহইতে তাহাকে পৃথক করিয়া ৪ দীপ্তির নাম দিবস, ও অন্ধকারের নাম রাত্রি রাখিলেন। ৫ এবং সন্ধ্যা ও প্রাতঃকাল হইলে প্রথম দিবস হইল।

৬ পরে ঈশ্বর কহিলেন, জলের মধ্যে শূন্য জন্মিয়া জনকে দুই ভাগে পৃথক করুক। ৭ ঈশ্বর এই রূপে শূন্যের সৃষ্টি করিয়া শূন্যের উদ্ধৃষ্টিত জলহইতে শূন্যের অধঃস্থিত জলকে পৃথক করিলেন; তাহাতে সেই রূপ হইল। ৮ পরে ঈশ্বর ঐ শূন্যের নাম আকাশমণ্ডল রাখিলেন। এবং সন্ধ্যা ও প্রাতঃকাল হইলে দ্বিতীয় দিবস হইল।

৯ পরে ঈশ্বর কহিলেন, আকাশমণ্ডলের নীচস্থ তাবৎ জল এক স্থানে একত্র হউক, ও স্থল সপ্রকাশ হউক; তাহাতে তদ্রূপ হইল। ১০ তখন ঈশ্বর স্থলের নাম পৃথিবী, ও জলরাশির নাম সমুদ্র রাখিলেন; এবং তাহা উত্তম দেখিলেন।

১১ অপর ঈশ্বর কহিলেন, পৃথিবীতে তৃণ ও সবীজ ওষধি ও সবীজ ফলদায়ক নানাজাতীয় বৃক্ষ উৎপন্ন হউক; তাহাতে সেই রূপ হইল; ১২ অর্থাৎ পৃথিবীতে তৃণ ও সবীজ নানাজাতীয় ওষধি ও সবীজ ফলদায়ক নানাজাতীয় বৃক্ষ উৎপন্ন হইল; তখন ঈশ্বর সেই সকলকে উত্তম দেখিলেন। ১৩ এবং সন্ধ্যা ও প্রাতঃকাল হইলে তৃতীয় দিবস হইল।

১৪ অপর ঈশ্বর কহিলেন, রাত্রিহইতে দিবসকে বিভিন্ন করণের নিমিত্তে আকাশমণ্ডলে জ্যোতির্গণ উৎপন্ন হউক; তাহা ঋতুর ও দিবসের ও বৎসরের চিহ্নরূপ হউক; ১৫ এবং পৃথিবীতে আলো দিব্যার জন্যে দীপের ন্যায় আকাশমণ্ডলে স্থিত হউক; তাহাতে সেই রূপ হইল। ১৬ এই প্রকারে ঈশ্বর দিনের কর্তৃত্ব করিতে এক মহাজ্যোতি ও রাত্রির কর্তৃত্ব করিতে তদপেক্ষা ক্ষুদ্র এক জ্যোতি, এই দুই বৃহজ্যোতির এবং নক্ষত্রগণের সৃষ্টি করিলেন। ১৭ পৃথিবীতে দীপ্তিদানার্থে এবং দিব্যারাত্রির কর্তৃত্ব করণার্থে এবং দীপ্তিকে ও অন্ধকারকে বিভিন্ন

করণার্থে ১৮ ঈশ্বর ঐ জ্যোতির্গণকে আকাশমণ্ডলে স্থাপন করিলেন; এবং ঈশ্বর সেই সকলকে উত্তম দেখিলেন। ১৯ এবং সন্ধ্যা ও প্রাতঃকাল হইলে চতুর্থ দিবস হইল।

২০ পরে ঈশ্বর কহিলেন, জল নানাজাতীয় প্রাণিবর্গে প্রাণিময় হউক, এবং পৃথিবীর উর্দ্ধে আকাশমণ্ডলে পক্ষিগণ উড্ডীয়মান হউক। ২১ তখন ঈশ্বর বৃহৎ মৎস্য প্রভৃতি যে ২ নানাবিধ জলচর প্রাণিবর্গে জল পরিপূর্ণ আছে, তাহাদের এবং নানাজাতীয় পক্ষিগণের সৃষ্টি করিলেন। পরে ঈশ্বর সেই সকলকে উত্তম দেখিয়া ২২ ঐ আশীর্বাদ করিলেন, তোমরা প্রজাবন্ত ও বহুবংশ হইয়া সমুদ্রের জল পরিপূর্ণ কর, এবং পৃথিবীতে পক্ষিগণের বাহুল্য হউক। ২৩ এবং সন্ধ্যা ও প্রাতঃকাল হইলে পঞ্চম দিবস হইল।

২৪ অপর ঈশ্বর কহিলেন, পৃথিবীতে গ্রাম্য ও বন্য পশু ও কীট প্রভৃতি নানাজাতীয় প্রাণিবর্গ উৎপন্ন হউক; তাহাতে সেই রূপ হইল। ২৫ এই রূপে ঈশ্বর নানাজাতীয় গ্রাম্য ও বন্য পশুগণকে ও নানাজাতীয় ভূচর কীটগণকে সৃষ্টি করিয়া সকলকেই উত্তম দেখিলেন।

২৬ পরে ঈশ্বর কহিলেন, আমরা আপনাদের প্রতিমুর্তিতে ও আপনাদের সাদৃশ্যে আদমের (অর্থাৎ মনুষ্যের) সৃষ্টি করি; তাহার জলচর মৎস্যগণের ও খেচর পক্ষিগণের এবং পশুগণের এবং তাবৎ পৃথিবীর ও ভূচর তাবৎ কীটগণের উপরে কর্তৃত্ব করিবে। ২৭ পরে ঈশ্বর আপন প্রতিমুর্তিতে মনুষ্যের সৃষ্টি করিলেন; ঈশ্বরের প্রতিমুর্তিতেই তাহার সৃষ্টি করিলেন, পুরুষ ও স্ত্রী করিয়া তাহাদিগের সৃষ্টি করিলেন। ২৮ পরে ঈশ্বর তাহাদিগকে ঐ আশীর্বাদ করিলেন, তোমরা প্রজাবন্ত ও বহুবংশ হও, এবং পৃথিবীকে পরিপূর্ণ করিয়া বশীভূত কর, এবং জলাচর মৎস্যগণ ও খেচর পক্ষিগণ ও ভূচর জন্তুগণের উপরে কর্তৃত্ব কর।

২৯ ঈশ্বর আরো কহিলেন, দেখ, আমি ভূতলে স্থিত তাবৎ সবীজ ওষধি ও তাবৎ সবীজ ফলদায়ক বৃক্ষ তোমাদিগকে দিলাম, তাহা তোমাদের খাদ্য হইবে। ৩০ এবং ভূচর পশু ও খেচর পক্ষী ও ভূমিস্থ কীট এই সকল প্রাণির আহ্বারার্থে তাবৎ হরিদ ওষধি দিলাম; তাহাতে সেই মত হইল। ৩১ পরে ঈশ্বর আপন সৃষ্ট বস্তু সকলের প্রতি

দৃষ্টি করিলে সকলকেই উত্তম দেখিলেন, এবং সন্ধ্যা ও প্রাতঃকাল হইলে ষষ্ঠ দিবস হইল।

২ অধ্যায়।

১ এই রূপে আকাশমণ্ডলের ও পৃথিবীর এবং তদুভয়স্থ সমস্ত বস্তুবর্গের সৃষ্টি মাপ হইলে ২ ঈশ্বর সপ্তম দিনে আপনার কৃত কার্য্যহইতে নিবৃত্ত হইয়া সেই সপ্তম দিনে আপনার কৃত সমস্ত কার্য্যহইতে বিশ্রাম করিলেন। ৩ এবং ঈশ্বর সেই সপ্তম দিনকে আশীর্বাদ দিয়া পবিত্র করিলেন, যেহেতুক সেই দিনে ঈশ্বর সৃষ্টি করণরূপ আপনার কৃত সমস্ত কার্য্যহইতে বিশ্রাম করিলেন।

৪ সৃষ্টিকালে আকাশমণ্ডলের ও পৃথিবীর বিবরণ এই। যে সময়ে প্রভু পরমেশ্বর পৃথিবীর ও আকাশের সৃষ্টি করিলেন, ৫ সেই সময়ে পৃথিবীতে ক্ষেত্রের কোন চূর্ণ ছিল না, ও ক্ষেত্রের কোন ওষধি জন্মে নাই; কেননা প্রভু পরমেশ্বর পৃথিবীতে বৃষ্টি করান নাই, ও কৃষিকর্ম করিতে মনুষ্য ছিল না। ৬ পরে পৃথিবীহইতে কুজ্বাটিকা উঠিয়া সমস্ত ভূতলকে জলাভিষিক্ত করিল।

৭ অপর পরমেশ্বর মৃত্তিকারেরূপদ্বারা মনুষ্য নির্মাণ করিয়া তাহার নাসারঞ্জের ফুঁ দিয়া প্রাণবায়ু প্রবেশ করাইলেন; তাহাতে সে সজীব প্রাণী হইল। ৮ পরে প্রভু পরমেশ্বর পূর্বেদিকস্থিত এদন নামক দেশে এক উদ্যান প্রস্তুত করিয়া সেই স্থানে আপন সৃষ্টি ঐ মনুষ্যকে রাখিলেন। ৯ এবং প্রভু পরমেশ্বর ভূমিতে সর্বজাতীয় সুদৃশ্য ও সুখাদ্য বৃক্ষ এবং সেই উদ্যানের মধ্যস্থানে অমৃত বৃক্ষ ও সদস্য জ্ঞানদায়ক বৃক্ষ উৎপন্ন করিলেন। ১০ এবং উদ্যানে জলসেচন করণার্থে এদনহইতে এক নদী নির্গত হইয়া ভিন্ন ২ চতুর্মুখ হইয়া গমন করিল।

১১ তাহার পীশোন্ নামক প্রথম নদী স্বর্ণোৎপাদক হবীলা দেশ সমূহকে বেষ্টিত করিয়া গেল। ১২ ঐ দেশের স্বর্ণ অতি উত্তম, এবং সেই স্থানে রত্ন ও বৈদূর্য্য মণি জন্মে। ১৩ এবং তাহার গীহোন নামক দ্বিতীয় নদী সমস্ত কুশ দেশ বেষ্টিত করিয়া গেল। ১৪ এবং তাহার সিদিকন্ নামক তৃতীয় নদী অশুরিয়া দেশের পূর্বেদিক দিয়া গমন করিল। এবং তাহার চতুর্থ নদীর নাম ফরাৎ।

১৫ পরে প্রভু পরমেশ্বর আদমকে লইয়া ঐ এদনস্থ উদ্যানের কর্ম ও তাহার রক্ষা করিতে নিযুক্ত করিলেন। ১৬ এবং প্রভু পরমেশ্বর আদমকে এই আজ্ঞা দিলেন, তুমি এই উদ্যানের সমস্ত বৃক্ষের ফল স্বচ্ছন্দে ভোজন করিও; ১৭ কিন্তু সদস্য জ্ঞানদায়ক বৃক্ষের ফল ভোজন করিও না, কেননা যে দিনে তাহা করিবা, সেই দিনে নিতান্ত মরিবা।

১৮ অনন্তর প্রভু পরমেশ্বর কহিলেন, একাকী থাকি মনুষ্যের ভাল নয়, আমি তাহার উপযুক্ত দোসর নির্মাণ করিব। ১৯ প্রভু পরমেশ্বর মৃত্তিকা হইতে বনপশু ও খেচর পক্ষীগণকে নির্মাণ

করিলে পরে আদম তাহাদের কি ২ নাম রাখিবে, তাহা জানিতে তিনি তাবৎ প্রাণিকে তাহার নিকটে আনিলেন, তাহাতে আদম যে প্রাণির যে নাম রাখিল, তাহার সেই নাম হইল। ২০ তৎকালে আদম সমস্ত পশু ও খেচর পক্ষি ও বন্য পশুদিগের নাম রাখিল, কিন্তু আদমের উপযুক্ত দোসর প্রাপ্ত হইল না। ২১ অনন্তর প্রভু পরমেশ্বর আদমকে যোর নিদ্রাগ্রস্ত করিয়া সেই নিদ্রা সময়ে তাহার এক পঞ্জর লইয়া মাংসদ্বারা সেই ক্ষতস্থান পুরাইলেন। ২২ এবং প্রভু পরমেশ্বর আদমহইতে নীত সেই পঞ্জরদ্বারা এক স্ত্রী নির্মাণ করিয়া তাহাকে আদমের নিকটে আনিলেন। ২৩ তখন আদম কহিল, এ আমার অস্থির অস্থি ও মাংসের মাংস; ইহার নাম নারী রাখিতে হইবে, কেননা এ নরহইতে গৃহীতা হইয়াছে। ২৪ এই কারণ মনুষ্য আপন পিতা মাতাকে ত্যাগ করিয়া আপন স্ত্রীতে আসক্ত হইবে, এবং সে দুই জন একাক্ষ হইবে। ২৫ ঐ সময়ে আদম ও তাহার স্ত্রী উভয়ে উলঙ্গ থাকিলেও তাহাদের লজ্জা বোধ ছিল না।

৩ অধ্যায়।

১ প্রভু পরমেশ্বরের সৃষ্টি ভূচর প্রাণিদের মধ্যে সর্ভাপেক্ষা সর্প খল ছিল। সে ঐ নারীকে কহিল, ও গো, এই উদ্যানের কোন বৃক্ষের ফল ভোজন করিও না, ঈশ্বর কি এমত কথা তোমাদিগকে কহিয়াছেন? ২ তাহাতে নারী সর্পকে কহিল, আমার এই উদ্যানস্থ তাবৎ বৃক্ষের ফল ভোজন করিতে পারি; ৩ কেবল উদ্যানের মধ্যস্থিত যে বৃক্ষ তাহার ফল বিষয়ে ঈশ্বর কহিয়াছেন, তোমরা তাহা ভোজন করিও না এবং স্পর্শও করিও না, করিলে মরিবা। ৪ তখন সর্প নারীকে কহিল, কোন ক্রমে মরিবা না। ৫ কিন্তু ঈশ্বর জানেন, যে দিনে তোমরা তাহা খাইবা, সেই দিনে তোমাদের চক্ষু প্রসন্ন হইবে, তাহাতে তোমরা ঈশ্বরের ন্যায় সদস্য জ্ঞান প্রাপ্ত হইবা। ৬ তখন নারী ঐ বৃক্ষকে সুখাদ্যের উৎপাদক ও নয়নের লোভজনক ও জ্ঞান প্রদানার্থে বাঞ্ছনীয় জানিয়া তাহার ফল পাড়িয়া ভোজন করিল, এবং আপনার মত নিজ স্বামিকে দিলে সেও ভোজন করিল। ৭ তাহাতে তাহাদের উভয়ের চক্ষু প্রসন্ন হইলে তাহারা আপনারদের উলঙ্গতার বোধ পাইয়া বটপত্র নিশাইয়া কটিবন্ধন করিল।

৮ পরে দিবাসসানে উদ্যানের মধ্যে গমনাগমনকারি প্রভু পরমেশ্বরের রব শুনিতে পাইলে আদম ও তাহার স্ত্রী তাহার সম্মুখহইতে বৃক্ষগণের মধ্যে লুকাইল। ৯ তখন প্রভু পরমেশ্বর আদমকে ডাকিয়া কহিলেন, তুমি কোথায়? ১০ তাহাতে সে কহিল, আমি উদ্যানে তোমার রব শুনিয়া উলঙ্গতা প্রযুক্ত ভয় করিয়া আপনাকে লুকাইলাম। ১১ তিনি কহিলেন, তুমি উলঙ্গ আছ, ইহা তো-

মাকে কে বলিল? যে বুকের ফল ভোজন করিতে তোমাকে নিষেধ করিয়াছিলাম, তুমি কি তাহার ফল ভোজন করিয়াছ? ২২ তাহাতে আদম্ কহিল, তুমি যে স্ত্রীকে আমার সঙ্গিনী করিয়াছ, সে আমাকে এই বুকের ফল দিলে আমি খাইলাম। ২৩ তখন প্রভু পরমেশ্বর নারীকে কহিলেন, এ কি করিলা? নারী কহিল, সর্প আমাকে ডুলাইলে আমি খাইলাম।

২৪ পরে প্রভু পরমেশ্বর সর্পকে কহিলেন, তুমি এই কর্ম করিয়াছ, এই জন্যে গ্রাম্য ও বন্য পশু-গণের মধ্যে তুমি সর্বাপেক্ষা অধিক শাপগ্রস্ত হইয়া বক্ষঃশূল দিয়া গমন করিবা, এবং যাবজ্জীবন ধূলী ভোজন করিবা। ২৫ এবং আমি তোমাতে ও নারীতে এবং তোমার বংশেতে ও তাহার বংশেতে পরস্পর বৈরিত্বাব জন্মাইব; তাহাতে সে তোমার মস্তকে আঘাত করিবে, এবং তুমি তাহার পাদমূলে আঘাত করিবা।

২৬ পরে তিনি নারীকে কহিলেন, আমি তোমার গর্ভবেদনার অতিশয় বৃদ্ধি করিব, তাহাতে তুমি বেদনতে সন্তান প্রসব করিবা; এবং স্বামির অধীনী হইয়া থাকিবা; সে তোমার উপরে কর্তৃত্ব করিবে। ২৭ অনন্তর তিনি আদমকে কহিলেন, যে বুকের ফল ভোজন করিতে আমি তোমাকে নিষেধ করিয়াছিলাম, তুমি স্ত্রীর কথা শুনিয়া সেই বুকের ফল ভোজন করিলা, এই নিমিত্তে তোমার ক্লেশার্থে ভূমি অভিশপ্ত হইল; তুমি যাবজ্জীবন ক্লেশ পাইয়া তাহার শস্যাদি ভোজন করিবা। ২৮ এবং তাহাতে শেয়াল কাঁটা ও নানা কষ্টকর জন্মিবে, এবং তুমি ক্ষেত্রের ওষধি ভোজন করিবা। ২৯ এবং যে মৃত্তিকাহইতে তুমি জন্মিয়াছ, যাবৎ তাহাতে লীন না হও, তাবৎ ঘর্ম্মাক্ত মুখে আহার করিবা; কেননা তুমি মৃত্তিকারোগু এবং পুনশ্চ মৃত্তিকারোগুতে লীন হইবা। ৩০ পরে আদম্ আপন স্ত্রীর নাম হবা (জীবন) রাখিল, কেননা সে তাবৎ সজীব লোকের মাতা হইল।

৩১ পরে প্রভু পরমেশ্বর চর্ম্মের বস্ত্র প্রস্তুত করিয়া আদমকে ও তাহার স্ত্রীকে পরিধান করাইলেন।

৩২ অনন্তর প্রভু পরমেশ্বর কহিলেন, দেখ, মনুষ্য সদনং জ্ঞান প্রাপ্ত হইয়া আমাদের একের মত হইল; এখন পাছে সে হস্ত বিস্তার করিয়া অমৃত বুকের ফল পাড়িয়া ভোজন করিয়া অমর হয়। ৩৩ এই নিমিত্তে প্রভু পরমেশ্বর তাহাকে এদনের উদ্যান হইতে দূর করিয়া তাহার উৎপাদক মৃত্তিকাতে কৃষিকর্ম্ম করিতে তাহাকে নিযুক্ত করিলেন। ৩৪ অতএব তিনি মনুষ্যকে তাড়াইয়া দিয়া অমৃত বুকের পথ রক্ষা করিতে এদনস্থ উদ্যানের পূর্ব-দিকে ঘূর্ণায়মান তেজোময় খজ্জাধারি স্বর্ণীয় কিরুবগণকে রাখিলেন।

৪ অধ্যায়।

১ অপর আদম্ আপন স্ত্রী হবাতে উপগত হই-

লে সে গর্ভবতী হইয়া কাবিল্ (লাভ) নামক এক পুত্র প্রসব করিয়া কহিল, পরমেশ্বরের সাহায্যে আমার নরলাভ হইল। ২ পরে সে হাবিল্ (অলীক) নামে তাহার সহোদরকে প্রসব করিল; এই হাবিল্ মেঘপালক, ও কাবিল্ কৃষক ছিল। ৩ অপর কালানুক্রমে কাবিল্ উপহাররূপে পরমেশ্বরের উদ্দেশে ভূম্যাৎপন্ন ফল উৎসর্গ করিল। ৪ এবং হাবিল্ আপন পালের প্রথমজাত এক পশু ও তাহার মেদ উৎসর্গ করিল, তাহাতে পরমেশ্বর হাবিলকে ও তাহার উপহার গ্রাহ করিলেন। ৫ কিন্তু কাবিলকে ও তাহার উপহার গ্রাহ করিলেন না; এই নিমিত্তে কাবিল্ অতিশয় ক্রুদ্ধ হইয়া বিষধবদন হইল। ৬ তাহাতে পরমেশ্বর কাবিলকে কহিলেন, তুমি কেন ক্রোধ করিলা? ও কেন বিষধবদন হইলা? যদি সংক্রিয়া কর, তবে কি গ্রাহ হইবা না? ৭ আর যদি সংক্রিয়া না কর, তবে পাপ দ্বারে থাকে। সে তোমার বশীভূত, এবং তুমি তাহার উপরে কর্তৃত্ব করিবা। ৮ অপর কাবিল্ আপন ভ্রাতার সহিত কথোপকথন করিল; পরে তাহারা ক্ষেত্রে গেলে কাবিল্ আক্রমণ করিয়া আপন ভ্রাতা হাবিলকে বধ করিল।

৯ অনন্তর পরমেশ্বর কাবিলকে জিজ্ঞাসা করিলেন, তোমার ভ্রাতা হাবিল্ কোথায়? সে উত্তর করিল, আমি জানি না; আমার ভ্রাতার রক্ষক কি আমি? ১০ তাহাতে তিনি কহিলেন, তুমি কি করিলা? তোমার ভ্রাতার রক্ত ভূমিহইতে আমার প্রতি উচ্চৈশ্বর্য করিতেছে। ১১ অতএব যে ভূমি মুখ ব্যাদান করিয়া তোমার হস্তদ্বারা হত ভ্রাতার রক্ত পান করিয়াছে, সেই ভূমিতে তুমি অভিশপ্ত হইলা। ১২ তাহাতে কৃষিকর্ম্ম করিলেও সে আপন শক্তি দিয়া তোমার সেবা আর করিবে না; তুমি পৃথিবীতে পর্যটনকারী ও ভ্রমণকারী হইবা। ১৩ তাহাতে কাবিল্ পরমেশ্বরকে কহিল, আমার অপরাধের ভার অসহ। ১৪ দেখ, অ্যা তুমি ভূতল-হইতে আমাকে তাড়াইয়া দিলা, তাহাতে তোমার দৃষ্টিহইতে আমাকে লুকাইতে হয়; এই রূপে পৃথিবীতে পর্যটনকারী ও ভ্রমণকারী হইলে যে আমাকে পাইতে, সেই আমাকে বধ করিবে। ১৫ তাহাতে পরমেশ্বর তাহাকে কহিলেন, এই হেতুক কাবিলকে যে বধ করিবে, তাহার সাত গুণ দণ্ড হইবে; অনন্তর পরমেশ্বর কাবিলেতে এক চিহ্ন রাখিলেন, পাছে কেহ তাহাকে পাইলেই বধ করে।

১৬ অপর কাবিল্ পরমেশ্বরের সাক্ষাৎ হইতে প্রস্থান করিয়া এদনের পূর্বদিকে নোদ নামক দেশে বাস করিল। ১৭ পরে কাবিল্ আপন স্ত্রীতে উপগত হইলে সে গর্ভবতী হইয়া হনোক নামে এক পুত্র প্রসব করিল, তাহাতে কাবিল্ এক নগর পত্তন করিয়া আপন পুত্রের নামানুসারে তাহার নাম হনোক রাখিল। ১৮ এই হনোকের পুত্র ইরদ, ও ইরদের পুত্র মিহুয়েল, ও মিহুয়েলের পুত্র

মিথূশায়েল, ও মিথূশায়েলের পুত্র লেমক। ২০ ঐ লেমক দুই স্ত্রী বিবাহ করিল, এক স্ত্রীর নাম আদা ও অন্যার নাম সিল্লা। ২১ ঐ আদার গর্ভে যাবল্ জন্মিল, সে তাষুগৃহবাসি পশুপালকদের আদিপুরুষ ছিল। ২২ এবং যুবল্ নামে তাহার মহোদর বীণা ও বংশীধারি সকলের আদিপুরুষ ছিল। ২৩ আর সিল্লার গর্ভে তুবল্কাবিল্ জন্মিল, সে পিস্তলের ও লৌহের নানা প্রকার অস্ত্র গঠিত; ঐ তুবল্কাবিলের নয়না নামী এক মহোদরা ছিল। ২৪ পরে লেমক আপন স্ত্রীদিগকে কহিল, হে আদে ও হে সিল্লে, তোমরা আমার কথা শুন; হে লেমকের ভাৰ্য্যাগণ, আমার বাক্যে মনোযোগ কর; আঘাতের পরিশোধে আমি নরহতা ও প্রহারের পরিশোধে যুববধ করি। ২৫ যদি কাবিলের বধের প্রতিফল সাত গুণ হয়, তবে আমার বধের প্রতিফল সাতাত্তর গুণ হইবে।

২৬ অনন্তর আদম্ পুনর্বার আপন ভাৰ্য্যা হবাত্বে উপগত হইলে সে পুত্র প্রসব করিয়া তাহার নাম শেথ (বিনিময়) রাখিল। কেননা সে কহিল, কাবিল্ কর্তৃক হত হাবিলের বিনিময়ে ঈশ্বর আমাকে আর এক পুত্র দিলেন। ২৭ পরে ঐ শেথের এক পুত্র জন্মিলে সে তাহার নাম ইনোশ্ রাখিল, তৎকালে লোকেরা পরমেশ্বরের নামে প্রার্থনা করিতে লাগিল।

৫ অধ্যায়।

১ আদমের বংশাবলির বিবরণ। যে দিনে ঈশ্বর মনুষ্যের সৃষ্টি করিলেন, সেই দিনে ঈশ্বরের সাদৃশ্যে তাহার সৃষ্টি করিলেন। ২ স্ত্রী ও পুরুষ করিয়া তাহাদিগের সৃষ্টি করিলেন; এবং সেই সৃষ্টি দিনে তাহাদিগকে আশীর্বাদ করিয়া আদম্ (মনুষ্য) এই নাম দিলেন। ৩ পরে আদম্ এক শত ত্রিশ বৎসর বয়সের সময়ে আপন সাদৃশ্যে ও প্রতিযুক্তিতে পুত্রের জন্ম দিয়া তাহার নাম শেথ রাখিল। ৪ শেথের জন্মের পর আদম্ আট শত বৎসর জীবৎ থাকিয়া আরো সন্তান সন্ততির জন্ম দিল। ৫ সর্বশুদ্ধ আদমের নয় শত ত্রিশ বৎসর বয়স হইলে তাহার মৃত্যু হইল।

৬ পরে শেথ এক শত পাঁচ বৎসর বয়সে ইনোশের জন্ম দিল। ৭ ইনোশের জন্মের পর শেথ আট শত সাত বৎসর জীবৎ থাকিয়া আরো সন্তান সন্ততির জন্ম দিল। ৮ সর্বশুদ্ধ শেথের নয় শত বারো বৎসর বয়স হইলে তাহার মৃত্যু হইল।

৯ ইনোশ্ নব্বই বৎসর বয়সে কৈননের জন্ম দিল। ১০ কৈননের জন্মের পর ইনোশ্ আট শত পোনের বৎসর জীবৎ থাকিয়া আরো সন্তান সন্ততির জন্ম দিল। ১১ সর্বশুদ্ধ ইনোশের নয় শত পাঁচ বৎসর বয়স হইলে তাহার মৃত্যু হইল।

১২ কৈনন্ সত্তর বৎসর বয়সে মহললেলের জন্ম দিল। ১৩ মহললেলের জন্মের পর কৈনন্ আট

শত চল্লিশ বৎসর জীবৎ থাকিয়া আরো সন্তান সন্ততির জন্ম দিল। ১৪ সর্বশুদ্ধ কৈননের নয় শত দশ বৎসর বয়স হইলে তাহার মৃত্যু হইল।

১৫ মহললেল্ পয়ষটি বৎসর বয়সে যেরদের জন্ম দিল। ১৬ যেরদের জন্মের পর মহললেল্ আট শত ত্রিশ বৎসর জীবৎ থাকিয়া আরো সন্তান সন্ততির জন্ম দিল। ১৭ সর্বশুদ্ধ মহললেলের আট শত পাঁচানব্বই বৎসর বয়স হইলে তাহার মৃত্যু হইল।

১৮ যেরদ এক শত বাষটি বৎসর বয়সে হনোকের জন্ম দিল। ১৯ হনোকের জন্মের পর যেরদ আট শত বৎসর জীবৎ থাকিয়া আরো সন্তান সন্ততির জন্ম দিল। ২০ সর্বশুদ্ধ যেরদের নয় শত বাষটি বৎসর বয়স হইলে তাহার মৃত্যু হইল।

২১ হনোক পয়ষটি বৎসর বয়সে মিথূশেলহের জন্ম দিল। ২২ মিথূশেলহের জন্মের পর হনোক্ তিন শত বৎসর পর্যন্ত ঈশ্বরের সহিত গমনাগমন করিল, এবং আরো সন্তান সন্ততির জন্ম দিল। ২৩ সর্বশুদ্ধ হনোক্ তিন শত পয়ষটি বৎসর পর্যন্ত জীবৎ থাকিয়া ঈশ্বরের সহিত গমনাগমন করিল। ২৪ পরে সে অন্তর্হিত হইল, কেননা ঈশ্বর তাহাকে লইয়া গেলেন।

২৫ মিথূশেলহ এক শত সাতাশী বৎসর বয়সে লেমকের জন্ম দিল। ২৬ লেমকের জন্মের পর মিথূশেলহ সাত শত বিরাশী বৎসর জীবৎ থাকিয়া আরো সন্তান সন্ততির জন্ম দিল। ২৭ সর্বশুদ্ধ মিথূশেলহের নয় শত উনসত্তর বৎসর বয়স হইলে তাহার মৃত্যু হইল।

২৮ লেমক এক শত বিরাশী বৎসর বয়সে পুত্রের জন্ম দিয়া তাহার নাম নোহ (বিশ্রাম) রাখিল; ২৯ কেননা সে কহিল, পরমেশ্বর কর্তৃক অভিশপ্ত ভূমিতে আমাদের যেশ্রম ও হস্তের ক্লেশ তদ্বিশয়ে এ আমাদের সান্ত্বনা জন্মাইবে। ৩০ নোহের জন্মের পর লেমক পাঁচ শত পাঁচানব্বই বৎসর জীবৎ থাকিয়া আরো সন্তান সন্ততির জন্ম দিল। ৩১ সর্বশুদ্ধ লেমকের সাত শত সাতাত্তর বৎসর বয়স হইলে তাহার মৃত্যু হইল। ৩২ পরে নোহ পাঁচ শত বৎসর বয়সে শাম্ ও হাম্ ও যেকফ্ নামে তিন পুত্রের জন্ম দিল।

৬ অধ্যায়।

১ এই রূপে যখন পৃথিবীতে মনুষ্যের বৃদ্ধি হইতে লাগিল ও অনেক কন্যা জন্মিল, ২ তখন ঈশ্বরের পুত্রেরা মনুষ্যদের কন্যাগণকে পরম সুন্দরী দেখিয়া যে যাহাকে ইচ্ছা সে তাহাকে বিবাহ করিতে লাগিল। ৩ অতএব পরমেশ্বর কহিলেন, আমার আত্মা মনুষ্যের মধ্যে সর্বদা অধিষ্ঠান করিবেন না, কেননা তাহারা পাপিষ্ঠ ও মাংসপিণ্ড-মাত্র; তাহাদের সময়ের পরিমাণ এক শত বিংশতি বৎসর হইবে। ৪ তৎকালে পৃথিবীতে মহাবীর ছিল, এবং মনুষ্যদের কন্যাগণেতে ঈশ্বরের পুত্র-

গণ উপগত হইলে পরে তাহাদের গর্ভে যে ২ মহান জন্মিল, তাহারই পূর্বকালের প্রসিদ্ধ বীর।

৫ অপর পরমেশ্বর দেখিলেন, পৃথিবীতে মনুষ্যের দুষ্কৃতা বড়, এবং তাহার অন্তঃকরণের তাবৎ কপনানি নিরন্তর কেবল মন্দ। ৬ অতএব পরমেশ্বর পৃথিবীতে মনুষ্যের সৃষ্টি করণ প্রযুক্ত অনুতাপ করিয়া মনঃপীড়া পাইয়া ৭ কহিলেন, আমি ভূমণ্ডলহইতে আপনাদের সৃষ্টি মনুষ্যকে উচ্ছিন্ন করিব, এবং মনুষ্যের সহিত পশু ও কীট ও খেচর পক্ষিগণকেও লোপ করিব; কেননা তাহাদের সৃষ্টি করণ প্রযুক্ত আমার অনুতাপ হইতেছে। ৮ কিন্তু নোহ পরমেশ্বরের অনুগ্রহপাত্র হইল।

৯ নোহের বংশাবলির বিবরণ। ঐ নোহ তাৎকালিক লোকদের মধ্যে ধার্মিক ও সাধু লোক ছিল, এবং ঈশ্বরের সহিত গমনাগমন করিত। ১০ এবং শাম্ ও হাম্ ও য়েফৎ নামে তাহার তিন পুত্র ছিল। ১১ তৎকালে পৃথিবী ঈশ্বরের সাক্ষাতে ভ্রষ্টা এবং দৌরাত্ম্যে পরিপূর্ণা ছিল। ১২ অতএব ঈশ্বর পৃথিবীতে দৃষ্টিপাত করিয়া দেখিলেন, সে ভ্রষ্টা হইয়াছে, কেননা পৃথিবীস্থ তাবৎ প্রাণী ভ্রষ্টাচারী হইয়াছে। ১৩ তখন ঈশ্বর নোহকে কহিলেন, আমার গোচরে সকল প্রাণির অন্তিম কাল উপস্থিত, কেননা তাহাদের দ্বারা পৃথিবী দৌরাত্ম্যে পরিপূর্ণা হইয়াছে; অতএব দেখ, আমি পৃথিবীর সহিত তাহাদিগকে বিনাশ করিব।

১৪ তুমি গোফ্ৰু কাষ্ঠদ্বারা এক জাহাজ নির্মাণ কর; এবং তাহার মধ্যে কুঠরী নির্মাণ করিয়া তাহার ভিতরে বাহিরে ধূনা দিয়া লেপন কর। ১৫ সেই জাহাজের দীর্ঘতা তিন শত হস্ত, ও প্রস্থ পঞ্চাশ হস্ত, ও উচ্চতা ত্রিশ হস্ত; এই প্রকারে তাহার নির্মাণ কর। ১৬ এবং তাহার ছাতের এক হাত নীচে বাতায়ন প্রস্থত করিয়া রাখ, ও তাহার পার্শ্ব দ্বার রাখ, এবং তাহার প্রথম ও দ্বিতীয় ও তৃতীয় তালি নির্মাণ কর। ১৭ কেননা দেখ, আকাশের নীচে প্রাণবায়ু বিশিষ্ট যত জীবজন্তু আছে, সেই সকলকে নষ্ট করণার্থে আমি পৃথিবীতে জলপ্লাবন করিব, তাহাতে পৃথিবীর তাবৎ প্রাণী প্রাণত্যাগ করিবে। ১৮ কিন্তু তোমার সহিত আমি আপনাদের এই নিয়ম স্থির করি; তুমি আপন পুত্রগণকে ও স্ত্রীকে ও পুত্রবধুদিগকে সঙ্গে লইয়া সেই জাহাজে প্রবেশ করিবা। ১৯ এবং প্রাণবিশিষ্ট সমস্ত জীবজন্তুর স্ত্রী পুরুষ যুগ্ম ২ লইয়া প্রাণ রক্ষার্থে তাহাদিগকে আপনাদের সহিত সেই জাহাজে প্রবেশ করাইবা; ২০ ফলতঃ সর্বপ্রকার পক্ষী ও সর্বপ্রকার পশু ও সর্বপ্রকার ভূচর কীট এক ২ যুগ্ম হইয়া প্রাণরক্ষার্থে তোমার নিকটে যাইবে। ২১ এবং তোমার ও তাহাদের আহারার্থে তুমি তাবৎ প্রকার উপযুক্ত সামগ্রী আনিয়া আপনাদের নিকটে সঞ্চয় করিবা। ২২ তাহাতে নোহ সেই রূপ করিল, ঈশ্বরের আজ্ঞানুসারেই তাবৎ কর্ম করিল।

৭ অধ্যায়।

১ অপর পরমেশ্বর নোহকে কহিলেন, তুমি সপরিবারে জাহাজে প্রবেশ কর, কেননা এই কালের লোকদের মধ্যে তোমাকেই সাধু দেখিতেছি। ২ তুমি স্ত্রি পশুর স্ত্রীপুরুষ লইয়া প্রত্যেক জাতির সাত যোড়া, এবং অশ্রুচি পশুর স্ত্রীপুরুষ লইয়া প্রত্যেক জাতির এক যোড়া; ৩ এবং খেচর পক্ষিগণের স্ত্রীপুরুষ লইয়া প্রত্যেক জাতির সাত যোড়া ভূমণ্ডলেতে তাহাদের বংশ রক্ষার্থে আপনাদের সঙ্গে লও। ৪ কেননা সপ্তাহের পর আমি পৃথিবীতে চল্লিশ দিবারাত্রি বৃষ্টি করাইয়া আমার সৃষ্টি তাবৎ প্রাণিকে পৃথিবীহইতে উচ্ছিন্ন করিব। ৫ তখন নোহ পরমেশ্বরের আজ্ঞানুসারে তাবৎ কর্ম করিল। ৬ নোহের ছয় শত বৎসর বয়সের সময়ে পৃথিবীতে জলপ্লাবন হইল।

৭ পরে জলপ্লাবনের ভয়ে নোহ ও তাহার স্ত্রী ও পুত্রগণ এবং পুত্রবধুগণ সকলে জাহাজে প্রবেশ করিল। ৮ এবং নোহের প্রতি ঈশ্বরের আজ্ঞানুসারে স্ত্রিচ ও অশ্রুচি পশু ও পক্ষি এবং সর্বপ্রকার ভূচর প্রাণির ৯ স্ত্রীপুরুষ যোড়া ২ হইয়া জাহাজে নোহের নিকটে প্রবেশ করিল। ১০ পরে সপ্তাহ গত হইলে পৃথিবীতে জলপ্লাবন হইতে লাগিল। ১১ নোহের বয়সের ছয় শত বৎসরের দ্বিতীয় মাসের সপ্তদশ দিনে মহাসমুদ্রের সমস্ত উনুই ভাঙ্গিয়া গেল, এবং গগনস্থ দ্বার সকল মুক্ত হইল। ১২ তাহাতে পৃথিবীতে চল্লিশ দিবারাত্রি মুঘলধারে বৃষ্টি হইতে লাগিল। ১৩ সেই দিনে নোহ এবং শাম্ ও হাম্ ও য়েফৎ নামক তাহার পুত্রগণ এবং তাহাদের সহিত নোহের স্ত্রী ও তিন পুত্রবধু জাহাজে প্রবেশ করিল। ১৪ এবং তাহাদের সহিত সর্বজাতীয় বন্য পশু ও সর্বজাতীয় গ্রাম্য পশু ও সর্বজাতীয় ভূচর কীট ও সর্বজাতীয় খেচর পক্ষী, ১৫ অর্থাৎ প্রাণবায়ু বিশিষ্ট সর্বপ্রকার জীবজন্তু যুগ্ম ২ হইয়া জাহাজে নোহের নিকটে প্রবেশ করিল। ১৬ ফলতঃ তাহার প্রতি ঈশ্বরের আজ্ঞানুসারে সর্বপ্রকার প্রাণির স্ত্রীপুরুষ যোড়া ২ হইয়া প্রবেশ করিল; পরে পরমেশ্বর দ্বার বন্ধ করিলেন।

১৭ অনন্তর চল্লিশ দিন পর্যন্ত পৃথিবীতে জলপ্লাবন হইল, তাহাতে জল বৃদ্ধি পাইলে জাহাজ মৃত্তিকা ছাড়িয়া ভানিয়া উঠিল। ১৮ পরে ক্রমে ২ পৃথিবীতে অতিশয় জল বৃদ্ধি হইলে জাহাজ জলের উপরে ভানিয়া গেল। ১৯ এই রূপে পৃথিবীতে অত্যন্ত জল বাড়িল; তাহাতে আকাশমণ্ডলের অধঃস্থিত তাবৎ মহাপর্যন্ত মগ্ন হইল। ২০ ও তাহার উপরে পোনের হাত জল উঠিলে সকল পর্যন্ত মগ্ন হইল। ২১ তাহাতে পক্ষী এবং গ্রাম্য ও বন্য পশু ও ভূচর প্রাণী ও মনুষ্য প্রভৃতি পৃথিবীনিবাসি তাবৎ প্রাণী মরিল। ২২ স্থলচর যত প্রাণির

নাসিকাতে প্রাণবায়ুর সঞ্চারণ ছিল, সকলে মরিল। ২৩ এই রূপে ভূমণ্ডলনিবাসি তাবৎ প্রাণী, অর্থাৎ মনুষ্য ও পশু ও কীট ও আকাশীয় পক্ষি সকল লুপ্ত হইয়া পৃথিবীহইতে উচ্ছিন্ন হইল, কেবল নোহ ও তাহার সঙ্গি জাহাজস্থ প্রাণিরা বাচিল। ২৪ এই রূপে পৃথিবী এক শত পঞ্চাশ দিন পর্যন্ত জলপ্লাবিত হইয়া রহিল।

৮ অধ্যায়।

১ পরে ঈশ্বর নোহকে ও জাহাজে স্থিত তাহার সঙ্গি পক্ষাদি তাবৎ প্রাণিকে স্মরণ করিয়া পৃথিবীতে বায়ু বহাইলে জনের হ্রাস হইতে লাগিল। ২ ফলতঃ মহাসমুদ্রের উনুই ও গগনস্থ দ্বার সকল বন্ধ এবং আকাশের বৃষ্টি নিবৃত্ত হইলে ৩ জল ক্রমে ২ ভূমির উপরহইতে সরিয়া গিয়া এক শত পঞ্চাশ দিনের শেষে হ্রাস পাইল। ৪ তাহাতে সপ্তম মাসের সপ্তদশ দিনে অরারট নামক পর্বতের উপরে জাহাজ লাগিয়া রহিল। ৫ পরে দশম মাস পর্যন্ত জল ক্রমে ২ মরিয়া অপতর হইল; ঐ দশম মাসের প্রথম দিনে পর্বতগণের শৃঙ্গ দৃশ্য হইল।

৬ অপর আরো চল্লিশ দিন গত হইলে নোহ আপন নির্মিত জাহাজের বাত্যয়ন খুলিয়া ৭ একটা দাড়াকাকে উড়াইয়া দিল। তাহাতে সে উড়িয়া ভূমির উপরিস্থ জল শুষ্ক না হওন পর্যন্ত ইতস্ততো গভায়ত করিল। ৮ অনন্তর ভূমির উপরিস্থ জল হ্রাস পাইয়াছে কি না, তাহা জানিবার জন্যে নোহ আপনার নিকটহইতে এক কপোতকে উড়াইয়া দিল। ৯ তাহাতে সমস্ত পৃথিবী জলাচ্ছাদিত প্রযুক্ত কপোত পদার্পণের স্থান না পাওয়াতে জাহাজে তাহার নিকটে ফিরিয়া আইল; তখন নোহ হস্ত বিস্তার পূর্বক তাহাকে ধরিয়া জাহাজের ভিতরে আপনার নিকটে আনিল।

১০ তদনন্তর সে আর এক সপ্তাহ বিলম্ব করিয়া জাহাজহইতে সেই কপোতকে পুনর্বার উড়াইয়া দিলে ১১ সেই কপোত সন্ধ্যাকালে তাহার নিকটে ফিরিয়া আইল; তখন তাহার চঞ্চুতে জিতবৃক্ষের এক নবীন পত্র দেখিয়া নোহ বুঝিল, ভূমির উপরিস্থ জল হ্রাস পাইয়াছে। ১২ পরে সে আর এক সপ্তাহ বিলম্ব করিয়া সেই কপোতকে উড়াইয়া দিল, কিন্তু সে তাহার নিকটে আর ফিরিয়া আইল না। ১৩ নোহের বয়সের ছয় শত এক বৎসরের প্রথম মাসের প্রথম দিনে পৃথিবীর উপরিস্থ জল শুষ্ক হইয়াছিল; তাহাতে নোহ জাহাজের ছাত খুলিয়া অবলোকন করিয়া ভূতলকে নির্জল দেখিল। ১৪ পরে দ্বিতীয় মাসের সাতাশ দিনে পৃথিবী শুষ্ক হইল।

১৫ পরে ঈশ্বর নোহকে কহিলেন, ১৬ তুমি আপন স্ত্রী ও পুত্রগণ ও পুত্রবধূগণকে সঙ্গে লইয়া জাহাজহইতে নির্গত হও। ১৭ এবং তোমার সঙ্গি পক্ষী ও পশু ও ভূচর কীট প্রভৃতি যত জীবজন্ত

আছে, সেই সকলকে তোমার সঙ্গে বাহিরে আন; তাহার পৃথিবীকে প্রাণিময় করুক, এবং পৃথিবীতে প্রজাবন্ত ও বহুবংশ শ হউক। ১৮ তখন নোহ আপন স্ত্রী ও পুত্রগণ ও পুত্রবধূগণকে সঙ্গে লইয়া বাহিরে আইল। ১৯ এবং স্ব ২ জাতানুসারে প্রত্যেক পশু ও কীট ও পক্ষি প্রভৃতি ভূচর প্রাণী সকলে জাহাজহইতে নির্গত হইল।

২০ অনন্তর নোহ পরমেশ্বরের উদ্দেশে নিৰ্ম্মাণ করিয়া তাবৎ প্রকার স্তূচি পশু ও তাবৎ প্রকার স্তূচি পক্ষির মধ্যে কতক লইয়া বেদির উপরে হোম করিল। ২১ তাহাতে পরমেশ্বর তাহার সৌরভ আশ্রয়ণ করিয়া মনে ২ কহিলেন, আমি মনুষ্যের জন্যে পৃথিবীকে আর অভিশাপ দিব না; যদ্যপি বাল্যকালাবধি মনুষ্যের মনস্কপ্পনা দুষ্ক, তথাপি যেমত করিলাম, সেমত আর কখনো তাবৎ প্রাণিকে সংহার করিব না। ২২ যে পর্যন্ত পৃথিবী থাকে, তাবৎ শস্য বপনের ও শস্য ছেদনের সময়, এবং শীত ও উষ্ণ, এবং গ্রীষ্মকাল ও হেমন্তকাল, এবং দিবা ও রাত্রি, এই সকলের নিবৃত্তি হইবে না।

৯ অধ্যায়।

১ পরে ঈশ্বর নোহকে ও তাহার পুত্রগণকে এই আশীর্বাদ করিলেন, তোমরা প্রজাবন্ত ও বহুবংশ হইয়া পৃথিবীকে পরিপূর্ণ কর। ২ পৃথিবীর তাবৎ পশু ও খেচর পক্ষী ও ভূচর প্রাণী ও সমুদ্রের মৎস্য সকলেই তোমাদের হইতে ভীত ও শঙ্কায়ুক্ত হইবে; সে সকল তোমাদের হস্তে সমর্পিত আছে। ৩ প্রত্যেক গমনশীল প্রাণী তোমাদের খাদ্য হইবে, আমি হরিদ্র ওষধির ন্যায় সে সকল তোমাদিগকে দিলাম। ৪ কিন্তু সজীবন অর্থাৎ সরক্ত মাংস ভোজন করিও না। ৫ এবং তোমাদের জীবনরূপ রক্ত পাতিত হইলে আমি তাহার পরিশোধ লইব; পশুর নিকটে হউক কিম্বা সর্মানজাতীয় মনুষ্যের নিকটে হউক, মনুষ্যের জীবনের পরিশোধ আমি অবশ্য লইব। ৬ যে কেহ মনুষ্যের রক্তপাত করিবে, মনুষ্যকর্তৃক তাহার রক্তপাত হইবে; কেননা ঈশ্বর আপন সাদৃশ্য মনুষ্যের সৃষ্টি করিয়াছেন। ৭ তোমরা প্রজাবন্ত ও বহুবংশ হও, ও পৃথিবীতে বহুতর হইয়া বর্ধিত হও।

৮ অপর ঈশ্বর নোহকে ও তাহার সঙ্গি পুত্রগণকে কহিলেন, ৯ দেখ, তোমাদের সহিত ও তোমাদের ভাবিবংশের সহিত ১০ ও তোমাদের সঙ্গি পক্ষি এবং গ্রাম্য ও বন্য পশু প্রভৃতি পৃথিবীস্থ যত প্রাণী জাহাজহইতে নির্গত হইয়াছে, তাহাদের সহিত আমি আপন নিয়ম স্থির করি। ১১ আমি তোমাদের সহিত এই নিয়ম স্থির করি, জলপ্লাবনের দ্বারা তাবৎ প্রাণী আর উচ্ছিন্ন হইবে না; এবং পৃথিবীর বিনাশার্থে আর জলপ্লাবন হইবে না। ১২ ঈশ্বর আরো কহিলেন, আমি তোমাদের

সহিত ও তোমাদের সঙ্গি তাবৎ প্রাণির সহিত যে নিত্য নিয়ম স্থির করিলাম, তাহার চিহ্ন এই। ১৩ আমি মেঘে আপন ধনু স্থাপন করি, তাহাই পৃথিবীর সহিত আমার নিয়মের চিহ্ন হইবে। ১৪ যে সময়ে আমি পৃথিবীর উর্ধ্বে মেঘের সঞ্চারণ করিব, তৎকালে সেই মেঘধনু দৃষ্ট হইবে; ১৫ তাহাতে তোমাদের ও দেহবাসি সর্ব প্রকার প্রাণির সহিত আমার যে নিয়ম আছে, তাহা আমার স্মরণ হইবে, এবং তাবৎ প্রাণির বিনার্শার্থে জলপ্লাবন আর হইবে না। ১৬ কেননা মেঘধনুক হইলে আমি তাহার প্রতি দৃষ্টিপাত করিব; তাহাতে দেহবাসি যত প্রাণী পৃথিবীতে আছে, তাহাদের সহিত ঈশ্বরের যে চিরস্থায়ি নিয়ম আছে, তাহা আমি স্মরণ করিব। ১৭ ঈশ্বর নোহকে আরও কহিলেন, পৃথিবীস্থ সমস্ত প্রাণির সহিত আমার স্থাপিত নিয়মের এই লক্ষণ হইবে।

১৮ নোহের যে তিন পুত্র জাহাজহইতে বহির্গত হইল, তাহাদের নাম শাম্ ও হাম্ ও য়েফৎ। সেই হাম্ কিনানের পিতা ছিল। ১৯ এই তিন জন নোহের পুত্র; ইহাদেরই বংশেতে তাবৎ পৃথিবী ব্যাপ্ত হইল। ২০ পরে নোহ কৃষিকর্মে প্রবৃত্ত হইয়া ডাক্ষাক্ষের করিল। ২১ তাহাতে সে ডাক্ষারস পান করিয়া মত্ত হওয়াতে তাম্বুর মধ্যে বিব্রজ হইয়া পড়িল। ২২ তখন কিনানের পিতা হাম্ আপন পিতার উলঙ্গতা দেখিয়া বাহিরে আপন দুই ভ্রাতাকে সমাচার দিল। ২৩ তাহাতে শাম্ ও য়েফৎ (পিতার) বস্ত্র লইয়া আপনাদের স্কন্ধেতে রাখিয়া পশ্চাৎ হাটিয়া উলঙ্গ পিতাকে আচ্ছাদিত করিল; তাহার পশ্চাৎ হাটিয়া পিতার উলঙ্গতা দেখিল না। ২৪ পরে নোহ ডাক্ষারসের নিদ্রাহইতে জাগ্রৎ হইয়া আপনার প্রতি কনিষ্ঠ পুত্রের আচরণ জানিয়া ২৫ কহিল, কিনান্ অভিশপ্ত হউক, সে আপন ভ্রাতাদের দাসানুদাস হইবে। ২৬ সে আরো কহিল, শামের প্রভু পরমেশ্বর ধন্য; কিনান শামের দাস হইবে। ২৭ এবং ঈশ্বর য়েফতের বৃদ্ধি করিবেন; তাহাতে সে শামের তাম্বুরে বাস করিবে, ও কিনান্ তাহার দাস হইবে।

২৮ জলপ্লাবনের পরে নোহ আর তিন শত পঞ্চাশ বৎসর বাঁচিল। ২৯ পরে নোহ সর্বশুদ্ধ নয় শত পঞ্চাশ বৎসর বয়সের সময়ে প্রাণত্যাগ করিল।

১০ অধ্যায়।

১ শাম্ ও হাম্ ও য়েফৎ নামক নোহের তিন পুত্রের বংশাবলি। জলপ্লাবনের পরে তাহাদের এই সকল সন্তান সন্ততি হয়। ২ গোমর্ ও মাজুজ্ ও মাদয় ও য়ূনান্ ও তুবল্ ও মেশক্ ও তিরস্, ইহারা য়েফতের পুত্র। ৩ অন্ধিনন্ ও রোফৎ ও তোগর্ম, ইহারা গোমরের পুত্র। ৪ এবং ইলোশা ও তর্শিশ্ ও কিস্তীম্ ও দোদানোম, ইহারা য়ূনানের পুত্র

৫ এই সকলহইতে নানা উপদ্বীপের দেবপূজক লোক স্থানে ২ বিভক্ত হইল, এবং সকলের পৃথক্ ২ ভাষা ও গোষ্ঠী ও জাতি হইল।

৬ এবং কূশ্ ও মিসর্ ও পূট ও কিনান্, ইহারা হামের পুত্র। ৭ শিবা ও হবীলা ও সবতা ও রয়মা ও সবতিকা, ইহারা কূশের পুত্র। ৮ শিবা ও দিদন্ ইহারা রয়মার পুত্র। ৯ নিত্রোদ্ কূশের পুত্র; সে পৃথিবীর মধ্যে পরাক্রমী হইতে লাগিল, ১০ ও পরমেশ্বরের সাক্ষাতে পরাক্রান্ত ব্যাধ হইল; অতএব লোকেরা অদ্যাপি এই দৃষ্টিভঙ্গ কহে, পরমেশ্বরের সাক্ষাতে নিত্রোদের তুল্য পরাক্রান্ত ব্যাধ। ১১ এবং শিনিয়র্ দেশে বাবিল্ ও এরক্ ও অক্কদ্ ও কলনী, এই সকল নগর তাহার প্রথম রাজ্য হইল। ১২ সেই দেশহইতে অশুর নির্গত হইয়া নিনিবী ও রিহো-বোৎ ও কেলহ, ১৩ এবং নিনিবী ও কেলহের মধ্যস্থিত মহানগর রেঘন্, এই সকল নগরের পত্তন করিল। ১৪ এবং লূদীয় ও অনামীয় ও লিহাবীয় ও নপ্তূহীয় ১৫ ও পণ্ডূবীয় ও পিলেকীয়দের আদি পুরুষ কমলূহীয় এবং কণ্ডোরীয়, এই সকল মিসরের পুত্র। ১৬ এবং কিনানের জ্যেষ্ঠ পুত্র সীদোন্, তাহার পর হেৎ ১৭ ও যিবূষীয় ও ইমোরীয় ও গির্গাশীয় ১৮ ও হিরায়ী ও অকীয় ও সোনীয় ১৯ ও অর্বদীয় ও মিমারীয় ও হমাতীয়। ২০ পরে কিনানীয়দের বংশ সকল বিভারিত হইলে সীদোনহইতে গিররের দিগে অসী পর্য্যন্ত এবং সীদোম্ ও অমোর্য ও অদ্ম্য ও মিবোয়ীমের দিগে লেশা পর্য্যন্ত কিনানীয়দের বসতির সীমা ছিল। ২১ এই সকলে হামের বংশ, কিন্তু ইহাদের মধ্যে গোষ্ঠী ও ভাষা ও দেশ ও জাতিভেদ ছিল।

২২ য়েফতের জ্যেষ্ঠ ভ্রাতা যে শাম্ তাহারও সন্তান সন্ততি ছিল, ফলতঃ সে তাবৎ ইব্রীয় লোকের আদিপুরুষ ছিল। ২৩ তাহার এই সকল বংশ, এলম্ ও অশূর্ ও অর্ফকৃষদ্ ও লূদ্ ও অরাম্। ২৪ এই অরামের বংশ উম্ ও হূল্ ও গেথর্ ও মশ্। ২৫ এবং অর্ফকৃষদের বংশ শেলহ, ও শেলহের পুত্র এবর্। ২৬ এই এবরের দুই পুত্র; একের নাম পেলগ্ (ভাগ), কেননা তৎকালে পৃথিবী বিভক্ত হইল; তাহার ভ্রাতার নাম যক্তন্। ২৭ এবং যক্তনের পুত্র অলমোদাদ্ ও শেলফ্ ও হৎসর্মাৎ ও যেরহ ২৮ ও হদোরাম্ ও উবল্ ও দিক্ ২৯ ও গুবল্ ও অবীমায়েল্ ও শিবা ৩০ ও ওফর্ ও হবীলা ও যোবব্। এই সকল যক্তনের বংশ। ৩১ মেঘা অবধি পূর্বিদিগের সিকর পর্যন্ত পর্য্যন্ত তাহাদের বসতি ছিল। ৩২ এই সকলে শামের বংশ; ইহাদের মধ্যে গোষ্ঠী ও ভাষা ও দেশ ও জাতি ভেদ ছিল। ৩৩ এই সকলের গোষ্ঠী ও জাতি ভেদ থাকিলেও ইহারা নোহের পুত্রদের বংশ ছিল; এবং জলপ্লাবনের পরে ইহাদের হইতে উৎপন্ন নানা জাতি তাবৎ পৃথিবীতে বিভক্ত হইল।

১১ অধ্যায়।

১ পূর্বে সমস্ত পৃথিবীতে এক ভাষা ও একরূপ উচ্চারণ ছিল। ২ পরে লোকেরা পূর্বেদিগে ভ্রমণ করিতে ২ শিনিয়র দেশের এক প্রান্তর পাইয়া সে স্থানে বসতি করিয়া ৩ পরস্পর এই রূপ পরামর্শ করিল, আইস আমরা ইফক নির্মাণ করিয়া অগ্নিতে দগ্ধ করি; তাহাতে ইফক তাহাদের প্রান্তরস্বরূপ ও শিলাজাত্য চূর্ণস্বরূপ হইল। ৪ পরে তাহারা কহিল, আইস আমরা আপনাদের নিমিত্তে এক নগর ও গগনস্পর্শি এক উচ্চগৃহ নির্মাণ করিয়া আপনাদের নাম বিখ্যাত করি; তাহাতে তাবৎ পৃথিবীতে ছিন্নভিন্ন হইবে না। ৫ পরে মনুষ্যসন্তানেরা যে নগর ও উচ্চগৃহ নির্মাণ করিতেছিল, তাহা দেখিতে পরমেশ্বর নামিয়া আইলেন। ৬ ফলতঃ পরমেশ্বর কহিলেন, দেখ, ইহারা সকলে এক জাতি ও এক ভাষাবাদী; এখন এই কর্মে প্রবৃত্ত হইল; ইহার পরে যে কিছু করিতে সক্ষম করিবে, তাহাইহাতে নিবারণ হইবে না। ৭ অতএব আইস, আমরা নীচে গিয়া তাহারা যেন এক জন অন্যের ভাষা বুঝিতে না পারে, এই জন্যে তাহাদের ভাষার ভেদ জন্মাই। ৮ এই রূপে পরমেশ্বর তথাহইতে তাবৎ পৃথিবীর দিগ্দিগন্তরে তাহাদিগকে ছিন্নভিন্ন করিলে তাহারা নগর পতন হইতে নিবৃত্ত হইল। ৯ এই কারণে সেই নগরের নাম বাবিল (ভেদ) থাকিল; কেননা সেই স্থানে পরমেশ্বর তাবৎ পৃথিবীর ভাষার ভেদ জন্মাইয়াছিলেন, এবং তথাহইতে তাহাদিগকে তাবৎ পৃথিবীতে ছিন্নভিন্ন করিয়াছিলেন।

১০ শামের বংশাবলি। শাম এক শত বৎসর বয়সে অর্থাৎ জলপ্লাবনের দুই বৎসর পরে অর্ফকষদের জন্ম দিল। ১১ অর্ফকষদের জন্মের পর শাম পাঁচ শত বৎসর জীবৎ থাকিয়া আরো সন্তান সন্ততির জন্ম দিল। ১২ এবং অর্ফকষদ্ পঁয়ত্রিশ বৎসর বয়সে শেলহের জন্ম দিল। ১৩ শেলহের জন্মের পর অর্ফকষদ্ চারি শত তিন বৎসর জীবৎ থাকিয়া আরো সন্তান সন্ততির জন্ম দিল। ১৪ এবং শেলহ ত্রিশ বৎসর বয়সে এবরের জন্ম দিল। ১৫ এবরের জন্মের পর শেলহ চারি শত তিন বৎসর জীবৎ থাকিয়া আরো সন্তান সন্ততির জন্ম দিল। ১৬ এবং এবর চৌত্রিশ বৎসর বয়সে পেলগের জন্ম দিল। ১৭ পেলগের জন্মের পর এবর চারি শত ত্রিশ বৎসর জীবৎ থাকিয়া আরো সন্তান সন্ততির জন্ম দিল। ১৮ এবং পেলগ ত্রিশ বৎসর বয়সে রিয়ুর জন্ম দিল। ১৯ রিয়ুর জন্মের পর পেলগ দুই শত নয় বৎসর জীবৎ থাকিয়া আরো সন্তান সন্ততির জন্ম দিল। ২০ এবং রিয়ু বত্রিশ বৎসর বয়সে সিরুগের জন্ম দিল। ২১ সিরুগের জন্মের পর রিয়ু দুই শত সপ্ত বৎসর জীবৎ থাকিয়া আরো সন্তান সন্ততির জন্ম দিল। ২২ এবং

সিরুগ ত্রিশ বৎসর বয়সে নাহোরের জন্ম দিল। ২৩ নাহোরের জন্মের পর সিরুগ দুই শত বৎসর জীবৎ থাকিয়া আরো সন্তান সন্ততির জন্ম দিল। ২৪ এবং নাহোর্ উনত্রিশ বৎসর বয়সে তেরহের জন্ম দিল। ২৫ তেরহের জন্মের পর নাহোর্ এক শত উনিশ বৎসর জীবৎ থাকিয়া আরো সন্তান সন্ততির জন্ম দিল। ২৬ এবং তেরহ সত্তরি বৎসর বয়সে ইত্রামের ও নাহোরের ও হারণের জন্ম দিল। ২৭ তেরহের বংশাবলি। তেরহ ইত্রামের ও নাহোরের ও হারণের জন্ম দিল। এবং সেই হারণ লোটের জন্ম দিল; ২৮ কিন্তু হারণ আপন পিতা তেরহের অগ্রে আপন জন্মান্থান কসদীয়দের উরু নামক নগরে প্রাণত্যাগ করিল। ২৯ ইত্রাম ও নাহোর্ ইহারায় বিবাহ করিল; ইত্রামের স্ত্রীর নাম সারী, ও নাহোরের স্ত্রীর নাম মিলকা। ঐ নাহোরের স্ত্রী মিলকা হারণের কন্যা ছিল; সেই হারণ মিলকার ও মিলকার পিতা।

৩০ ঐ সারী বন্ধ্যা ছিল, তাহার সন্তান হইল না। ৩১ অনন্তর তেরহ ইত্রাম পুত্রকে ও হারণের পুত্র লোট নামক পৌত্রকে এবং ইত্রামের ভার্য্যা সারী নামী পুত্রবধূকে সঙ্গে লইয়া কিনানু দেশে যাইবার নিমিত্তে কসদীয়দের উরু নামক নগর হইতে প্রস্থান করিল; কিন্তু হারণ নগর পর্যন্ত গিয়া তথায় বসতি করিল। ৩২ পরে তেরহের দুই শত পাঁচ বৎসর বয়স হইলে ঐ হারণ নগরে তাহার মৃত্যু হইল।

১২ অধ্যায়।

১ পরমেশ্বর ইত্রামকে কহিলেন, তুমি আপন দেশ ও জাতি ও কুটুম্ব ও পৈতৃক বাটী পরিত্যাগ করিয়া আমি যে দেশ তোমাকে দেখাই সেই দেশে চল। ২ আমি তোমাইহাতে এক মহাজাতি উৎপন্ন করিব, এবং তোমাকে আশীর্বাদ দিয়া তোমার নাম বিখ্যাত করিব, তাহাতে তুমি আশীর্বাদদের আকর হইবা। ৩ যাহারা তোমাকে আশীর্বাদ করে, তাহাদিগকে আমি আশীর্বাদ করিব; ও যাহারা তোমাকে অভিশাপ দেয়, তাহাদিগকে আমি অভিশাপ দিব; এবং তোমাকে পৃথিবীর তাবৎ বংশ আশীর্বাদ প্রাপ্ত হইবে।

৪ পরে ইত্রাম পরমেশ্বরের এই বাক্যানুসারে যাত্রা করিল; এবং লোটও তাহার সঙ্গে গেল। হারণ হইতে প্রস্থান কালে ইত্রামের পাঁচাত্তর বৎসর বয়স ছিল। ৫ এই রূপে ইত্রাম সারী ভার্য্যাকে ও ভ্রাতৃপুত্র লোটকে এবং হারণে আপনাদের উপাঞ্জিত ধন ও দাস দাসীগণকে লইয়া কিনানু দেশে গমনার্থে যাত্রা করিয়া সেই দেশে উপস্থিত হইল।

৬ অনন্তর ইত্রাম সেই দেশ দিয়া যাইতে ২ শিখিম্ব স্থানের নিকটস্থ মোরির উদ্যানে উত্তরিল; তৎকালে কিনানীয় লোকেরা সেই দেশে বাস করিত। ৭ পরে পরমেশ্বর ইত্রামকে দর্শন দিয়া

কহিলেন, আমি তোমার বংশকে এই দেশ দিব; অতএব ইব্রাম্ সেই স্থানে দর্শনদাতা পরমেশ্বরের উদ্দেশে যজ্ঞবেদি নির্মাণ করিল। ৮ পরে সে ঐ স্থান ভাগ করিয়া বৈগেলের পূর্বদিগের পর্বতে গিয়া তাম্বু স্থাপন করিল; তাহার পশ্চিমে বৈগেল ও পূর্বদিগে অম্ম নগর ছিল; এবং সে স্থানে পরমেশ্বরের উদ্দেশে এক যজ্ঞবেদি করিয়া তাঁহার নামে প্রার্থনা করিল। ৯ তাহার পরে ইব্রাম্ ক্রমে ২ আরো দক্ষিণে গমন করিল।

১০ অনন্তর সে দেশে দুর্ভিক্ষ হওয়াতে ইব্রাম্ মিসর দেশে প্রবাস করিতে যাত্রা করিল; কেননা কিনান্ দেশে তারি দুর্ভিক্ষ হইয়াছিল। ১১ পরে মিসর দেশে প্রবেশ করিতে উদ্যত হইলে ইব্রাম্ নিজ পত্নী সারাকে কহিল, দেখ, তুমি দেখিতে সুন্দরী, তাহা আমি জানি। ১২ এ কারণ মিস্রীয় লোকেরা তোমাকে দেখিয়া আমার ভার্য্যা জানিলে আমাকে বধ করিয়া তোমাকে জীবৎ রাখিবে। ১৩ অতএব বিনয় করি, তুমি আমার ভগিনী, এই কথা কহিও; তাহাতে তোমার অনুরোধে আমার মঙ্গল হইবে, ও তোমাহেতু আমার প্রাণ রক্ষা পাইবে।

১৪ পরে ইব্রাম্ মিসরে প্রবেশ করিলে মিস্রীয় লোকেরা ঐ স্ত্রীকে পরমসুন্দরী দেখিল। ১৫ এবং ফিরোণের অধ্যক্ষগণ তাহাকে দেখিয়া ফিরোণের সাক্ষাতে তাহার প্রশংসা করিল; ১৬ তাহাতে সেই স্ত্রী রাজার বাগীতে আনীতা হইল। এবং তাহার অনুরোধে রাজা ইব্রামকে সমাদর করিয়া তাহাকে মেঘ ও গোৱু ও গদভ ও গদভী ও উষ্ট্র এবং দাম দাসী দিল। ১৭ কিন্তু সেই সারী ইব্রামের ভার্য্যা, এই জন্যে পরমেশ্বর সপরিবারে ফিরোণের নানা মহাক্লেশ ঘটাইলেন। ১৮ অতএব ফিরোণ ইব্রামকে ডাকিয়া কহিল, তুমি আমার সহিত এ কি ব্যবহার করিলা? ১৯ ঐ নারী তোমার ভার্য্যা, এ কথা আমাকে কেন কহিলা না? তাহাকে আপনার ভগিনী কেন বলিলা? তাহাতে আমি তাহাকে বিবাহ করিতে লইলাম; এখন তোমার স্ত্রীকে লইয়া চলিয়া যাও। ২০ তখন ফিরোণের আজ্ঞাতে ভৃত্যবর্গ সর্ব্বস্বের সহিত তাহাকে ও তাহার স্ত্রীকে বিদায় করিল।

১৩ অধ্যায়।

১ তদনন্তর ইব্রাম্ ও তাহার স্ত্রী সকল সম্পত্তি লইয়া লোটের সম্ভিব্যাহারে মিসরহইতে (কিনান্ দেশের) দক্ষিণাঞ্চলে যাত্রা করিল। ২ ঐ ইব্রাম্ পশুতে ও স্বর্ণ রূপ্যতে অতিশয় ধনবান্ ছিল। ৩ পরে সে পূর্বযাত্রানুসারে দক্ষিণহইতে বৈগেলের দিগে যাইতে ২ বৈগেলের ও অয়ের মধ্যবর্ত্তি যে স্থানে পূর্বে তাহার তাম্বু স্থাপিত ছিল, ৪ সেই স্থানে আপনার পূর্বনির্ম্মিত যজ্ঞবেদির নিকটে উপস্থিত হইয়া পরমেশ্বরের নাম লইয়া প্রার্থনা

করিল। ৫ এবং ইব্রামের সহযাত্রী যে লোট, তাহারও অনেক ২ মেঘ ও গো ও তাম্বু ছিল। ৬ অতএব সেই দেশে একত্র বাস সম্প্রাণ্য হইল না, কেননা তাহাদের প্রচুর সম্পত্তি থাকতে তাহারা একত্র বাস করিতে পারিল না। ৭ বিশেষতঃ ইব্রামের পশুপালকদের ও লোটের পশুপালকদের পরস্পর বিরোধ হইত; তৎকালে সেই দেশে কিনানীয় ও পিরিয়ীয় লোকেরা বসতি করিত। ৮ অতএব ইব্রাম্ লোটকে কহিল, বিনয় করি, তোমাতে ও আমাতে, এবং তোমার পশুপালকগণে ও আমার পশুপালকগণে বিরোধ না হউক; কেননা আমরা পরস্পর জাতি। ৯ তোমার সম্মুখে কি সমস্ত দেশ নাই? বিনয় করি, তুমি আমাহইতে পৃথক্ হও; হয়, তুমি বামে যাও, আমি দক্ষিণে যাই; কিহা তুমি দক্ষিণে যাও, আমি বামে যাই।

১০ তখন লোট চক্ষু তুলিয়া দেখিল, যর্দ্দন নদীর প্রান্তর সোয়র্ পর্যন্ত পরমেশ্বরের উদ্যানের ন্যায় সর্ব্বত্র সজল ও মিসর দেশের সদৃশ; কেননা তৎকালে সিদোম্ ও অমোর্য পরমেশ্বরকর্তৃক বিনষ্ট হয় নাই। ১১ অতএব লোট আপনার নিমিত্তে যর্দ্দনের তাবৎ প্রান্তর মনোনীত করিয়া পূর্বদিগে প্রস্থান করিল; এই রূপে তাহারা পরস্পর পৃথক্ হইল। ১২ তদবধি ইব্রাম কিনান্ দেশে গৃহিল, এবং লোট সেই প্রান্তরস্থিত সকল নগরের মধ্যে থাকিয়া সিদোম্ নগরের নিকট পর্যন্ত তাম্বু স্থাপন করিতে লাগিল। ১৩ ঐ সিদোমের লোকেরা অতি দুষ্ক ও পরমেশ্বরের গোচরে অতি পাপিষ্ঠ ছিল।

১৪ এই রূপে ইব্রামহইতে লোট পৃথক্ হইলে পর পরমেশ্বর ইব্রামকে কহিলেন, এই যে স্থানে তুমি আছ, এই স্থানহইতে চক্ষু তুলিয়া উত্তর দক্ষিণ পূর্ব পশ্চিমে দৃষ্টিপাত কর। ১৫ কেননা তোমার দৃশ্য এই সমস্ত দেশ আমি চিরকালের নিমিত্তে তোমাকে ও তোমার বংশকে দিব। ১৬ এবং পৃথিবীস্থ ধূলির ন্যায় তোমার বংশবৃদ্ধি করিব; কেহ যদি পৃথিবীস্থ ধূলি গণিতে পাবে, তবে তোমার বংশ গণ্য হইবে। ১৭ উঠ, এই দেশের দীর্ঘ প্রস্থে পর্যটন কর, কেননা আমি তোমাকেই তাহা দিব। ১৮ তখন ইব্রাম্ তাম্বু তুলিয়া হিব্রোণের নিকটবর্ত্তি মস্ত্র নামক উদ্যানে গিয়া বাস করিল, এবং সেখানে পরমেশ্বরের উদ্দেশে এক যজ্ঞবেদি নির্মাণ করিল।

১৪ অধ্যায়।

১ অনন্তর শিনিয়রের অত্রাকল্ নামে রাজা ও ইল্লাসরের অরিয়োক নামে রাজা ও এলসায়ের কিদল্যায়ম্ নামে রাজা এবং অন্যজাতীয় তিদিয়ল্ নামে রাজার অধিকার সময়ে, ২ শিনোমের বির্য নামক রাজার ও অমোর্যের বির্শা নামক রাজার ও অদ্মার শিনাব্ নামক রাজার ও মিবেয়ামের

শিম্বেবর্ নামক রাজার ও বিলার অর্থাৎ সোয়রের রাজার সহিত ঐ রাজগণ যুদ্ধ করিল। ৩ ইহারা সকলে সিদ্দীম প্রান্তরে অর্থাৎ লবনসমুদ্রে একত্র হইয়াছিল। ৪ কারণ ইহারা দ্বাদশ বৎসর পর্য্যন্ত ঐ কিদল্যায়েম্বর রাজার বশীভূত থাকিয়া ত্রেয়োদশ বৎসরে তাহার অবশ হইয়াছিল। ৫ এই জন্যে চতুর্দশ বৎসরে কিদল্যায়েম্বর রাজা আপন সহায় রাজগণের সহিত আসিয়া অস্তিরোৎকর্ষণীয় দেশীয় রিকায়ীয় লোকদিগকে ও হম দেশীয় সুমীয় লোকদিগকে ও শাবিকিরিয়াথায়িম দেশীয় এমীয় লোকদিগকে ৬ ও প্রান্তরের নিকটবর্তি এলপারন অবধি সেমীর পর্যন্ত নিবাসি হোরীয় লোকদিগকে জয় করিল। ৭ পরে তথাহইতে ফিরিয়া এর্গমিসপটে অর্থাৎ কাদেশে গিয়া অমালেকীয় লোকদের তাবৎ দেশকে ও হৎসমোন্-তামর্ নিবাসি ইমোরীয় লোকদিগকে পরাজয় করিল। ৮ অতএব সিদোমের রাজা ও অমোরার রাজা ও অদ্মার রাজা ও সিবোয়িমের রাজা ও বিলার অর্থাৎ সোয়রের রাজা, এই পাঁচ রাজা ব্যুহ রচনা করিয়া ৯ এলম দেশের কিদল্যায়েম্বর রাজার ও অন্যজাতীয়দের তিদিয়র রাজার ও শিনিয়রের অম্রাফল রাজার ও ইল্লাসরের অরিয়োক রাজার এই চারি রাজার সহিত সিদ্দীম প্রান্তরে যুদ্ধ করিল। ১০ ঐ সিদ্দীম প্রান্তরে মেট্যা তৈলের অনেক খাত ছিল; তাহাতে সিদোমের ও অমোরার রাজগণ পলাইতে তাহার মধ্যে পতিত হইল, এবং অবশিষ্টেরা পর্যন্তে পলায়ন করিল। ১১ অতএব শত্রুরা সিদোমের ও অমোরার সমস্ত সম্পত্তি ও ভক্ষ্য দ্রব্য লুটিয়া লইয়া প্রস্থান করিল। ১২ বিশেষতঃ ইব্রামের ভ্রাতৃপুত্র সিদোম নিবাসি লোটকে ও তাহার সমস্ত সম্পত্তি লইয়া গেল।

১৩ তখন এক জন পলাতক ইব্রীয় ইব্রামকে সমাচার দিল; ঐ সময়ে ইব্রাম ইফেলের ও আনেরের ভ্রাতা ইমোরীয় মন্নির উদ্যানে বাস করিতেছিল, এবং তাহারা ইব্রামের সহায় ছিল। ১৪ তখন ইব্রাম আপন ভ্রাতৃপুত্রকে ধরিয়া লইয়া মাওনের সমাচার স্তনিবাসি আপন গৃহজাত তিন শত অষ্টাদশ শিক্ষিত ভৃত্যকে সুসজ্জ করিয়া শত্রুগণের পশ্চাৎ ২ খাবমান হইয়া দানু নগর পর্য্যন্ত গেল। ১৫ পরে আপন ভৃত্যগণকে দুই দল করিয়া রাত্রিকালে শত্রুগণের প্রতি আক্রমণ পূর্বক দম্মেষকের বাসস্থিত হোবা পর্য্যন্ত তাহাদিগকে তাড়াইয়া দিল। ১৬ এবং সকল সম্পত্তি, বিশেষতঃ আপন ভ্রাতৃপুত্র লোট ও তাহার সম্পত্তি এবং স্ত্রী ও প্রজা লোক সকলকে ফিরাইয়া আনি।

১৭ এই রূপে ইব্রাম কিদল্যায়েমরকে ও তাহার সহায় রাজগণকে জয় করিয়া প্রত্যাগমন করিলে পর, সিদোমের রাজা তাহার সহিত সাক্ষাৎ করিতে শাবী প্রান্তরে অর্থাৎ রাজর প্রান্তরে গমন করিল। ১৮ এবং সর্কোপরিষ্ট ঈশ্বরের বাজনকারী মল্কা-

বেদক নামে শালমের রাজা রুটী ও ড্রাক্ফারম বাহির করিয়া ১৯ ইব্রামকে এই আশীর্বাদ করিল, ইব্রাম স্বর্গমন্তের অধিকারি সর্কোপরিষ্ট ঈশ্বরের আশীর্বাদপত্র হউক। ২০ এবং সর্কোপরিষ্ট ঈশ্বর ধন্য হউন, তিনি তোমার শত্রুগণকে তোমারই হস্তে সমর্পণ করিলেন। তখন ইব্রাম সমস্ত দ্রব্যের দশমাংশ তাহাকে দিল। ২১ অনন্তর সিদোমের রাজা ইব্রামকে কহিল, তুমি সমস্ত সম্পত্তি লও, কিন্তু লোক সকল আমাকে দেও। ২২ তাহাতে ইব্রাম সিদোমের রাজাকে উত্তর করিল, আমি স্বর্গমন্তের অধিকারি সর্কোপরিষ্ট প্রভু পরমেশ্বরের নামে দিব্য করিয়া কহিতেছি, ২৩ আমি তোমার কিছুই লইব না, এক গাছ সূতা কি জুতার বন্ধন-রজ্জুও লইব না; পাছে তুমি মূল, আমি ইব্রামকে ধনবান করিয়াছি। ২৪ কেবল আমার যুবগণের আহারের ব্যয় গ্রহণ করিব, এবং আমার যে সহায়গণ সঙ্গে গিয়াছিল, তাহারা অর্থাৎ আনেব ও ইফোল্ড ও মন্নি আপন ২ প্রাপ্তব্য ভাগ গ্রহণ করুক।

১৫ অধ্যায়।

১ ঐ ঘটনার পরে দর্শনদ্বারা পরমেশ্বরের এই বাক্য ইব্রামের নিকটে উপস্থিত হইল, হে ইব্রাম, ভয় করিও না, আমি তোমার ঢাল ও মহাপুরস্কারস্বরূপ। ২ তাহাতে ইব্রাম উত্তর করিল, হে প্রভো পরমেশ্বর, তুমি আমাকে কি দিবা? আমি নিরপত্য হইয়া বেড়াইতেছি, এই দম্মেষকীয় ইলীয়েঘব্ আমার গৃহের ধনাধিকারী আছে। ৩ ইব্রাম পুনশ্চ কহিল, দেখ, তুমি আমাকে সম্ভান দিলা না, সুতরাং আমার গৃহজাত লোক আমার উত্তরাধিকারী হইবে। ৪ তখন তাহার প্রতি পরমেশ্বরের এই বাক্য উপস্থিত হইল, ঐ ব্যক্তি তোমার উত্তরাধিকারী হইবে না, কিন্তু যে তোমার গুরসে জন্মিবে, সেই তোমার উত্তরাধিকারী হইবে। ৫ পরে তিনি তাহাকে বাহিরে আনিয়া কহিলেন, তুমি আকাশে দৃষ্টি করিয়া যদি তারাগণ গণিতে পার, তবে গণিয়া বল। অনন্তর তিনি তাহাকে কহিলেন, এই রূপ তোমার বংশ হইবে। ৬ তখন সে পরমেশ্বরের বিস্বাস করিলে তিনি তাহার পক্ষে তাহা পূণ্যার্থে গণনা করিলেন। ৭ পরে পরমেশ্বর তাহাকে কহিলেন, যিনি তোমার অধিকারার্থে এই দেশ দিতে কন্দ্দীয়দের উর্ন নগরহইতে তোমাকে আনিলেন, সেই পরমেশ্বর আমি। ৮ তখন সে কহিল, হে প্রভো পরমেশ্বর, আমি যে এই দেশের অধিকারী হইব, তাহা কিম্বা জ্ঞানিব? ৯ পরমেশ্বর কহিলেন, তুমি তিন বৎসরের এক বাছুরকে ও তিন বৎসরের এক ছাগীকে ও তিন বৎসরের এক মেঘকে এবং এক ঘুঘুকে ও এক কপোতশাবককে আমার নিকটে আন। ১০ তাহাতে সে ঐ সকল পশু তাহার নিকটে আ-

নিয়া দ্বিখণ্ড করিয়া এক খণ্ডের অগ্রে অন্য খণ্ড রাখিল, কিন্তু পক্ষিগণকে দ্বিখণ্ড করিল না। ১১ পরে হিংস্র পক্ষিগণ সেই মৃত পশুদের উপরে পড়িলে ইব্রাম তাহাদিগকে তাড়াইয়া দিল। ১২ পরে সূর্যের অন্তগমন সময়ে ইব্রাম ঘোর নিদ্রাগত হইল; তাহাতে সে ত্রাসে ও অন্ধকারে মগ্ন হইল। ১৩ তখন পরমেশ্বর ইব্রামকে কহিলেন, তোমার সন্তানগণ চারি শত বৎসর পরদেশে প্রবাসী হইয়া দাস্য কর্ম করিয়া ক্লেশ ভোগ করিবে, ইহা নিশ্চয় জানিবা; ১৪ কিন্তু যে জাতীয় লোকেরা তাহাদিগকে দাস্য কর্ম করাইবে, আমি তাহাদের দণ্ড করিব; পরে তাহার যথেষ্ট ধন লইয়া নির্গত হইবে। ১৫ এবং তুমি কুশলে পূর্বপুরুষদের নিকটে যাইবা, ও শুভ বৃদ্ধাবস্থাতে কবর প্রাপ্ত হইবা। ১৬ এবং তোমার বংশের চতুর্থ পুরুষ এই দেশে প্রত্যাগমন করিবে; কেননা ইমোরীয় লোকদের অপরাধ অদ্যাপি সম্পূর্ণ হয় নাই। ১৭ অপর সূর্য্য অন্তগত ও অন্ধকার হইলে চুলার ধুম ও আগ্নেপ্রদীপ দৃশ্য হইয়া ঐ দুই খণ্ডশ্রেণীর মধ্য দিয়া চলিয়া গেল। ১৮ সেই দিনে পরমেশ্বর ইব্রামের সহিত নিয়ম নির্দার্য্য করিয়া কহিলেন, আমি মিশ্রীয় নদী অবধি ফরাৎ নামক বড় নদী পর্যন্ত এই দেশ তোমার বংশকে দিব, ১৯ অর্থাৎ কেনীয়দের ও কিনসীয়দের ও কদমোনীয়দের ২০ ও হিন্তীয়দের ও পিরিসীয়দের ও রিকনীয়দের ২১ ও ইমোরীয়দের ও কিনানীয়দের ও গির্গাশীয়দের ও যিব্বীয়দের দেশ দিব।

১৬ অধ্যায়।

১ ইব্রামের ভার্য্যা সারী বন্ধ্যা ছিল, এবং মিশ্রীয়া হাজিরা নামে তাহার এক দাসী ছিল; ২ তাহাতে সারী ইব্রামকে কহিল, দেখ, পরমেশ্বর আমাকে বন্ধ্যা করিয়াছেন; অতএব বিনয় করি, তুমি আমার এই দাসীতে উপগত হও; কি জানি, ইহাছারা আমি পুত্রবতী হইতে পারিব; তখন ইব্রাম সারীর বাক্যে সম্মত হইল। ৩ এই রূপে কিনান দেশে ইব্রামের দশ বৎসর বাস করণান্তে ইব্রামের ভার্য্যা সারী আপন দাসী মিশ্রীয়া হাজিরাকে লইয়া আপন স্বামি ইব্রামের সহিত বিবাহ দিল।

৪ অপর ইব্রাম হাজিরাতে উপগত হইলে সে গর্ভবতী হইল; এবং আপনার গর্ভ হইয়াছে, ইহা বুঝিয়া সে নিজ কত্রীকে তুচ্ছজ্ঞান করিতে লাগিল। ৫ তাহাতে সারী ইব্রামকে কহিল, আমার প্রতি এই অন্যায়ে ফল তোমার হউক; আমি আপনার যে দাসীকে তোমার জেগেড়ে দিয়াছিলাম, সে এখন আপন গর্ভ জানিয়া আমাকে তুচ্ছজ্ঞান করিতেছে; পরমেশ্বরই তোমার ও আমার বিচার করুন। ৬ তাহাতে ইব্রাম সারীকে কহিল, দেখ, সে তোমার দাসী, তোমারই হস্তগত আছে

তোমার ইচ্ছানুসারে তাহার প্রতি কর। তাহাতে সারী হাজিরার প্রতি কঠিন ব্যবহার করিলে সে তাহার নিকটহইতে পলায়ন করিল। ৭ পরে পরমেশ্বরের দূত প্রান্তরের মধ্যে এক জন্দের উনুইর নিকটে, অর্থাৎ শূরের পথে যে উনুই আছে, তাহার নিকটে তাহাকে পাইয়া ৮ কহিলেন, হে সারীর দাসি হাজিরা, তুমি কোথাহইতে আইলা? এবং কোথায় যাইবা? তাহাতে সে কহিল, আমি আপন কত্রী সারীর নিকটহইতে পলাইতেছি। ৯ তখন পরমেশ্বরের দূত তাহাকে কহিলেন, তুমি আপন কত্রীর নিকটে ফিরিয়া গিয়া তাহার হস্তের বশীভূতা হও। ১০ পরমেশ্বরের দূত তাহাকে আরও কহিলেন, আমি তোমার বংশের এমত বৃদ্ধি করিব, যে বাহুল্য প্রযুক্ত অগণ্য হইবে। ১১ পরমেশ্বরের দূত তাহাকে আরও কহিলেন, দেখ, তোমার গর্ভহইতে যে পুত্র জন্মিবে, তাহার নাম ইস্মায়েল (ঈশ্বর শুনে) রাখিবা, কেননা পরমেশ্বর তোমার দুগ্ধের কথা শুনিলেন। ১২ এবং সে অদম্য পুরুষ হইবে, ও তাহার হস্ত সকলের বিরুদ্ধে ও সকলের হস্ত তাহার বিরুদ্ধে থাকিবে; এবং সে নিজ তাবৎ জাতুগণের সম্মুখে বসতি করিবে। ১৩ অপর হাজিরা আপনার সহিত আলাপকারি পরমেশ্বরের এই নাম রাখিল, তুমি মদর্শক ঈশ্বর; কেননা সে কহিল, আমি এই স্থানে কি মদর্শকের অনুদর্শন করিয়াছি? ১৪ এই কারণ সেই কুপের নাম বের-লহয়-রায়ী (স্বয়ং-জীবী মদর্শকের কুপ) হইল। দেখ, তাহা কাদেশের ও বেরদের মধ্যে আছে। ১৫ পরে হাজিরা ইব্রামের নিমিত্তে পুত্র প্রসব করিলে ইব্রাম হাজিরাহইতে জাত আপনার সেই পুত্রের নাম ইস্মায়েল রাখিল। ১৬ ইব্রামের ছেয়াশী বৎসর বয়সের সময়ে হাজিরা ইব্রামের নিমিত্তে ইস্মায়েলকে প্রসব করিল।

১৭ অধ্যায়।

১ ইব্রামের নিরানন্ডই বৎসর বয়সে পরমেশ্বর তাহাকে দর্শন দিয়া কহিলেন, আমি সর্বশক্তিমান ঈশ্বর, তুমি আমার সাক্ষাতে গমনাগমন করিয়া সিদ্ধ হও। ২ আমি তোমার সহিত আপন নিয়ম স্থির করিয়া তোমার অতিশয় বৃদ্ধি করিব। ৩ তখন ইব্রাম ভূমিঃ হইয়া প্রণাম করিলে ঈশ্বর তাহার সহিত আলাপ করিয়া পুনশ্চ কহিলেন, ৪ দেখ, আমিই তোমার সহিত আপন নিয়ম স্থির করিতেছি, তুমি বহুজাতির আদিপিতা হইবা। ৫ এবং তোমার নাম ইব্রাম (মহাপিতা) আর থাকিবে না, কিন্তু ইব্রাহীম (বহুলোকের পিতা) এই নাম হইবে। ৬ কেননা আমি তোমাকে বহুজাতির আদিপিতা করিলাম। আমি তোমার অত্যন্ত বংশবৃদ্ধি করিব, এবং তোমাহইতে বহুজাতি জন্মাইব; ও রাজগণ তোমাহইতে উৎপন্ন হইবে।

৭ আমি তোমার সহিত ও তোমার ভাবিবংশ পর-
শরার সহিত যে নিয়ম স্থির করিলাম, তাহা নিত্য-
স্থায়ী হইবে; ফলতঃ আমি তোমার ও তোমার
ভাবিবংশের ঈশ্বর হইব। ৮ এবং তুমি এখন এই
যে কিনানু দেশে প্রবাস করিতেছ, ইহা সমুদয়
আমি তোমাকে ও তোমার ভাবিবংশকে নিত্য
অধিকারার্থে দিব, ও আমি তাহাদের ঈশ্বর হইব।
৯ ঈশ্বর ইব্রাহীমকে আরও কহিলেন, তুমিও আ-
মার নিয়ম পালন করিবা; তুমি ও তোমার ভাবি-
বংশ পুরুষানুক্রমে তাহা পালন করিবা। ১০ তো-
মার সহিত ও তোমার ভাবিবংশের সহিত কৃত
আমার যে নিয়ম তোমরা পালন করিবা, তাহা
এই, তোমাদের প্রত্যেক পুরুষের ত্বক্ছেদ হইবে।
১১ তোমরা আপন ২ লিঙ্গাগ্রচর্ম ছেদন করিবা;
তাহাই তোমাদের সহিত আমার নিয়মের চিহ্ন
হইবে। ১২ পুরুষানুক্রমে তোমাদের প্রত্যেক পুত্র-
সন্তানের আট দিন বয়সে ত্বক্ছেদ হইবে, এবং
যাহারা তোমার বংশ নহে, এমত ভিন্নজাতীয়দের
মধ্যে তোমাদের গৃহে জাত কিম্বা মূল্যদ্বারা ক্রীত
লোকেরও ত্বক্ছেদ হইবে। ১৩ তোমার গৃহজাত
কিম্বা মূল্যদ্বারা ক্রীত লোকের ত্বক্ছেদ অবশ্য
কর্তব্য; তোমাদের মাংসেতে আমার নিয়ম দৃশ্য
হইয়া নিত্য নিয়ম হইবে। ১৪ কিন্তু যাহার লিঙ্গা-
গ্রচর্ম ছেদন না হইবে, এমত অচ্ছিন্নত্বক্ পুরুষ
আমার নিয়ম ভঙ্গ করাতে আপন লোকদের মধ্য-
হইতে উচ্ছিন্ন হইবে।

১৫ তদনন্তর ঈশ্বর ইব্রাহীমকে কহিলেন, তুমি
আপন ভাৰ্যা সারাকে আর সারা (কুলীনা) বলিয়া
ডাকিও না; তাহার নাম সারা (রাজ্ঞী) হইল।
১৬ আমি তাহাকে আশীর্বাদ করিলাম, এবং
তাহাহইতে এক পুত্রও তোমাকে দিব; আমি
তাহাকে আশীর্বাদ করিলাম, ফলতঃ সে নানা
জাতির আদিমাতা হইবে, এবং তাহার বংশ
নানাদেশীয় রাজগণ উৎপন্ন হইবে। ১৭ তখন
ইব্রাহীম দণ্ডবৎ প্রণাম করিয়া হাসিয়া মনে ২
কহিল, শত বর্ষ বয়স্ক পুরুষের কি সন্তান হইবে?
১৮ নব্বই বৎসর বয়সে কি সারা পুত্র প্রসব করিবে?
১৯ অনন্তর ইব্রাহীম ঈশ্বরকে কহিল, ইসমায়েল
তোমার গোচরে বাঁচিয়া থাকুক। ২০ তখন ঈশ্বর
কহিলেন, তোমার ভাৰ্যা সারা অবশ্য তোমার
নিমিত্তে পুত্র প্রসব করিবে, এবং তুমি তাহার
নাম ইসহাক (হাস্য) রাখিবা, এবং আমি তাহার
সহিত আপন নিয়ম স্থির করিব, তাহা তাহার
ভাবিবংশের সহিত নিত্যস্থায়ী নিয়ম হইবে।
২০ এবং ইসমায়েল বিষয়ক তোমার প্রার্থনাও
শুনিলাম; দেখ, আমি তাহাকে আশীর্বাদ করিব,
এবং তাহাকে বহুপ্রজা করিয়া তাহার অতিশয়
বংশবৃদ্ধি করিব; তাহাহইতে দ্বাদশ রাজা উৎ-
পন্ন হইবে, ও আমি তাহাকে বড় জাতি করিব।
২১ কিন্তু আগামি বৎসরের এই সময়ে সারা তো-

মার নিমিত্তে যাহাকে প্রসব করিবে, সেই ইসহা-
কের সহিত আমি আপন নিয়ম স্থির করিব।
২২ এই রূপ কথোপকথন সাক্ষ করিয়া ঈশ্বর ইব্রা-
হীমের নিকটহইতে উদ্ভূতগমন করিলেন।
২৩ অনন্তর ইব্রাহীম আপন পুত্র ইসমায়েলকে
ও আপন গৃহজাত ও মূল্যক্রীত সকল দাসদিগকে,
অর্থাৎ ইব্রাহীমের গৃহে যত পুরুষ ছিল, সেই
সকলকে লইয়া ঈশ্বরের আজ্ঞানুসারে তদনিনেই
তাবতের লিঙ্গাগ্রচর্ম ছেদন করিল। ২৪ লিঙ্গাগ্রের
ত্বক্ছেদন কালে ইব্রাহীমের নিরানব্বই বৎসর
বয়স ছিল। ২৫ এবং লিঙ্গাগ্রের ত্বক্ছেদন কালে
তাহার পুত্র ইসমায়েলের তের বৎসর বয়স ছিল।
২৬ একই দিনে ইব্রাহীমের ও তাহার পুত্র ইসমা-
য়েলের ত্বক্ছেদ হইল। ২৭ সেই দিনে তাহার গৃহ-
জাত কিম্বা অন্যজাতীয়দের নিকটে মূল্যদ্বারা ক্রীত
তাহার গৃহের তাবৎ পুরুষেরও লিঙ্গাগ্রের ত্বক্-
ছেদ হইল।

১৮ অধ্যায়।

১ তদনন্তর পরমেশ্বর মন্দির উদ্যানে ইব্রাহীমকে
দর্শন দিলেন; ফলতঃ এক দিন উত্তাপ সময়ে সে
তাম্বুগৃহের দ্বারে বসিয়াছিল, ২ ইত্যবসরে আপন
চক্ষু তুলিয়া সম্মুখে দণ্ডায়মান তিন পুরুষকে দেখি-
ল; দেখিবামাত্র সাক্ষাৎ করিতে তাম্বুদ্বারহইতে
দৌড়িয়া গিয়া ভূমিষ্ঠ হইয়া প্রণাম করিয়া কহিল,
ও হে প্রভো, বিনয় করি, যদি আমার প্রতি অনু-
গ্রহ করিলেন, তবে এই ভূতোর স্থানহইতে অগ্র-
সর হইবেন না। ৩ বিনয় করি, কিঞ্চিৎ জল আ-
নাইয়া দি, পানপ্রক্ষালন করিয়া এই বৃক্ষতলে
বিশ্রাম করুন। ৪ এবং কিছু খাদ্য আনিয়া দি,
তাহাদ্বারা অন্তঃকরণ আপ্যায়িত করুন; পরে গমন
করিবেন; কেননা ইহারই নিমিত্তে আপন দাসের
নিকটে আগত হইলেন। তখন তাঁহার কহিলেন,
যাহা বলিতেছ তাহাই কর। ৫ তাহাতে ইব্রাহীম
শীঘ্র তাম্বুগৃহে সারার নিকটে গিয়া কহিল, শীঘ্র
তিন সের উত্তম ময়দা লইয়া ছানিয়া পিষ্টক প্রস্তুত
কর। ৬ পরে ইব্রাহীম তুরায় পালের নিকটে গিয়া
উৎকৃষ্ট কোমল এক গোবৎস লইয়া ভূত্যকে দিলে
সে তাহা শীঘ্র রন্ধন করিল। ৭ তখন সে দধি ও
পুষ্ক ও পর্ব গোবৎসের মাংস লইয়া তাঁহাদের
সাক্ষাতে দিল, এবং তাঁহাদের ভোজন সময়ে
আপনি বৃক্ষতলে তাঁহাদের সেবার্থে দাঁড়াইল।
৮ তদনন্তর তাঁহার তাহাকে জিজ্ঞাসিলেন, তোমার
ভাৰ্যা সারা কোথায়? সে কহিল, দেখুন, সে
তাম্বুতে আছে। ৯ তাহাতে তাঁহাদের এক ব্যক্তি
কহিলেন, আগামি বৎসরের এই সময়ে আমি
অবশ্য ফিরিয়া আসিব; দেখ, তৎকালে তোমার
ক্কা সারার কোলে এক পুত্র হইবে। এই কথা
সারা তাম্বুদ্বারে তাহার পশ্চাৎ থাকিয়া শুনিল।
১০ সেই সময়ে ইব্রাহীম ও সারা অতি বৃদ্ধ ছিল,

এবং সারার স্রীধর্ম নিবৃত্ত হইয়াছিল। ১২ অতএব সারা হাসিতে ২ মনে ২ কহিল, আমার এই শীর্ণ-বস্ত্র পরে কি এমত আনন্দ হইবে? বিশেষতঃ আমার প্রভুও বৃদ্ধ। ১৩ তখন পরমেশ্বর ইব্রাহীমকে কহিলেন, এই বৃদ্ধাবস্থাতে প্রসব হওয়া কি সম্ভব হয়? ইহা ভাবিয়া সারা কেন হাসিল? ১৪ কোন কর্ম কি পরমেশ্বরের অসাধ্য? আগামি বৎসরের এই সময়ে আমি ফিরিয়া আসিব, তখন সারার কোলে পুত্র হইবে। ১৫ তাহাতে সারা মিথ্যা করিয়া কহিল, আমি হাসি নাই; কেননা সে ভয় পাইল। কিন্তু তিনি কহিলেন, অবশ্য হাসিয়াছিল।

১৬ পরে সেই ব্যক্তির তথাহইতে উচ্চিয়া সি-দোমের দিগে প্রস্থান করিলে ইব্রাহীম আগবাড়ান রাখিতে তাঁহাদের সঙ্গে ২ চলিতেছিল। ১৭ তাহাতে পরমেশ্বর কহিলেন, আমি যাহা করিতে উদ্যত আছি, তাহা কি ইব্রাহীমহইতে লুকহিব? ১৮ ইব্রাহীমহইতে মহান ও বলবান এক জাতি উৎপন্ন হইবে, ও পৃথিবীর সর্বজাতীয়েরা তাহাতেই আশীর্বাদ প্রাপ্ত হইবে। ১৯ কেননা আমি তাহাকে জানি, সে আপন ভবিষ্যন্তানগণকে ও পরিবারদিগকে আদেশ করিবে, তাহাতে তাহারী ন্যায় ও ধর্মাচরণ করিতে ২ পরমেশ্বরের পথে চলিবে; এই রূপে পরমেশ্বর ইব্রাহীমের বিষয়ে প্রতিশ্রুত আপনীর বাক্য সফল করিবেন। ২০ অনন্তর পরমেশ্বর কহিলেন, সিদোমের ও অমোরার মহাধনি উচ্চিতেছে, তাহাদের পাপ অতি গুরুতর; ২১ এই জন্যে আমি নীচে দেখিতে গিয়া, আমার নিকটে আগত ধনি অনুসারে তাহারী সর্বতোভাবে করিয়াছে কিনা, তাহা জানিব।

২২ পরে সেই ব্যক্তির তথাহইতে ফিরিয়া সি-দোমের দিগে গমন করিলেন; কিন্তু ইব্রাহীম তখনও পরমেশ্বরের সাক্ষাতে দণ্ডায়মান থাকিল। ২৩ পরে ইব্রাহীম নিকটে গিয়া কহিল, তুমি কি পাপির সহিত ধার্মিককেও সংহার করিবা? ২৪ সেই নগরের মধ্যে যদি পঞ্চাশ জন ধার্মিক পাওয়া যায়, তবে তুমি কি তন্মধ্যবর্তি পঞ্চাশ জন ধার্মিকের অনুরোধে সেই স্থানের প্রতি ক্ষমা না করিয়া তাহা বিনষ্ট করিবা? ২৫ পাপির সহিত ধার্মিকের বিনাশ করা, এই প্রকার কর্ম তোমাহইতে দূরে থাকুক; ও ধার্মিককে পাপির সমান করা তোমাহইতে দূরে থাকুক। সমস্ত পৃথিবীর বিচারকর্তা কি ন্যায়বিচার করিবেন না? ২৬ তাহাতে পরমেশ্বর কহিলেন, আমি যদি সিদোম নগরে পঞ্চাশ জন ধার্মিক দেখি, তবে তাহাদের অনুরোধে সেই সমস্ত স্থানের প্রতি ক্ষমা করিব। ২৭ তাহাতে ইব্রাহীম কহিল, দেখুন, মুক্তিকারণে ও ভস্মাত্র যে আমি, আমি প্রভুর প্রতি কণা কাহিতে প্রবৃত্ত হইয়াছি। ২৮ যদি পঞ্চাশ জন ধার্মিকের পাঁচ জন ন্যূন হয়, তবে পাঁচ জনের অভাব প্রযুক্ত

কি সমস্ত নগর বিনষ্ট করিবেন? তিনি কহিলেন, পঁয়তাল্লিশ জন পাইলে আমি তাহা বিনষ্ট করিব না। ২৯ সে তাঁহাকে পুনর্বার কহিল, কে স্থানে যদি চল্লিশ জন পাওয়া যায়? তিনি কহিলেন, চল্লিশ জনের অনুরোধে তাহা করিব না। ৩০ আর বার সে কহিল, প্রভু বিরক্ত হইবেন না, তবে আরো কহি; যদি সেখানে ত্রিশ জন পাওয়া যায়? তিনি কহিলেন, ত্রিশ জন পাইলে তাহা করিব না। ৩১ সে কহিল, দেখুন, প্রভুর প্রতি আমি সাহসী হইয়া পুনর্বার কহি, যদি সেখানে বিংশতি জন পাওয়া যায়? তিনি কহিলেন, বিংশতি জনের অনুরোধে তাহা নষ্ট করিব না। ৩২ সে কহিল, ইহাতে প্রভু ক্রুদ্ধ হইবেন না, আমি কেবল আর এক বার কহি; যদি সেখানে দশ জন পাওয়া যায়? তিনি কহিলেন, দশ জনের অনুরোধে তাহা নষ্ট করিব না। ৩৩ তখন পরমেশ্বর ইব্রাহীমের সহিত এই রূপ কথোপকথন শেষ করিয়া প্রস্থান করিলেন, এবং ইব্রাহীমও স্বস্থানে ফিরিয়া গেল।

১২ অধ্যায়।

১ অপর সন্ধ্যাকালে যখন ঐ দুই স্বর্গদূত সি-দোম নগরে প্রবেশ করেন, তখন লোই নগরদ্বারে উপবিষ্ট থাকিতে তাঁহাদিগকে দেখিয়া তাঁহাদের সহিত সাক্ষাৎ করিতে উঠিল, এবং ভূমিষ্ঠ হইয়া প্রণাম করিয়া ২ কহিল, হে আমার প্রভুরা, বিনয় করি, আপনকাদের এই দাসের গৃহে পদার্পণ করিয়া অদ্য রাত্রি বাস করুন ও পূর্নপ্রক্ষালন করুন; পরে প্রত্যুষে উচ্চিয়া স্বঘাত্রাতে অগ্রসর হইবেন। তাহাতে তাঁহারা কহিলেন, না, আমরা চকে রাত্রি যাপন করিব। ৩ কিন্তু লোই অতিশয় সাধ্যসাধনা করিলে তাঁহারা তাহার সঙ্গে গিয়া তাহার বাসীতে প্রবেশ করিলেন; তাহাতে সে তাঁহাদের জন্যে তাড়ীশূন্য রুটী প্রভৃতি খাদ্য সামগ্রী প্রস্তুত করিলে তাঁহারা ভোজন করিলেন। ৪ পরে তাঁহাদের শয়নের পূর্বে ঐ নগরের লোকেরা অর্থাৎ সিদোম নগরের আবাল বৃদ্ধ তাবৎ লোক চতুর্দিকহইতে আসিয়া তাহার ঘর ঘেরিল, ৫ এবং লোটকে ডাকিয়া কহিল, অদ্য রাত্রিতে যে মনুষ্যেরা তোমার বাসীতে আইল, তাহারা কোথায়? তাহাদিগকে বাহির করিয়া আমাদের নিকটে আন, আমরা তাহাদিগেতে উপগত হইব। ৬ তখন লোট বাহিরে তাহাদের নিকটে আসিয়া কবাট বন্ধ করিয়া কহিল, ৭ হে ভাই সকল, আমি বিনয় করি, এমত কুব্যবহার করিও না। ৮ দেখ, পুরুষ-কর্তৃক অস্পৃষ্ঠ। আমার দুই কন্যা আছে, তাহাদিগকে তোমাদের নিকটে আনি, তোমরা তাহাদের সহিত স্বেচ্ছানুসারে ব্যবহার কর, কিন্তু এই ব্যক্তিদের প্রতি কিছুই করিও না, কেননা এই নিমিত্তে ইহারা আমার গৃহের ছায়া আশ্রয় করিল।

২ তখন তাহারা কহিল, মরিয়্যা যা; আরও কহিল, এই এক বেটা প্রবাস করিতে আসিয়া আমাদের বিচারকর্তা হইল; এখন তাহাদের অপেক্ষা তোর প্রতি আরো কুব্যবহার করিব। ইহা বলিয়া তাহারা সেই লোটের প্রতি আক্রমণ করিয়া কবাট ভাঙ্গিতে গেল। ২০ তখন সেই দুই ব্যক্তি হস্ত বাড়াইয়া লোটকে গৃহের মধ্যে আপনাদের নিকটে টানিয়া লইয়া কবাট বন্ধ করিলেন, ২১ এবং গৃহদ্বারের নিকটবর্তী ক্ষুদ্র ও মহান তাবৎ লোককে অন্ধ করিলেন; তাহাতে তাহারা দ্বার খুঁজিতে ২ পরিশ্রান্ত হইল। ২২ পরে ঐ ব্যক্তির লোটকে কহিলেন, এই স্থানে তোমার আর কে ২ আছে? পুত্র ও কন্যা ও জামাতাদি তোমার যত লোক এই নগরে আছে, সে সমস্তকে এই স্থানহইতে লইয়া যাও। ২৩ কেননা আমরা এই স্থানকে উচ্ছিন্ন করিব; পরমেশ্বরের সাক্ষাতে এই নগরের বড় ধ্বনি উঠিয়াছে, অতএব পরমেশ্বর তাহা উচ্ছিন্ন করিতে আমাদের পৃষ্ঠাটাইয়াছেন। ২৪ তখন লোট বাহিরে গিয়া তাহার কন্যাদিগকে বিবাহ করিতে উদ্যত আপন জামাতাদিগকে কহিল, উঠ, এ স্থানহইতে বাহির হও, কেননা পরমেশ্বর এই নগরকে উচ্ছিন্ন করিবেন; কিন্তু জামাতা সকল উপহাসকারির ন্যায় তাহাকে বোধ করিল। ২৫ অপর প্রভাত হইলে সেই দূতেরা লোটকে সত্বর করিয়া কহিলেন, উঠ, তোমার যে স্ত্রী ও যে দুই কন্যা এখানে আছে, তাহাদিগকে লইয়া যাও, পাছে নগরের দণ্ডে বিনষ্ট হও। ২৬ এবং সে বিলম্ব করিলে তাহার প্রতি পরমেশ্বরের স্নেহ প্রযুক্ত সেই ব্যক্তির তাহার ও তাহার স্ত্রীর ও দুই কন্যার হস্ত ধরিয়া নগরের বাহিরে লইয়া রাখিলেন। ২৭ এই রূপে তাহাদিগকে বাহির করিয়া তাহাদের এক ব্যক্তি লোটকে কহিলেন, প্রাণ রক্ষার্থে পলায়ন কর, পশ্চাদ্দিগে দৃষ্টি করিও না, এই সমস্ত প্রান্তরের মধ্যেও থাকিও না; পর্বতে পলায়ন কর, পাছে বিনষ্ট হও। ২৮ তাহাতে লোট উত্তর করিল, যে আমার প্রভা, এমন না হউক; ২৯ আপনি এখন এই ভূত্বের প্রতি অনুগ্রহ করিয়া মহাদয়া প্রযুক্ত আমার প্রাণ রক্ষা করিলেন; কিন্তু আমি পর্বতে পলায়ন করিতে পারি না; কি জানি, বিপদ ঘটিলে আমি মরিব। ২০ দেখুন, পলায়ন করিতে ঐ নগর নিকটবর্তী, তাহা ক্ষুদ্র স্থান; তথায় পলাইতে আজ্ঞা করুন, তাহাতে আমার প্রাণ বাঁচিবে; তাহা কি ক্ষুদ্র স্থান নয়? ২১ তাহাতে তিনি কহিলেন, ভাল, আমি এ বিষয়েও তোমার প্রতি অনুগ্রহ করিয়া ঐ যে নগরের কথা কহিলা, তাহা উৎপাটন করিব না। ২২ শীঘ্র সে স্থানে পলায়ন কর, কেননা তুমি ঐ স্থানে না পঁছছিলে আমি কিছু করিতে পারি না। সেই হেতুক ঐ স্থানের নাম সোয়র্ (ক্ষুদ্র) হইল। ২৩ অনন্তর পৃথিবীতে সূর্য প্রকাশ হইলে লোট সোয়রে প্রবেশ করি-

তেছিল, ২৪ এমন সময়ে পরমেশ্বর আপনায় নিকট হইতে অর্থাৎ আকাশহইতে সিদোমের ও অমোরার উপরে সগন্ধক অগ্নি বর্ষণ করিয়া ২৫ সেই সমুদয় নগর ও প্রান্তর ও ভূমিবিহীন লোক ও সেই ভূমিতে জাত তাবৎ বস্তুকে উৎপাটন করিলেন। ২৬ ঐ সময়ে লোটের স্ত্রী পশ্চাদ্দিগে দৃষ্টি করিতে লবণস্তম্ভ হইল।

২৭ অপর ইব্রাহীম প্রত্যুষে উঠিয়া পূর্বে যে স্থানে পরমেশ্বরের সাক্ষাতে দাঁড়াইয়াছিল, তথায় উপস্থিত হইয়া ২৮ সিদোমের ও অমোরার প্রতি ও সেই প্রান্তরের সমস্ত অঞ্চলের প্রতি অবলোকন করিয়া দেখিল, সেই দেশহইতে অগ্নিকুণ্ডের ধূমের ন্যায় ধূম উঠিতেছে; ২৯ কিন্তু সেই প্রান্তরস্থিত তাবৎ নগরের বিনাশ কালে ঈশ্বর ইব্রাহীমকে স্মরণ করিয়া যে ২ নগরে লোট বাস করিত, সেই ২ নগরের উৎপাটনকালে উৎপাটনের মধ্যহইতে লোটকে বিদায় করিলেন।

৩০ তদনন্তর সোয়রে বাস করিতে ভীত প্রযুক্ত লোট ও তাহার দুই কন্যা সোয়রহইতে প্রস্থান করিয়া পর্বতে থাকিল; ফলতঃ সে ও তাহার দুই কন্যা গুহামধ্যে বসতি করিল। ৩১ অপর তাহার জ্যেষ্ঠা কন্যা কনিষ্ঠাকে কহিল, আমাদের পিতা বৃদ্ধ, এবং জগৎ সংসারের ব্যবহারানুসারে আমাদের উৎপত্তি হইতে এ দেশে কোন পুরুষ নাই। ৩২ আইস, আমরা পিতাকে ড্রাক্কারস পান করাইয়া পিতার বংশ রক্ষার্থে তাহার সহিত শয়ন করি। ৩৩ অতএব তাহারা সেই রাত্রিতে আপন পিতাকে ড্রাক্কারস পান করাইলে তাহার জ্যেষ্ঠা কন্যা পিতার সহিত শয়ন করিতে গেল; কিন্তু তাহার শয়ন ও উঠিয়া যাওন লোট টের পাইল না। ৩৪ অপর পরদিনে সেই জ্যেষ্ঠা কনিষ্ঠাকে কহিল, দেখ, গত রাত্রিতে আমি পিতার সহিত শয়ন করিয়াছিলাম, আইস, আমরা অদ্য রাত্রিতেও পিতাকে ড্রাক্কারস পান করাই, তাহাতে পিতার বংশ রক্ষার্থে তুমি যাইয়া তাহার সহিত শয়ন কর। ৩৫ অতএব তাহারা সেই রাত্রিতেও পিতাকে ড্রাক্কারস পান করাইল; পরে তাহার কনিষ্ঠা কন্যা উঠিয়া তাহার সহিত শয়ন করিল; কিন্তু তাহার শয়ন ও উঠিয়া যাওন লোট টের পাইল না। ৩৬ এই রূপে লোটের দুই কন্যাই আপন পিতাহইতে গর্ভবতী হইল। ৩৭ পরে জ্যেষ্ঠা কন্যা পুত্র প্রসব করিয়া তাহার নাম মোয়াব রাখিল; সে এখনকার মোয়াবীয় লোকদের আদিপিতা। ৩৮ এবং কনিষ্ঠা কন্যাও পুত্র প্রসব করিয়া তাহার নাম বিনামি রাখিল, সে এখনকার অম্মোনীয় লোকদের আদিপিতা।

২০ অধ্যায়।

১ অনন্তর ইব্রাহীম তথাহইতে দক্ষিণ দেশে যাত্রা করিয়া কাদেশের ও শূরের মধ্যস্থানে থা-

কিয়া গিররে প্রবাস করিল। ২ কিন্তু ইব্রাহীম আপন ভাৰ্য্যা সারার বিষয়ে কহিল, এ আমার ভগিনী; এই নিমিত্তে গিররের রাজা অবীমেলক লোক পাঠাইয়া সারাকে গৃহণ করিল। ৩ তাহাতে রাত্রিতে ঈশ্বর স্বপ্নযোগে অবীমেলকের নিকটে আসিয়া কহিলেন, দেখ, তুমি মৃত্যুর পাত্র, কেননা এ যে স্ত্রীকে তুমি গ্রহণ করিয়াছ, তাহার স্বামী আছে। ৪ কিন্তু অবীমেলক তাহাতে উপগত না হওয়াতে কহিল, হে প্রভো, যে জাতি নির্দোষ, তাহাকেও কি তুমি বধ করিবা? ৫ এ আমার ভগিনী, এই কথা কি সেই ব্যক্তি আমাকে কহে নাই? এবং এ আমার ভ্রাতা, এমন কথা কি সেই স্ত্রীও কহে নাই? আমি যাহা করিয়াছি, তাহা মনের সরলতাতে ও হস্তের নির্দোষতাতে করিয়াছি। ৬ তখন ঈশ্বর স্বপ্নযোগে তাহাকে কহিলেন, তুমি যে মনের সরলতাতে এ কর্ম করিয়াছ, তাহা আমিও জ্ঞাত হওয়াতে আমার বিরুদ্ধে পাপ করিতে তোমাকে নিবৃত্ত করিলাম; এই জন্যে তাহাকে স্পর্শ করিতে দিলাম না। ৭ অতএব এখন সেই ব্যক্তির ভাৰ্য্যা তাহাকে ফিরিয়া দেও, কেননা সে ভবিষ্যদ্বক্তা; সে তোমার জন্যে প্রার্থনা করিবে, তাহাতে তুমি বাঁচিবা; কিন্তু যদি তাহাকে ফিরিয়া না দেও, তবে অবশ্য তুমি সপরিবারে মরিবা, ইহা জ্ঞাত হও। ৮ পরে অবীমেলক প্রত্যুষে উঠিয়া আপনার সকল ভৃত্যকে ডাকিয়া ঐ সমস্ত বৃত্তান্ত তাহাদের কর্ণগোচর করিলে তাহারা অতিশয় ভীত হইল। ৯ পরে অবীমেলক ইব্রাহীমকে ডাকিয়া কহিল, তুমি আমাদের প্রতি এ কি ব্যবহার করিলা? তুমি যে আমাকে ও আমার রাজ্যকে এমত মহাপরাধগ্রস্ত কর, আমি তোমার কাছে এমন কি দোষ করিয়াছি? তুমি আমার প্রতি অকর্তব্য কর্ম করিলা। ১০ অবীমেলক ইব্রাহীমকে আরো কহিল, তুমি কি দেখিয়া এমত কর্ম করিলা? ১১ তখন ইব্রাহীম কহিল, এই অঞ্চলে ঈশ্বরের প্রতি ভয়মাত্র নাই, অতএব ইহারা আমার স্ত্রী ছাড়া আমাকে বধ করিবে, ইহা আমি ভাবিয়াছিলাম। ১২ আর সে আমার ভগিনী, ইহাও সত্য বটে, কেননা সে আমার পিতৃকন্যা, কিন্তু মাতৃকন্যা নহে, এবং আমার ভাৰ্য্যা হইল। ১৩ যখন ঈশ্বর আমাকে পৈতৃক বাণী হইতে ভ্রমণ করাইয়াছিলেন, তখন আমি তাহাকে কহিয়াছিলাম, আমার প্রতি তোমার এই অনুগ্রহ করিতে হইবে, ফলতঃ আমরা যে ২ স্থানে যাইব, সেই ২ স্থানে তুমি আমাকে ভ্রাতা বলিয়া পরিচয় দিও। ১৪ তখন অবীমেলক মেঘ ও পোরু ও দাস ও দাসী আনাইয়া ইব্রাহীমকে দিল, এবং তাহার ভাৰ্য্যা সারাকেও তাহার স্থানে সমর্পণ করিল। ১৫ পরে অবীমেলক কহিল, দেখ, আমার সমস্ত দেশ তোমার সমক্ষে আছে; তোমার যথা ইচ্ছা তথা বসতি কর। ১৬ এবং সারাকেও কহিল, দেখ, আমি

তোমার ভ্রাতাকে সহস্র ধান রূপা দিলাম; তোমা প্রভৃতি সকলের প্রতি যাহা ঘটিল, তাহার আচ্ছাদনস্বরূপ তাহাই হইবে। এই রূপে সে অনুযুক্তা হইল। ১৭ পরে ইব্রাহীম ঈশ্বরের কাছে প্রার্থনা করিলে ঈশ্বর অবীমেলককে ও তাহার ভাৰ্য্যাকে ও তাহার দাসীগণকে মুক্ত করিলেন; তাহাতে সারার পুত্র প্রসব করিল। ১৮ কেননা পরমেশ্বর ইব্রাহীমের ভাৰ্য্যা সারার নিমিত্তে অবীমেলকের গৃহস্থিতদের গর্ভ রোধ করিয়াছিলেন।

২১ অধ্যায়।

১ অপর পরমেশ্বর আপন বাক্যানুসারে সারার প্রতি রূপাদৃষ্টি করিয়া তাহার নিমিত্তে আপন প্রতিজ্ঞা সফল করিলেন। ২ তাহাতে সারা গর্ভবতী হইয়া ঈশ্বরোক্ত নিরূপিত সময়ে বৃদ্ধ ইব্রাহীমের নিমিত্তে পুত্র প্রসব করিল। ৩ তখন ইব্রাহীম সারার গর্ভজাত নিজ পুত্রের নাম ইস্হাক্ (হাস্য) রাখিল। ৪ পরে ঐ পুত্র ইস্হাক্‌র আট দিন বয়স হইলে ইব্রাহীম ঈশ্বরের আজ্ঞানুসারে তাহার ত্বক্ছেদ করিল। ৫ ইব্রাহীমের এক শত বৎসর বয়সের সময়ে তাহার পুত্র ইস্হাক্‌র জন্ম হয়। ৬ অপর সারা কহিল, ঈশ্বর আমাকে হাস্য করাইলেন; ইহা শুনিয়া সকলেই আমার উদ্দেশে হাস্য করিবে। ৭ সে আরো কহিল, সারা বালকদিগকে স্নান পান করাইবে, এমন কথা ইব্রাহীমকে কে বলিতে পারিত? কেননা আমি এখন তাহার বৃদ্ধাবস্থাতে তাহার নিমিত্তে পুত্র প্রসব করিলাম। ৮ অপর বালক বড় হইয়া স্নান পান ত্যাগ করিল; এবং যে দিনে ইস্হাক্ স্নান পান করিগ, সেই দিনে ইব্রাহীম মহাভোজ প্রস্তুত করিল।

২ অনন্তর মিশ্রীয়া হাজিরা ইব্রাহীমের নিমিত্তে যে পুত্র প্রসব করিয়াছিল, সারা তাহাকে পরিহাস করিতে দেখিয়া ইব্রাহীমকে কহিল, ১০ তুমি ঐ দাসীকে ও উহার পুত্রকে দূর করিয়া দেও; আমার পুত্র ইস্হাক্‌র সহিত ঐ দাসীপুত্র উত্তরাধিকারী হইবে না। ১১ এই কথা শুনিয়া ইস্হাহীম আপন পুত্রের জন্যে অতি দুঃখিত হইল। ১২ কিন্তু ঈশ্বর ইব্রাহীমকে কহিলেন, ঐ বালকের জন্যে ও তোমার ঐ দাসীর জন্ম দুঃখিত হইও না; সারা তোমাকে যাহা কহিতেছে, তাহার সেই বাক্যে সম্মত হও; কেননা ইস্হাক্‌হইতে তোমার বংশ বিখ্যাত হইবে। ১৩ আর ঐ দাসীপুত্র তোমার সন্তান, এই জন্যে আমি তাহা হইতেও এক জাতি উৎপন্ন করিব। ১৪ অতএব ইব্রাহীম প্রত্যুষে উঠিয়া রুটা ও জলপূর্ণ কুপা লইয়া হাজিরার সন্ধে দিয়া বালককে সমর্পণ করিয়া তাহাকে বিদায় করিল। তাহাতে সে প্রশ্নান করিয়া বেরশেবা নামক প্রান্তরে ভ্রমণ করিতে লাগিল। ১৫ পরে কুপার জল শেষ হইলে হাজিরা এক ষোপের নীচে বালককে রাখিয়া ১৬ আপনি তাহার

সম্মুখহইতে এক ভীর দূরে গিয়া বসিল, কারণ সে কহিল, বালকের মৃত্যু আমি দেখিব না। অতএব সে তাহার সম্মুখহইতে দূরে বসিয়া উচ্চৈঃস্বরে রোদন করিতে লাগিল। ১৭ তখন ঈশ্বর বালকের রব শুনিলেন; তাহাতে ঈশ্বরের দূত আকাশহইতে ডাকিয়া হাজিরাকে কহিলেন, হে হাজিরা, তোমার কি হইল? ভয় করিও না, ঈশ্বর স্বস্থানে থাকিয়া ঐ বালকের রোদন শুনিলেন। ১৮ তুমি উঠিয়া বালককে তুলিয়া হস্তে ধর; আমি তাহাহইতে এক মহাজাতি উৎপন্ন করিব। ১৯ তখন ঈশ্বর তাহার চক্ষু প্রসন্ন করিলে সে এক সজল কুপ দেখিতে পাইয়া তথায় গমন পূর্বক কুপা জলে পূরিয়া বালককে পান করাইল। ২০ পরে ঈশ্বর সেই বালকের সাহায্য করিতে সে বড় হইল, এবং প্রাপ্তবয়স্ক হইয়া ধনুর্ধর হইল। ২১ পারন্ নামক প্রান্তরে তাহার বসতি ছিল। পরে তাহার মাতা মিসর দেশীয় কোন কন্যার সহিত তাহার বিবাহ দিল।

২২ ঐ সময়ে অবীমেলক্ এবং ফীখোল্ নামে তাহার সেনাপতি ইব্রাহীমকে কহিল, তুমি যে কিছু কর, সেই সকলতে ঈশ্বর তোমার সহায় আছেন। ২৩ অতএব তুমি আমার প্রতি ও আমার পুত্র পৌত্রের প্রতি বিশ্বাসঘাতকতা করিবা না; এবং আমি তোমার প্রতি যেরূপ দয়া করিয়াছি, তুমিও আমার প্রতি ও তোমার প্রবাসস্থান এই দেশের প্রতি তদ্রূপ দয়া করিবা, আমার কাছে ঈশ্বরের দিব্য করিয়া এই কথা বল। ২৪ তাহাতে ইব্রাহীম্ কহিল, ভাল, দিব্য করিব। ২৫ কিন্তু অবীমেলকের ভৃত্যগণ ইব্রাহীমের এক সজল কুপ বনেতে অধিকার করিয়া রাখিল, এই জন্যে ইব্রাহীম্ অবীমেলককে অনুযোগ করিল। ২৬ তাহাতে অবীমেলক্ কহিল, এই কর্ম কে করিয়াছে, তাহা আমি জানি না, তুমিও আমাকে জানাও নাই; এবং আমিও কেবল অদ্য এ কথা শুনিলাম। ২৭ পরে ইব্রাহীম্ মেঘ ও গোরু লইয়া অবীমেলককে দিল, এবং উভয়ে এক নিয়ম স্থির করিল। ২৮ তৎকালে ইব্রাহীম্ পালহইতে সাতটা মেঘবৎস পৃথক করিয়া রাখিলে অবীমেলক্ তাহাকে জিজ্ঞাসিল, ২৯ তুমি কি অভিপ্রায়ে এই সাত মেঘবৎস পৃথক করিয়া রাখিলা? ৩০ ইব্রাহীম্ কহিল, আমি যে এই কুপ খুঁদিয়াছি, তাহার প্রমার্ণার্থে আমাহইতে এই সাত মেঘবৎস তোমাকে গ্রহণ করিতে হইবে। ৩১ অতএব সেই স্থানের নাম বেরশেবা (দিব্যের কুপ) হইল, কেননা সেই স্থানে তাহারা উভয়ে দিব্য করিল। ৩২ এইরূপে তাহারা বেরশেবাতে নিয়ম স্থির করিলে পর অবীমেলক্ ও ফীখোল্ নামে তাহার সেনাপতি গাত্রোথান করিয়া পিলেফীয়দের দেশে প্রত্যাগমন করিল।

৩৩ পরে ইব্রাহীম্ সেই বেরশেবার নিকটে উপ-

বন প্রস্থত করিয়া সেই স্থানে নিত্যস্থায়ি প্রভু পরমেশ্বরের নামে প্রার্থনা করিল। ৩৪ এবং ইব্রাহীম্ পিলেফীয়দের দেশে বহু কাল পর্যন্ত প্রবাস করিল।

২২ অধ্যায়।

১ এই সকল ঘটনার পরে ঈশ্বর ইব্রাহীমের পরীক্ষা লইলেন; ফলতঃ তিনি তাহাকে কহিলেন, হে ইব্রাহীম্। তাহাতে সে উত্তর করিল, দেখ, আমি উপস্থিত আছি। ২ তখন তিনি কহিলেন, তুমি আপন পুত্রকে অর্থাৎ তোমার প্রিয় অধিতীয় পুত্র ইস্হাককে লইয়া মোরিয়া দেশে যাও, এবং তথাকার যে পর্বত আমি তোমাকে বলিব, সেই পর্বতের উপরে তাহাকে হোমার্থে বলিদান কর। ৩ তাহাতে ইব্রাহীম্ প্রত্যয়ে উঠিয়া গর্দভ সাজাইয়া দুই জন দাস ও ইস্হাক পুত্রকে সঙ্গে লইল, এবং হোমের নিমিত্তে কাষ্ঠ কাটিয়া যাত্রা করিয়া ঈশ্বরের নির্দিষ্ট স্থানের প্রতি গমন করিল। ৪ পরে তৃতীয় দিবসে ইব্রাহীম্ উর্ধ্বদৃষ্টি করিয়া দূরহইতে সেই স্থান দেখিল। ৫ তখন ইব্রাহীম্ ঐ দাসদ্বিগকে কহিল, তোমরা এই স্থানে গর্দভের সহিত থাক; আমি ও বালক আমরা দুই জন ঐ স্থানে গিয়া আরাধনা করি, পশ্চাৎ তোমাদের কাছে ফিরিয়া আসিব। ৬ তখন ইব্রাহীম্ যজ্ঞকাষ্ঠ লইয়া আপন পুত্র ইস্হাকের স্কন্ধে দিয়া নিজ হস্তে অগ্নি ও খড়্গা লইল; পরে উভয়ে একত্র চলিয়া গেল। ৭ অপর ইস্হাক্ আপন পিতা ইব্রাহীমকে কহিল, হে আমার পিতঃ। তাহাতে সে উত্তর করিল, হে আমার পুত্র, আমি উপস্থিত আছি। তখন সে জিজ্ঞাসিল, এই দেখ অগ্নি ও কাষ্ঠ, কিন্তু হোমের মেঘশাবক কোথায়? ৮ তাহাতে ইব্রাহীম্ কহিল, হে আমার পুত্র, ঈশ্বর আপনি হোমার্থে মেঘশাবক লক্ষ্য করিবেন। পরে উভয়ে একত্র চলিয়া গেল। ৯ অপর ঈশ্বরের নির্দিষ্ট স্থানে উপস্থিত হইলে ইব্রাহীম সেখানে এক যজবেদি করিয়া তদুপরি কাষ্ঠ সাজাইয়া ইস্হাব পুত্রকে বাঁধিয়া বেদির কাষ্ঠোপরি রাখিল। ১০ পরে ইব্রাহীম্ হস্ত বিস্তার করিয়া আপন পুত্রকে বধ করণার্থে খড়্গা গ্রহণ করিল। ১১ এমন সময়ে আকাশহইতে পরমেশ্বরের দূত, হে ইব্রাহীম্ ২, বলিয়া ভাকিলে সে কহিল, আমি উপস্থিত আছি। ১২ তাহাতে তিনি কহিলেন, ঐ বালকের প্রতিকূলে হস্ত বিস্তার করিও না; উহার প্রতি কিছুই করিও না; তুমি ঈশ্বরভক্ত, আপনার অধিতীয় পুত্রকেও আমাকে দিতে অসম্মত নহ, ইহা আমি এখন বুঝিলাম। ১৩ তখন ইব্রাহীম্ উর্ধ্বদৃষ্টি করিয়া আপন পশ্চাদ্দিগে ঝোপের লতাতে বদ্ধশূঙ্গ এক মেঘ দেখিল; তাহাতে ইব্রাহীম্ গিয়া সেই মেঘকে লইয়া আপন পুত্রের পরিবর্তে তাহাকে হোমার্থে বলিদান করিল। ১৪ এবং ইব্রাহীম্ সেই স্থানের

নাম যিহোবা-যিরি (পরমেশ্বর দেখিবেন) রাখিল। এই জন্যে অদ্যাপি লোকেরা কহে, পরমেশ্বরের পর্শ্বতে লক্ষ্য করা যাইবে।

১৫ অপর পরমেশ্বরের দূত আকাশহইতে ইব্রাহীমকে দ্বিতীয় বার ডাকিয়া কহিলেন, পরমেশ্বরের কহিতেছেন, ১৬ তুমি আমাকে আপনাদের অদ্বিতীয় পুত্র দিতে অসম্মত হইলা না, তোমাদের এই কার্য প্রযুক্ত আমি আপন নামে দিব্য করিয়া কহিতেছি, ১৭ আমি অবশ্য তোমাকে আশীর্বাদ করিব, এবং আকাশস্থ নক্ষত্রগণের ও সমুদ্রতীরস্থ বালুকার ন্যায় তোমাদের অতিশয় বংশবৃদ্ধি করিব; তোমাদের বংশ শতগুণের নগর অধিকার করিবে। ১৮ এবং পৃথিবীস্থ তাবৎ জাতি তোমাদের বংশেতে আশীর্বাদ প্রাপ্ত হইবে; কারণ তুমি আমার আজ্ঞা পালন করিয়াছ। ১৯ পরে ইব্রাহীম সেই দামদের নিকটে ফিরিয়া গেলে তাহার সকলে উচিয়া একত্র বেরশেবাতে গেল। এবং ইব্রাহীম বেরশেবাতে বসতি করিল।

২০ ঐ ঘটনার পরে ইব্রাহীমের নিকটে এই সমাচার আইল, দেখ, তোমাদের নাহোর নামক ভ্রাতার গুণ্ডেসে মিল্কার গর্ভে পুত্রগণ জন্মিয়াছে; ২১ তাহার জ্যেষ্ঠ পুত্রের নাম উম্ ও তাহার ভ্রাতা বুম্ ও অরামের পিতা কিমুয়েল। ২২ এবং কেয়দ ও হমো ও পিলদশ্ ও যিদলফ্ ও বিথুয়েল্। ২৩ ঐ বিথুয়েলের কন্যা রিব্কা। এই আট জন ইব্রাহীমের নাহোর নামক ভ্রাতাহইতে মিল্কার গর্ভে জন্মিল। ২৪ এবং নাহোরের রমা নামে উপপত্নীর গর্ভে টেবহ ও গহম্ ও তহশ্ এবং মাখা জন্মিল।

২৩ অধ্যায়।

১ সারার আয়ুর পরিমাণ এক শত সাতাইশ বৎসর ছিল; তাহার আয়ু এত বৎসর হইলে ২ সে কিনানদেশস্থ কিরিয়ৎথর্বে অর্থাৎ হিবোনে মরিল। তাহাতে ইব্রাহীম সারার নিমিত্তে শোক ও বিলাপ করিতে ভিতরে গেল। ৩ পরে ইব্রাহীম মৃত জীর নিকটহইতে উচিয়া গিয়া হেতের সন্তানদিগকে কহিল, ৪ আমি তোমাদের মধ্যে বিদেশী ও প্রবাসী; তোমাদের মধ্যে আমাকে কবরস্থানের অধিকার দেও, তাহাতে আমি আপন দৃষ্টিগোচরহইতে মৃত জীকে কবর দিব। ৫ তখন হেতের সন্তানেরা ইব্রাহীমকে উত্তর করিল, ৬ হে প্রভো, আমাদের কথা শুনুন; আপনি আমাদের মধ্যে ঈশ্বরনিযুক্ত রাজাস্বরূপ; আপনকার মৃত ভাষ্যকে আমাদের কবরস্থানের মধ্যে উত্তম কবরে রাখুন, আপনকার মৃত ভাষ্যকে কবর দেওনার্থে আমাদের কেহ নিজ কবর অস্বীকার করিবে না। ৭ তখন ইব্রাহীম উচিয়া তদ্দেশীয় লোকদিগকে অর্থাৎ হেতের সন্তানগণকে নমস্কার ৮ ও সভা করিয়া কহিল, আমার দৃষ্টিহইতে মৃত জীকে কবরে রাখিতে যদি তোমাদের সম্মতি হয়, তবে

আমাদের কথা শুন। তোমরা আমার জন্যে সোহরের পুত্র ইফোনের স্থানে নিবেদন কর; ৯ মকপেলাতে তাঁহার ক্ষেত্রের অন্তে এক গুহা আছে; তোমাদের মধ্যে আমার কবরস্থানের অধিকারার্থে তিনি আমাকে তাহাই দিউন; তাহার যত মূল্য, তত লইয়া দিউন। ১০ ঐ ইফোন তখন হেতীয় সন্তানদের মধ্যে উপবিষ্ট ছিল; অতএব হেতের যত সন্তান তাহার ঐ নগরদ্বারে প্রবেশ করিত, তাহাদের কর্ণগোচরে সেই হেতীয় ইফোন ইব্রাহীমকে উত্তর করিল, ১১ হে আমার প্রভো, আমার কথা শুনুন, আমি সেই ক্ষেত্র ও তন্মধ্যবর্তি গুহা আপনকার দান করিলাম; আমি নিজ লোকদের সাক্ষাতেই আপনকারে তাহা দিলাম, আপনি নিজ মৃত জীকে কবর দিউন। ১২ তাহাতে ইব্রাহীম তদ্দেশীয় লোকদের সাক্ষাতে প্রণাম করিল, ১৩ ও তদ্দেশীয় সকলের কর্ণগোচরে ইফোনকে কহিল, আমার বাক্য যদি আপনকার গ্রাহ্য হয়, তবে নিবেদন কর, আমি সেই ক্ষেত্রের মূল্য দি, আপনি তাহা গ্রহণ করুন, পরে আমি সে স্থানে মৃত জীর কবর দিব। ১৪ তাহাতে ইফোন ইব্রাহীমকে উত্তর করিল, হে আমার প্রভো, আমার কথা শুনুন, ১৫ সেই ভূমির মূল্য চারি শত রোপ্যমুদ্রামাত্র; ইহাতে আপনকার ও আমার কি হইতে পারে? অতএব আপনি নিজ মৃত জীকে কবরে দিউন। ১৬ ইফোনের এমত কথা শুনিয়া ইব্রাহীম হেতের সন্তানদের কর্ণগোচরে ইফোন কর্তৃক উক্ত সংখ্যানুসারে বণিকদের মধ্যে চলিত চারি শত রোপ্যমুদ্রা ভোল করিয়া ইফোনকে দিল। ১৭ অতএব মন্দির পূর্বে মকপেলায় ইফোনের যে ক্ষেত্র ছিল, সেই ক্ষেত্র ও তন্মধ্যবর্তি গুহা ও সেই ক্ষেত্রস্থ বৃক্ষ সকল, অর্থাৎ তাহার চতুঃসীমান্তগত বৃক্ষসমূহ, ১৮ এই সকলেতে হেতের সন্তানদের অর্থাৎ তাহার ঐ নগরদ্বারে প্রবেশকারি সকলের সাক্ষাতে ইব্রাহীমের স্বত্বাধিকার স্থির করা গেল। ১৯ অনন্তর ইব্রাহীম মন্দির পূর্বে মকপেলা ক্ষেত্রে স্থিত গুহাতে আপন ভার্যা সারার কবর দিল। সেই স্থান কিনানদেশস্থ হিবোন। ২০ এই রূপে কবরস্থানের অধিকারার্থে সেই ক্ষেত্রে ও তন্মধ্যস্থিত গুহাতে ইব্রাহীমের অধিকার হেতের সন্তানগণ কর্তৃক স্থিরীকৃত হইল।

২৪ অধ্যায়।

১ তৎকালে ইব্রাহীম বৃদ্ধ ও গতবয়স্ক ছিল; এবং পরমেশ্বর ইব্রাহীমকে সর্ব বিষয়ে আশীর্বাদ করিয়াছিলেন। ২ অতএব সে আপন গৃহের সন্তানদিগকে বৃদ্ধ ভৃত্যকে কহিল, বিনয় কর, তুমি আমার জজ্ঞাতে হস্ত দিয়া ৩ আমার কাছে স্বর্গ মন্ত্যের প্রভু পরমেশ্বরের নামে এই দিব্য কর, আমি যে কিনানীয় লোকদের মধ্যে বাস করিতেছি, তুমি আমার পুত্রের বিবাহার্থে তাহাদের কোন কন্যা

গ্রহণ না করিয়া ৪ আমার দেশে আমার জ্ঞাতীদের নিকটে গিয়া আমার পুত্র ইসহাকের জন্যে কন্যা আনিবা। ৫ তখন সেই ভৃত্য তাহাকে কহিল, যদি কোন কন্যা আমার সহিত এই দেশে আসিতে সম্মত না হয়, তবে কি করিব? তুমি যে দেশ-হইতে আসিয়াছ, তোমার পুত্রকে লইয়া কি আর বার সেই দেশে উপস্থিত করিব? ৬ তাহাতে ইব্রাহীম কহিল, মাঝধান, কোন ক্রমে আমার পুত্রকে লইয়া আর বার সেখানে উপস্থিত করিও না। ৭ যিনি আমাকে পৈতৃক বাটী ও জন্মদেশের মধ্য-হইতে আনিয়াছেন, এবং আমি তোমার বংশকে এই দেশ দিব, এমত দিব্য করিয়াছেন; সেই স্বর্ণীয় প্রভু পরমেশ্বর তোমার অগ্রে আপন দূত পাঠাইবেন; তাহাতে তুমি আমার পুত্রের বিবাহের জন্যে এক কন্যা আনিতে পারিবা। ৮ যদি কোন কন্যা তোমার সহিত আসিতে সম্মত না হয়, তবে তুমি এই দিব্যহইতে মুক্ত হইবা; কিন্তু আমার পুত্রকে লইয়া আর বার সে দেশে উপস্থিত করিও না। ৯ তাহাতে সেই ভৃত্য আপন প্রভু ইব্রাহীমের জ্ঞাত্যে হস্ত দিয়া তদ্বিষয়ে দিব্য করিল।

১০ পরে সেই ভৃত্য আপন প্রভুর উদ্ভ্রগণের মধ্যহইতে দশ উদ্ভ্র ও প্রভুর নানাবিধ উত্তম দ্রব্য হস্তে লইয়া প্রশ্নান করিয়া অরাম-নহরয়িম দেশের নাহোর নগরে যাত্রা করিল। ১১ পরে সন্ধ্যাকালে যে সময়ে যুবতীগণ জল তুলিতে আইসে, তৎকালে সে নগরের বাহিরে কুপের নিকটে উদ্ভ্রদিগকে বসাইয়া রাখিল, ১২ এবং এই প্রার্থনা করিল, হে আমার স্বামি ইব্রাহীমের প্রভু পরমেশ্বর, আমি প্রার্থনা করি, আমার প্রভু ইব্রাহীমের প্রতি দয়া করিয়া অদ্য আমার সহিত সাক্ষাৎ কর। ১৩ দেখ, আমি এই কুপের নিকটে দাঁড়াইয়া আছি, এবং এই নগরবাসিনদের কন্যাগণ জল তুলিতে আসিতেছে; ১৪ অতএব তুমি আপন কলশ নামাইয়া আমাকে জল পান করাও, এই কথা কোন কন্যাকে কহিলে সে যদি বলে, পান কর, আমি তোমার উদ্ভ্রগণকেও পান করাইব, তবে সে তোমার ভৃত্য ইসহাকের জন্যে তোমার নিরূপিত কন্যা হউক, তাহাতে তুমি আমার প্রভুর প্রতি দয়া করিতেছ, ইহা আমি জানিব।

১৫ এই কথা কহিতে ২ ইব্রাহীমের নাহোর নামক জাতীর স্ত্রী মিল্কার গর্ভজাত যে বিধুয়েল, তাহার কন্যা রিব্কা স্কন্ধে কলশ লইয়া বাহিরে আইল। ১৬ সেই কন্যা পূরম সুন্দরী ও অবিবাহিতা ছিল, এবং কোন পুরুষের উপভুক্তা নহে। সে কুপে নামিয়া কলশ পুরিয়া উঠিয়া আসিতেছে, ১৭ এমন সময়ে সেই ভৃত্য দৌড়িয়া তাহার সঙ্গে সাক্ষাৎ করিয়া কহিল, আমি বিনয় করি, তোমার কলশহইতে আমাকে কিঞ্চিৎ জল পান করিতে দেও। ১৮ তাহাতে সে কহিল, হে মহাশয়, পান কর; ইহা বলিয়া সে শীঘ্র কলশ

হাতের উপরে নামাইয়া তাহাকে পান করিতে দিল। ১৯ এবং তাহাকে পান করাইয়া কহিল, যাবৎ তোমার সকল উদ্ভ্রের পান সমাপ্ত না হয়, তাবৎ আমি তাহাদের জন্যেও জল তুলিব। ২০ তাহাতে সে শীঘ্র নিপানে কলশের জল ঢালিয়া পুনশ্চ জল তুলিতে কুপের নিকটে দৌড়িয়া গিয়া তাবৎ উদ্ভ্রের নিমিত্তে জল তুলিল। ২১ তাহাতে সে পুরুষ তাহার প্রতি স্থির দৃষ্টি করিয়া নীরব থাকিয়া, পরমেশ্বরকর্তৃক আপনায় যাত্রা সফল হইবে কি না, তাহা ভাবিতে লাগিল। ২২ উদ্ভ্র সকল জল পান করিলে পর সেই পুরুষ তাহার জন্যে অর্দ্ধতোলা পরিমিত সুবর্ণের নথ, এবং দশ তোলা পরিমিত সুবর্ণের দুই হস্তের বালা লইয়া ২৩ কহিল, নিবেদন করি, তুমি কাহার কন্যা? তাহা আমাকে বল। আমাদের রাত্রি যাপনার্থে কি তোমার পিতার বাটীতে স্থান আছে? ২৪ তাহাতে সে উত্তর করিল, নাহোরের গুরসে মিল্কার গর্ভে জাত যে বিধুয়েল তাহার কন্যা আমি। ২৫ সে আরো কহিল, পোয়াল ও কলাই আমাদের কাছে যথেষ্ট আছে, এবং রাত্রি যাপনার্থে স্থানও আছে। ২৬ তখন সে ব্যক্তি মস্তক নমন করিয়া পরমেশ্বরকে প্রণাম করিয়া কহিল, ২৭ আমার স্বামি ইব্রাহীমের প্রভু পরমেশ্বর ধন্য হউন, কেননা তিনি আমার স্বামির প্রতি দয়া ও সত্যচরণ করিতে নিবৃত্ত হন নাই; এবং পরমেশ্বর আমাকেও পথ-ঘটনাতে আমার প্রভুর জ্ঞাতীর বাটীতে আনিলেন। ২৮ অপর সেই কন্যা দৌড়িয়া গিয়া আপন মাতার গৃহের লোকদিগকে এই কথা জানাইল। ২৯ সেই রিব্কার লাবন নামে এক ভ্রাতা ছিল; সেই লাবন ঐ মনুষ্যের অনুেষণে বাহিরে কুপের নিকটে দৌড়িয়া গেল। ৩০ ফলতঃ সেই ব্যক্তি আমাকে এই ২ কথা কহিল, আপন ভগিনী রিব্কার প্রমুখাৎ ইহা শুনিয়া এবং ভগিনীর নথ ও হস্তে বালা দেখিয়া সে সেই পুরুষের নিকটে গিয়া কুপের সমীপে উদ্ভ্রদের সহিত তাহাকে দাঁড়াইয়া থাকিতে দেখিয়া ৩১ কহিল, হে পরমেশ্বরের অনু-গৃহীত লোক, আইস, কেন বাহিরে দাঁড়াইয়া আছ? যর প্রস্তুত আছে, এবং উদ্ভ্রদেরও স্থান আছে। ৩২ তাহাতে ঐ মনুষ্য যের প্রবেশ করিয়া উদ্ভ্রদের সজ্জা খুলিলে সে উদ্ভ্রদিগকে পোয়াল ও কলাই দিয়া তাহার ও তৎসঙ্গ লোকদের পাদ-প্রক্ষালনার্থে জল দিল। ৩৩ পরে তাহার সম্মুখে আহারীয় দ্রব্য স্থাপিত হইলে সে কহিল, বক্তব্য কথা না বলিয়া আমি আহার করিব না। তাহাতে লাবন কহিল, কহ। ৩৪ তখন সে কহিতে লাগিল, আমি ইব্রাহীমের ভৃত্য; ৩৫ পরমেশ্বরের মহা-শাৰ্কাদে আমার প্রভু বড় মানুষ হইয়াছেন, এবং পরমেশ্বর তাহাকে পাল ২ মেঘ ও গবাদি এবং উদ্ভ্র ও গর্দভ এবং রৌপ্য ও স্বর্ণ এবং দাস ও দাসী দিয়াছেন। ৩৬ এবং আমার প্রভুর পত্নী

সারা বৃদ্ধাবস্থাতে তাঁহার জন্যে এক পুত্র প্রসব করিয়াছে, তাহাকেই তিনি আপন সর্বস্ব সমর্পণ করিয়াছেন। ৩৭ আর আমার প্রভু আমাকে এই দিব্য করাইয়া কহিলেন, আমি যাহাদের দেশে বাস করিতেছি, তুমি আমার পুত্রের বিবাহার্থে সেই কনিষ্ঠ দেশীয়দের কোন কন্যাকে লইও না; ৩৮ কিন্তু আমার পৈতৃক বাসিতে জাতিদের নিকটে গিয়া তথাহইতে আমার পুত্রের জন্যে কন্যা আনিও। ৩৯ তখন আমি প্রভুকে কহিলাম, যদি কোন কন্যা আমার সঙ্গে না আইসে? ৪০ তাহাতে তিনি কহিলেন, আমি যে পরমেশ্বরের সাক্ষাতে যাতায়াত করি, তিনি তোমার সঙ্গে আপন দূত পাঠাইয়া তোমার যাত্রা সফল করিবেন; ৪১ তাহাতে তুমি আমার পৈতৃক বাসীর জাতিদের হইতে আমার পুত্রের জন্যে কন্যা আনিবা। তথায় না গেলে তুমি এই দিব্যহইতে মুক্ত হইবা না; কিন্তু আমার জাতিদের নিকটে গেলে তাহারা যদি কন্যা না দেয়, তবে তুমি এই দিব্যহইতে মুক্ত হইবা। ৪২ অতএব অদ্য আমি যখন ঐ কুপের নিকটে উপস্থিত হইলাম, তখন এই প্রার্থনা করিলাম, হে আমার স্বামি ইব্রাহীমের প্রভু পরমেশ্বর, তুমি যদি আমার কৃত এই যাত্রা সফল কর, ৪৩ তবে দেখ, আমি এখন এই সজল কুপের নিকটে দাঁড়াইয়া আছি; অতএব তোমার কলশহইতে আমাকে কিঞ্চৎ জল পান করিতে দেও, এই কথা আমি জল তুলিবার নিমিত্তে আগত কোন কন্যাকে কহিলে ৪৪ সে যদি বলে, পান কর, আমি তোমার উষ্ণদের জন্যেও জল তুলিয়া দিব; তবে সে পরমেশ্বরের কর্তৃক আমার প্রভুর পুত্রের জন্যে নিরুপিতা কন্যা হউক। ৪৫ এই কথা আমি মনে কহিতেছিলাম, ইতিমধ্যে রিব্বকা স্কন্ধে কলশ লইয়া বাহিরে আইল; পরে সে কুপে নামিয়া জল তুলিলে আমি কহিলাম, বিনয় করি, আমাকে জল পান করাও। ৪৬ তাহাতে সে শীঘ্র স্কন্ধহইতে কলশ নামাইয়া কহিল, পান কর, আমি তোমার উষ্ণদিগকেও পান করিতে দিব; তখন আমি পান করিলে পর সে উষ্ণদিগকেও পান করাইল। ৪৭ পরে আমি তাহাকে জিজ্ঞাসিলাম, তুমি কাহার কন্যা? তাহাতে সে উত্তর করিল, নাহোরের গুরমে মিলকার গর্ত্তজাত যে বিধুয়েল, তাহার কন্যা আমি। তখন তাহার নাসিকাতে নখ ও হস্তে বালা পরাইলাম। ৪৮ এবং যিনি আমার প্রভুর পুত্রের জন্যে তাহার ভ্রাতৃকন্যা গ্রহণার্থে আমাকে প্রকৃত পথে আনিলেন, আমার স্বামি ইব্রাহীমের সেই প্রভু পরমেশ্বরের কাছে ভূমিষ্ঠ হইয়া প্রণাম করিয়া ভজন ও ধন্যবাদ করিলাম। ৪৯ অতএব তোমরা যদি এখন আমার প্রভুর প্রতি দয়া ও বিশ্বস্ততা করিতে চাহ, তবে তাহা বল; আর যদি না চাহ, তাহাও বল; তাহাতে আমি দক্ষিণে কিবা বামে যাইতে পারিব। ৫০ তখন লাবন ও বিধুয়েল

উত্তর করিল, পরমেশ্বরের হইতে এই ঘটনা হইল, ইহাতে আমরা ভাল মন্দ কিছুই বলিতে পারি না। ৫১ ঐ দেখ, রিব্বকা তোমার সম্মুখে উপস্থিতা আছে; উহাকে লইয়া প্রস্থান কর; তাহাতে পরমেশ্বরের বাক্যানুসারে সে তোমার প্রভুর পুত্রের ভাৰ্যা হউক। ৫২ তাহাদের এই রূপ কথা শুনিবামাত্র ইব্রাহীমের ভৃত্য ভূমিষ্ঠ হইয়া পরমেশ্বরের প্রণাম করিল। ৫৩ পরে সেই ভৃত্য রূপার ও সুবর্ণের অভরণ ও বস্ত্র বাহির করিয়া রিব্বাকাকে দিল, এবং তাহার ভ্রাতৃকে ও মাতাকে বহুমূল্য দ্রব্য দিল। ৫৪ পরে সে ও তাহার সঙ্গিগণ ভোজন পান করিয়া রাত্রিতে তথায় বাস করিল।

অনন্তর তাহারা প্রাতঃকালে উঠিলে সেই ভৃত্য কহিল, আমার প্রভুর নিকটে যাইতে আমাকে বিদায় কর। ৫৫ তাহাতে রিব্বকার ভ্রাতা ও মাতা কহিল, এই কন্যা আমাদের নিকটে কিছু দিন থাকুক, একান্তপক্ষে দশ দিন থাকুক, পরে যাইবে। ৫৬ কিন্তু সে তাহাদিগকে কহিল, আমাকে বিলম্ব করাইও না, কেননা পরমেশ্বর আমার যাত্রা সফল করিলেন; তোমারা প্রভুর নিকটে যাইতে আমাকে বিদায় কর। ৫৭ তাহাতে তাহারা কহিল, আমরা কন্যাকে ডাকিয়া তাহাকে সাক্ষাতে জিজ্ঞাসা করি। ৫৮ পরে তাহারা রিব্বাকাকে ডাকিয়া কহিল, তুমি কি এই ব্যক্তির সহিত যাইবা? তাহাতে সে কহিল, যাইব। ৫৯ তখন তাহারা রিব্বকা ভগিনীকে ও তাহার ধাত্রীকে ও ইব্রাহীমের ভৃত্যকে ও তাহার লোকদিগকে বিদায় করিয়া ৬০ রিব্বাকাকে এই আশীর্বাদ করিল, তুমি আমাদের ভগিনী, সহস্র ২ লোকের জননী হও; তোমার বংশ আপন শত্রুগণের নগর অধিকার করুক। ৬১ পরে রিব্বকা ও তাহার দাসীগণ উঠিয়া উষ্ণারোহণ করিয়া সেই মনুষ্যের পশ্চাৎ যাত্রা করিল। এই রূপে সেই ভৃত্য রিব্বাকাকে লইয়া প্রস্থান করিল।

৬২ তৎকালে ইস্রাহাক দক্ষিণ দেশে বাস করাতে বের-লহয়-রোয়া নামক স্থানে উপস্থিত হইয়াছিল। ৬৩ এবং সন্ধ্যাকালে ধান করিতে ক্ষেত্রে গিয়াছিল, পরে উদ্ভূদৃষ্টি করিয়া উষ্ণদিগকে আশ্রিত দেখিল। ৬৪ তাহাতে রিব্বকা উদ্ভূদৃষ্টি করিয়া ইস্রাহাককে দেখিয়া উষ্ণহইতে নামিয়া ৬৫ সেই ভৃত্যকে জিজ্ঞাসা করিল, আমাদের সঙ্গে সাক্ষাৎ করিতে ক্ষেত্রের মধ্য দিয়া আসিতেছে, ঐ পুরুষ কে? তাহাতে ভৃত্য কহিল, উনি আমার প্রভু। অতএব রিব্বকা আবরক লইয়া আপনাকে আচ্ছাদন করিল। ৬৬ পরে সেই ভৃত্য ইস্রাহাককে আপন কৃত কর্মের তাবৎ বিবরণ কহিল; ৬৭ তখন ইস্রাহাক রিব্বাকাকে গ্রহণ করিয়া সারা মাতার তাম্বুতে লইয়া গিয়া তাহাকে বিবাহ করিল এবং তাহার প্রতি প্রেম করিল। তাহাতে ইস্রাহাক মাতৃসরণশোকহইতে মানুষ্য পাইল।

২৫ অধ্যায়।

১ পরে ইব্রাহীম্ কিতুরা নাম্নী আর এক জ্ঞাতিকে বিবাহ করিলে ২ তাহার গর্ভে নিয়ন্ ও যক্ষন্ ও মিদান্ ও মিদিয়ন্ ও যিশ্বক ও শূহ, এই সকল পুত্র জন্মিল। ৩ এই যক্ষণের ঔরসে শিবা ও দিদন্ জন্মিল। এই দিদন্ অশুরীয়দের ও লিট্শীয়দের ও লিয়ুম্মীয়দের আদিপিতা ছিল। ৪ এবং মিদিয়নের পুত্র এফা ও একর্ ও হনোক্ ও অবীদ্ ও ইলদায়া; এই সকল কিতুরার বংশ। ৫ পরে ইব্রাহীম্ ইস্হাককে আপন সর্ব্ব দিল, ৬ কিন্তু আপন উপপত্নীদের সন্তানদিগকে কিঞ্চিৎ ২ দিয়া আপনার জীবদ্দশাতেই ইস্হাকের নিকটহইতে তাহাদিগকে পূর্ব্বদিকস্থ পূর্ব্বদেশে থাকিতে বিদায় করিল। ৭ ইব্রাহীমের আয়ুর পরিমাণ এক শত পঁচাত্তর বৎসর; সে এত বৎসর পর্য্যন্ত জীবৎ থাকিল। ৮ পরে ইব্রাহীম্ বৃদ্ধ ও পূর্ণায়ু হইয়া শুভ বৃদ্ধাবস্থাতে প্রাণত্যাগ করিয়া আপন লোকদের নিকটে সংগৃহীত হইল। ৯ অপর তাহার পুত্র ইস্হাক্ ও ইস্মায়্যেল মল্লির পূর্ব্ব হেতীয় মোহরের পুত্র ইস্ফেণের ক্ষেত্র স্থিত মক্কেলা গুহাতে তাহার কবর দিল। ১০ কেননা ইব্রাহীম্ হেতীয় সন্তানদের কাছে সেই ক্ষেত্র ক্রয় করিয়াছিল। সেই স্থানে ইব্রাহীমের ও তাহার ভার্য্যা সারার কবর দেওয়া গেল।

১১ ইব্রাহীমের মৃত্যু হইলে পরে ঈশ্বর তাহার পুত্র ইস্হাককে আশীর্বাদ করিলেন; তাহাতে ইস্হাক বের-নহয়-রোয়া নামক স্থানে বাস করিতে লাগিল।

১২ সারার দানী মিস্রীয়া হাজিরার গর্ভজাত ইস্মায়্যেল নামে ইব্রাহীমের যে পুত্র, তাহার বংশাবলি। ১৩ নাম ও গোষ্ঠ্যানুসারে ইস্মায়্যেলের সন্তানদের নাম এই। ইস্মায়্যেলের জ্যেষ্ঠ পুত্র নিবায়োৎ, পরে কেদর্ ও অদ্বেল ও মির্বসন্ ১৪ ও মিশ্ম ও দূব্যা ও মসা ১৫ ও হদন্ ও তোমা ও যিটুর ও নাকীশ ও কেদিমা। ১৬ এই সকল ইস্মায়্যেলের পুত্র; ও তাহাদের নামানুসারে তাহাদের নগর ও গড় ছিল; এবং তাহারা আপন ২ জাতানুসারে দ্বাদশ অধ্যক্ষ ছিল। ১৭ ইস্মায়্যেলের আয়ুর পরিমাণ এক শত মাইত্রিশ বৎসর ছিল; পরে সে প্রাণত্যাগ করিয়া আপন লোকদের নিকটে সংগৃহীত হইল। ১৮ অপর তাহার সন্তানগণ হবীলা ও মিসরের পূর্ব্বস্থিত শূর্ অবধি অশূরিয়ার দিগে বসতি করিল; এই রূপে সে আপন তাবৎ ভ্রাতৃগণের সম্মুখস্থ বসতিস্থান পাইল।

১৯ ইব্রাহীমের পুত্র ইস্হাকের বংশাবলি। ইব্রাহীমের পুত্র ইস্হাক্; ২০ এই ইস্হাক্ চল্লিশ বৎসর বয়সক্রমে অরামীয় বিধ্বয়লের কন্যা অর্থাৎ অরামীয় লাবনের ভগিনী রিব্বাকাকে পদন-অরামহইতে আনাইয়া বিবাহ করিল। ২১ ইস্হাকের সেই ভার্য্যা

বক্ষ্যা হওয়াতে সে তাহার নিমিত্তে পরমেশ্বরের কাছে প্রার্থনা করিল। তাহাতে পরমেশ্বর তাহার প্রার্থনা শুনিলে তাহার জী রিব্বকা গর্ভবতী হইল। ২২ পরে তাহার গর্ভমধ্যে পুঞ্জেরা জড়াজড় করিলে, আমার এমন কেন হইল? এরূপ কি হইয়া থাকে? ইহা ভাবিয়া সে পরমেশ্বরের কাছে জিজ্ঞাসা করিতে গেল। ২৩ তাহাতে পরমেশ্বর তাহাকে কহিলেন, তোমার গর্ভে দুই জাতি আছে, ও তোমার উদর-হইতে দুই প্রকার লোক নিঃসৃত হইবে; তাহার এক অন্যাপেক্ষা বলবান হইবে, ও জ্যেষ্ঠ কনিষ্ঠের সেবা করিবে। ২৪ পরে প্রমবকাল সম্পূর্ণ হইলে তাহার গর্ভহইতে যমজপুত্র জন্মিল। ২৫ তাহার জ্যেষ্ঠ রক্তবর্ণ এবং সর্বাঙ্গ লোমশ বস্ত্রের ন্যায় ছিল। এই জন্যে তাহার নাম এষো (লোমব্যাণ্ড) রাখা গেল। ২৬ পরে তাহার পাদয়ুল ধরিয়া তাহার অনুজ ডুমিঠ হইল। অতএব তাহার নাম যাকুব (পদগ্রাহী) হইল। ইস্হাকের যক্ষি বৎসর বয়সের সময়ে এই যমজপুত্র হইল।

২৭ পরে বালকেরা বড় হইলে এষো মুগয়াতে নিপুণ ও প্রান্তরবাসী হইল। কিন্তু যাকুব মূদু ও তন্ত্রগৃহবাসী হইল। ২৮ ইস্হাক্ মুগমাংস অতি সুস্বাদু বোধ করাত্তে এষোকে ভাল বাসিত, কিন্তু রিব্বকা যাকুবকে ভাল বাসিত। ২৯ এক দিন যাকুব দাইল পাক করিলে এষো ক্লান্ত হইয়া ক্ষেত্রহইতে আসিয়া ৩০ যাকুবকে কহিল, আমি ক্লান্ত হইয়াছি, বিনয় করি, এই রান্স কি? এই রান্সদ্বারা আমাকে আপ্যায়িত কর। এই জন্যে তাহার নাম ইদোম্ (রান্স) বিখ্যাত হইল। ৩১ তখন যাকুব কহিল, অদ্য তোমার জ্যেষ্ঠাধিকার আমাকে বিক্রয় কর। ৩২ এষো উত্তর করিল, দেখ, আমি মৃতকপ্প, জ্যেষ্ঠাধিকারে আমার কি ফল? যাকুব কহিল, তুমি অদ্য আমার কাছে দিব্য কর। ৩৩ তাহাতে সে তাহার কাছে দিব্য করিল। এই রূপে আপন জ্যেষ্ঠাধিকার যাকুবকে বিক্রয় করিলে ৩৪ যাকুব এষোকে রুঠী ও মসুরের রান্স দাইল দিল; তাহাতে সে ভোজন পানানগুর উঠিয়া চলিয়া গেল। এই রূপে এষো আপন জ্যেষ্ঠাধিকার হেয়জ্ঞান করিল।

২৬ অধ্যায়।

১ পূর্ব্বে ইব্রাহীম্ বর্তমান থাকিতে যেরূপ দুর্ভিক্ষ হইয়াছিল, তদ্রূপ সেই দেশে আর বার দুর্ভিক্ষ উপস্থিত হইলে ইস্হাক্ গিরর দেশে পিলেষ্ঠীয়দের রাজা অবীমেলকের কাছে গেল। ২ পরমেশ্বর তাহাকে দর্শন দিয়া কহিলেন, তুমি মিসরদেশে যাইও না, আমি তোমাকে যে দেশ বলিব, তাহাতে বাস কর। ৩ তুমি এই দেশে প্রবাস কর; তাহাতে আমি তোমার সহায় হইয়া তোমাকে আশীর্বাদ করিব, এবং তোমাকে ও তোমার বংশকে এই সমস্ত দেশ দিয়া তোমার পিতা ইব্রাহীমের নিকটে আপন কৃত দিব্যের নিয়ম সফল করিব। ৪ আমি আকা-

শের তারাগণের ন্যায় তোমার বংশবৃদ্ধি করিয়া তোমার বংশকে এই সকল দেশ দিব, ও তোমার বংশেতে পৃগিবাহু তাবৎ জাতি আশীর্বাদ প্রাপ্ত হইবে। ৫ কারণ ইব্রাহীম আমার বাক্য মানিয়া আমার বিধান ও আজ্ঞা ও বিধি ও ব্যবস্থা পালন করিয়াছে। ৬ পরে ইসহাক গিরের বাস করিল। ৭ তাহাতে সে স্থানের লোকেরা তাহার ভাৰ্য্যার পরিচয় জিজ্ঞাসিলে সে কহিল, উনি আমার ভগিনী। কেননা রিব্কা পরমসুন্দরী হওয়াতে তথাকার লোকেরা তাহার নিমিত্তে আমাকে বধ করিবে, এই ভাবনাতে সে তাহাকে ভাৰ্য্যা কহিতে ভয় করিল। ৮ কিন্তু সে স্থানে বহুকাল বাস করিলে পর কোন সময়ে পিলেক্টীয় রাজা অবীমেলক বাতায়ন দিয়া নিরীক্ষণ করিয়া ইসহাককে আপন ভাৰ্য্যা রিব্কার সহিত জোড়া করিতে দেখিল। ৯ অতএব অবীমেলক ইসহাককে ডাকাইয়া কহিল, ঐ স্ত্রী অবশ্য তোমার ভাৰ্য্যা; তবে তুমি ভগিনী বলিয়া তাহার পরিচয় কেন দিয়াছিল? তখন ইসহাক উত্তর করিল, কি জানি, তাহার জন্যে আমার মৃত্যু হইবে, ইহা ভাবিয়াছিলাম। ১০ তাহাতে অবীমেলক কহিল, তুমি আমাদের সহিত এ কি ব্যবহার করিলা? কোন লোক তোমার ভাৰ্য্যার সহিত অনায়াসে শয়ন করিতে পারিত; তাহা হইলে তুমি আমাদের দোষগ্রস্ত করিত। ১১ পরে অবীমেলক সকল লোকের প্রতি এই আজ্ঞা দিল, যে কেহ ঐ মনুষ্যকে কিছা তাহার স্ত্রীকে স্পর্শ করিবে, সে বধ্য হইবে।

১২ অনন্তর ইসহাক সেই দেশে চামকর্ম করিয়া পরমেশ্বরের আশীর্বাদে সেই বৎসরে শত গুণ লভ্য করিল। ১৩ এই রূপে সে বর্ধিষ্ণু হইল, এবং উত্তর ২ উন্নত হইয়া অতি মহানু হইল। ১৪ ফলতঃ তাহার পাল ২ গোরু ও মেঘ এবং অনেক দাস দাসী হইল, তাহাতে পিলেক্টীয় লোকেরা তাহার প্রতি ঈর্ষ্যা করিতে লাগিল। ১৫ এবং তাহার পিতা ইব্রাহীমের সময়ে তাহার দাসগণ যে ২ কুপ খুদিয়াছিল, পিলেক্টীয় লোকেরা মুক্তিকাদারা সে সকল বুজাইয়া ফেলিল। ১৬ পরে অবীমেলক ইসহাককে কহিল, তুমি আমাদের নিকটইহতে প্রস্থান কর, কেননা তুমি আমাদের হইতে অতি বলবান হইয়াছ।

১৭ পরে ইসহাক তথাইহতে যাত্রা করিয়া গিরের উপত্যকাতে তাঙ্গ স্থাপন করিয়া সে স্থানে বাস করিল। ১৮ এবং তাহার পিতা ইব্রাহীমের বর্তমান সময়ে খনিত যে ২ জলের কুপ ইব্রাহীমের মৃত্যুর পরে পিলেক্টীয়েরা বুজাইয়াছিল, সেই সকল ইসহাক আর বার খুদিয়া আপন পিতৃদত্ত নাম পুনরীর রাখিল। ১৯ অপর সেই উপত্যকাতে ইসহাকের দাসগণ খুদিয়া জলের উনুই-বিশিষ্ট এক কুপ পাইল। ২০ তাহাতে গিরদেশীয় পশুপালকেরা ইসহাকের পশুপালকদের সহিত বিবাদ করিয়া কহিল, এই জল আমাদের;

অতএব ইসহাক সেই কুপের নাম এষক (বিবাদ) রাখিল, যেহেতুক তাহারা তাহার সহিত বিবাদ করিয়াছিল। ২১ পরে তাহার দাসগণ আর এক কুপ খুদিলে তাহার তন্নিমিত্তেও বিবাদ করিল; তাহাতে ইসহাক তাহার নাম সিতনা (বিপক্ষতা) রাখিল। ২২ এবং তথাইহতে প্রস্থান করিয়া অন্য এক কুপ খনন করিল, তাহার নিমিত্তে তাহারা বিবাদ না করতে সে তাহার নাম রিহোবোৎ (প্রশস্ত স্থান) রাখিয়া কহিল, এখন পরমেশ্বরের আমাদিগকে প্রশস্ত স্থান দিলেন, আমরা দেশে বর্ধিষ্ণু হইব। ২৩ অনন্তর সে তথাইহতে বেরশেবাতে গেল ২৪ সেই রাতিতে পরমেশ্বরের তাহাকে দর্শন দিয়া কহিলেন, আমি তোমার পিতা ইব্রাহীমের ঈশ্বর, ভয় করিও না, আমি আপন দাস ইব্রাহীমের অনুরোধে তোমার সহায় থাকিব, ও তোমাকে আশীর্বাদ করিয়া তোমার বংশবৃদ্ধি করিব। ২৫ পরে ইসহাক সে স্থানে যজবেদি নির্মাণ করিয়া পরমেশ্বরের নামে প্রার্থনা করিল। পরে সে সেই স্থানে তাঙ্গ স্থাপন করিলে তাহার দাসগণ এক কুপ খুদিল।

২৬ অনন্তর অবীমেলক অছষৎ নামক আপন মিত্রকে ও ফোথোল্ নামক সেনাপতিকে সঙ্গে লইয়া গিরেরইহতে ইসহাকের নিকটে যাত্রা করিলে ২৭ সে তাহাদিগকে কহিল, তোমরা আমার প্রতি দ্বেষ করিয়া আপনাদের মধ্যইহতে আমাকে দূর করিয়া দিয়াছিল, এখন আমার কাছে কি নিমিত্তে আইলা? ২৮ তাহাতে তাহারা উত্তর করিল, পরমেশ্বরের তোমার সহায় আছেন, ইহা আমরা নিতান্ত বুঝিলাম, এই জন্যে কহিলাম, আমাদের সহিত তোমার এক শপথ হউক, ও আমাদের সহিত তোমার এক নিয়ম হউক। ২৯ আমরা যেমন তোমাকে স্পর্শ করি নাই, ও তোমার মঙ্গল ব্যতিরেকে কিছুই করি নাই, বরং তোমাকে শান্তিতে বিদায় করিয়াছি, তদ্রূপ তুমিও আমাদের প্রতি হিংসা করিও না; তুমিই এখন পরমেশ্বরের অনুগ্রহের পাত্র আছ। ৩০ তখন ইসহাক তাহাদের নিমিত্তে ভোজ প্রস্তুত করিলে তাহারা ভোজন পান করিল। ৩১ পরে তাহারা প্রত্যবে উঠিয়া পরস্পর দিবা করিল; তখন ইসহাক তাহাদিগকে বিদায় করিলে তাহারা কুশলে তাহার নিকটইহতে প্রস্থান করিল।

৩২ অপর সেই দিনে ইসহাকের দাসগণ আসিয়া আপনাদের কৃত কুপের বিষয়ে সংবাদ দিয়া তাহাকে কহিল, জল পাইলাম। ৩৩ অতএব সে সেই কুপের নাম বেরশেবা (দিব্যের কুপ) রাখিল, এবং অদ্যাবধি সেই স্থানের নগর বেরশেবা নামে বিখ্যাত আছে।

৩৪ অনন্তর এযো চল্লিশ বৎসর বয়ঃক্রমে হিতীয় বেরির যিহুদাৎ নাম্নী কন্যাকে এবং হিতীয় এলোনের বাসিমৎ নাম্নী কন্যাকে বিবাহ করিল। ৩৫ তাহারা ইসহাকের ও রিব্কার মনের দুঃখদায়িকা হইল।

২৭ অধ্যায়।

১ অনন্তর ইসহাক বৃদ্ধ হইলে চক্ষু নিস্তেজ হওন প্রযুক্ত স্পষ্ট রূপে দেখিতে পারিল না; সে আপন জ্যেষ্ঠ পুত্র এষোকে ডাকিয়া কহিল, হে আমার পুত্র। তাহাতে সে উত্তর করিল, দেখ, আমি উপস্থিত আছি। ২ তখন ইসহাক কহিল, দেখ, আমি বৃদ্ধ হইয়াছি; কোন দিন আমার মৃত্যু হইবে, তাহা জানি না। ৩ বিনয় করি, তুমি তুণ ও ধনুকাদি শস্ত্র লইয়া প্রান্তরে যাইয়া আমার জন্যে মুগমাংস আন। ৪ এবং আমি যেরূপ ভাল বাসি, সেই মত সুস্বাদু খাদ্য প্রস্তুত করিয়া আমার নিকটে আন; তাহাতে আমি ভোজন করিয়া মৃত্যুর পূর্বেই তোমাকে আশীর্বাদ করিব।

৫ এষো পুত্রের সহিত ইসহাকের এই কথোপকথন রিব্বকা শুনিয়াছিল। অতএব এষো মুগমাংস আনিবার নিমিত্তে মুগয়া করিতে ক্ষেত্রে গেলে পর ৬ রিব্বকা আপন পুত্র যাকুবকে কহিল, দেখ, তোমার এষো ভ্রাতার সহিত তোমার পিতার কথোপকথন আমি শুনিলাম; সে তাহাকে কহিল, ৭ তুমি আমার নিমিত্তে মুগমাংস আনিয়া সুস্বাদু খাদ্য প্রস্তুত কর, তাহাতে আমি ভোজন করিয়া মৃত্যুর পূর্বেই পরমেশ্বরের সাক্ষাতে তোমাকে আশীর্বাদ করিব। ৮ অতএব হে আমার পুত্র, এখন আমি তোমাকে যাহা আজ্ঞা করি, আমার সেই কথা শুন। ৯ তুমি পালে গিয়া তাহাইতে উত্তম দুইটা ছাগবৎস আন, তাহাতে তোমার পিতা যেরূপ ভাল বাসেন, তক্রূপ সুস্বাদু খাদ্য আমি পাক করিয়া দি। ১০ তুমি তাহা আপন পিতার নিকটে লইয়া যাও, তাহাতে সে তাহা ভোজন করিয়া মৃত্যুর পূর্বেই তোমাকে আশীর্বাদ করিবে। ১১ তখন যাকুব আপন মাতা রিব্বকাকে কহিল, দেখ, আমার ভ্রাতা এষো লোমশ, কিন্তু আমি নির্দোষ; ১২ ইহাতে যদি পিতা আমাকে স্পর্শ করিয়া প্রবঞ্চক জ্ঞান করেন, তবে আমি আপনার প্রতি আশীর্বাদ না বর্জাইয়া অভিশাপ বর্হাইব। ১৩ কিন্তু তাহার মাতা কহিল, হে পুত্র, সেই অভিশাপ আমাতে বর্তক, কেবল আমার কথা মানিয়া পালে গিয়া ছাগবৎস আন।

১৪ তাহাতে যাকুব গিয়া তাহা লইয়া মাতার নিকটে আনিতে তাহার পিতা যেরূপ ভাল বাসে, মাতা সেই রূপ সুস্বাদু খাদ্য রন্ধন করিল। ১৫ অপর যেরূপ আপনার কাছে জ্যেষ্ঠ পুত্র এষোর যে ২ উত্তম বস্ত্র ছিল, রিব্বকা তাহা লইয়া কনিষ্ঠ পুত্র যাকুবকে পরিধান করাইল। ১৬ এবং ঐ দুই ছাগবৎসের চর্ম লইয়া তাহার হস্তে ও গলদেশে জড়াইয়া দিল। ১৭ এবং সেই পক সুস্বাদু খাদ্য ও দুইটা আপন পুত্র যাকুবের হস্তে দিল। ১৮ তখন যাকুব আপন পিতার নিকটে গিয়া কহিল, হে পিতা; তাহাতে সে উত্তর করিল, আমি উপস্থিত আছি;

হে বৎস, তুমি কে? ১৯ যাকুব আপন পিতাকে কহিল, আমি তোমার জ্যেষ্ঠ পুত্র এষো; তুমি আমাকে যাহা আজ্ঞা করিয়াছ, আমি তাহা করিলাম। বিনয় করি, তুমি উচিয়া বসিয়া মুগমাংস ভোজন করিয়া আমাকে আশীর্বাদ কর। ২০ তাহাতে ইসহাক আপন পুত্রকে কহিল, হে পুত্র, তুমি এত শীঘ্র তাহা কি রূপে পাইলা? সে কহিল, তোমার প্রভু পরমেশ্বরই আমার সম্মুখে তাহা উপস্থিত করিলেন। ২১ ইসহাক যাকুবকে আরো কহিল, হে পুত্র, আমার নিকটে আইস; তুমি নিশ্চয় আমার এষো পুত্র কি না, তাহা আমি তোমাকে স্পর্শ করিয়া জানিব। ২২ তখন যাকুব আপন পিতা ইসহাকের নিকটে গেলে সে তাহাকে স্পর্শ করিয়া কহিল, এই স্বর যাকুবের বটে, কিন্তু এই হস্ত এষোর। ২৩ এই রূপে সে তাহাকে চিনিতে পারিল না, কারণ এষো ভ্রাতার হস্তের ন্যায় তাহার হস্ত লোমযুক্ত ছিল; অতএব সে তাহাকে আশীর্বাদ করিল। ২৪ পরে সে কহিল, তুমি কি নিতান্তই আমার এষো পুত্র? তাহাতে সে কহিল, আমি সেই বটি। ২৫ তখন ইসহাক কহিল, হে পুত্র, পরিবেশন কর; আমি পুত্রের আনীত মুগমাংস ভোজন করিয়া তোমাকে আশীর্বাদ করি। তাহাতে সে পরিবেশন করিলে ইসহাক ভোজন করিল, এবং ড্রাক্কারস আনিয়া দিলে তাহাও পান করিল। ২৬ পরে তাহার পিতা ইসহাক কহিল, হে পুত্র, এখন নিকটে আসিয়া আমাকে চুষন কর। ২৭ তখন সে নিকটে গিয়া চুষন করিলে ইসহাক তাহার বস্ত্রের গন্ধ পাইয়া তাহাকে আশীর্বাদ করিয়া কহিল, দেখ, আমার পুত্রের সৌগন্ধ পরমেশ্বরের কর্তৃক আশীর্বাদ প্রাপ্ত ক্ষেত্রের সৌগন্ধের ন্যায়। ২৮ ঈশ্বর আকাশের শিশিরে ও পৃথিবীর রসে উৎপন্ন প্রচুর শস্য ও ড্রাক্কারস তোমাকে দিউন। ২৯ ও নানা লোকেরা তোমার অধীন হউক, ও নানা জাতিয়েরা তোমাকে প্রণাম করুক, ও তুমি আপন জাতির মধ্যে প্রধান হও, এবং তোমার মাতৃপুত্রেরা তোমাকে প্রণাম করুক। যে তোমাকে অভিশাপ দেয়, সে অভিশপ্ত হউক; এবং যে তোমাকে আশীর্বাদ করে, সে আশীর্বাদপ্রাপ্ত হউক।

৩০ এই রূপে ইসহাকের যাকুবকে আশীর্বাদ করণ সাক্ষ হইলে পর যাকুব আপন পিতা ইসহাকের সাক্ষাৎ হইতে বহির্গত হইবামাত্র তাহার ভ্রাতা এষো মুগয়াইতে যেরূপে আইল। ৩১ সেও সুস্বাদু খাদ্য প্রস্তুত করিয়া পিতার নিকটে আনিয়া কহিল, হে পিতা; আপনি উচিয়া পুত্রের আনীত মুগমাংস ভোজন করিয়া আমাকে আশীর্বাদ করুন। ৩২ তাহাতে তাহার পিতা ইসহাক কহিল, তুমি কে? সে কহিল, আমি তোমার জ্যেষ্ঠ পুত্র এষো। ৩৩ তখন ইসহাক অভিশয় উদ্বিগ্ন হইয়া কহিল, তবে কে মুগয়া করিয়া আমার নিকটে মুগমাংস আনিয়াছিল? আমি তোমার আগমনের

২৮ অধ্যায়।]

পূর্বেই তাহা ভোজন করিয়া তাহাকে আশীর্বাদ করিলাম; সেই আশীর্বাদ দ্বারা থাকিবে। ৩৪ পিতার এমন কথা শুনিবামাত্র এমনি অতিশয় বিলাপ করিয়া ব্যাকুলচিত্তে রোদন করিতে লাগিল, এবং আপন পিতাকে কহিল, হে পিতঃ, আমাকেও আশীর্বাদ কর। ৩৫ তাহাতে ইস্হাক্ কহিল, তোমার ভ্রাতা আসিয়া বঞ্চনা করিয়া তোমার প্রাপ্তব্য আশীর্বাদ লইল। ৩৬ তাহাতে এমনি কহিল, তাহার নাম কি যথার্থ যাকুব্ নয়? কেননা সে দুই বার আমাকে প্রবঞ্চনা করিয়াছে; সে আমার জ্যেষ্ঠাধিকার লইয়াছে, এবং দেখ, এখন আমার প্রাপ্তব্য আশীর্বাদও লইল। সে পুনর্বার কহিল, তুমি কি আমার জন্যে কিছুই আশীর্বাদ রাখ নাই? ৩৭ তখন ইস্হাক্ এমনি উত্তর করিল, দেখ, আমি তাহাকে তোমার প্রভু করিলাম, এবং তাহার জাতি সকলকে তাহারি অধীন করিলাম; এবং তাহার প্রতিপালনার্থে শস্য ও দ্রাক্ষারস দিলাম; অতএব, হে পুত্র, এখন তোমার জন্যে আর কি করিতে পারি? ৩৮ তাহাতে এমনি পুনর্বার আপন পিতাকে কহিল, হে পিতঃ, তোমার কি কেবল ঐ একটি আশীর্বাদ ছিল? হে পিতঃ, আমাকেও আশীর্বাদ কর। ইহা কহিয়া এমনি উচ্চৈশ্বরে রোদন করিতে লাগিল। ৩৯ পরে তাহার পিতা ইস্হাক্ এই কথা কহিল, উর্বরী ভূমিহীন ও আকাশের শিশিরহীন দেশে তোমার বসতি হইবে। ৪০ তুমি খজাজাবী এবং আপন ভ্রাতার অধীন হইবা; কিন্তু যখন বন্ধন ভেদ করিবা, তখন আপন গ্রীবাহীতে তাহার যোগা দি ভাঙ্গিবা।

৪১ এই রূপে যাকুব্ আপন পিতাহীতে আশীর্বাদ পাইয়াছিল, এই জন্যে এমনি যাকুবের প্রতি দ্বেষ করিতে লাগিল। ফলতঃ এমনি মনে ২ ভাবিল, পিতার অন্তিম কাল প্রায় উপস্থিত, তাহার পরে যাকুব্ ভ্রাতাকে বধ করিব। ৪২ কিন্তু জ্যেষ্ঠ পুত্র এমনি এমন কথা রিব্বকার কর্ণগোচর হইলে সে লোক পাঠাইয়া কনিষ্ঠ পুত্র যাকুবকে ডাকিয়া কহিল, দেখ, তোমার ভ্রাতা এমনি তোমাকে বধ করিবার আশাতে ধৈর্যাবলম্বন করিতেছে। ৪৩ অতএব, হে পুত্র, আমার কথা শুন। তুমি পলাইয়া হারন নগরে আমার ভ্রাতা লাবনের নিকটে যাও; ৪৪ এবং যদবধি তোমার ভ্রাতার ক্রোধ নিবৃত্ত না হয়, তাবৎ পর্যন্ত কিছু কাল সেখানে থাক। ৪৫ পরে তোমার প্রতি ভ্রাতার ক্রোধ নিবৃত্ত হইলে, এবং তুমি তাহার প্রতি যাহা করিয়াছ, তাহা সে বিন্মত হইলে আমি লোক পাঠাইয়া তথাহীতে তোমাকে আনাইব; এক দিনে তোমাদের দুই জনকেই কেন হারাইব? ৪৬ অনন্তর রিব্বকা ইস্হাককে কহিল, এই হিন্তীয়দের কন্যাগণের বিষয়ে আমার প্রাণে ঘৃণা হইতেছে; যদি যাকুবও ইহাদের তুল্য কোন হিন্তীয় কন্যাকে অর্থাৎ এই দেশীয় কন্যাদের মধ্যে কোন

কন্যাকে বিবাহ করে, তবে আমার প্রাণধারণে কি প্রয়োজন?

২৮ অধ্যায়।

১ পরে ইস্হাক্ যাকুবকে ডাকিয়া আশীর্বাদ করিল, এবং এই আজ্ঞা দিয়া তাহাকে কহিল, তুমি কিনান্ দেশীয় কোন কন্যাকে বিবাহ করিও না। ২ উঠ, পদন্-অরামে আপন মাতামহ বিথুয়েলের বাগীতে গিয়া সে স্থানে আপন মাতুল লাবনের কোন কন্যাকে বিবাহ কর। ৩ সর্বশক্তিমান ঈশ্বর আশীর্বাদ করিয়া তোমাকে বহুগোষ্ঠী করণার্থে ফলবন্ত ও বহুপ্রজ করুন। ৪ এবং ইব্রাহীমকে দত্ত আশীর্বাদ তোমাতে ও তোমার বংশেতে সফল করুন; ফলতঃ তোমার প্রবাসস্থান এই যে দেশ ঈশ্বর ইব্রাহীমকে দিয়াছেন, অধিকারার্থে এই দেশ তোমাকে দিউন। ৫ পরে ইস্হাক্ যাকুবকে বিদায় করিলে সে পদন্-অরামে অরামীয় বিথুয়েলের পুত্র লাবনের নিকটে অর্থাৎ যাকুবের ও এমনি মাতা রিব্বকার ভ্রাতার নিকটে প্রস্থান করিল।

৬ অপর ইস্হাক্ যাকুবকে আশীর্বাদ করিয়া বিবাহার্থে পদন্-অরামে বিদায় করিয়াছে, এবং আশীর্বাদে সময় কিনানীয় কোন কন্যাকে বিবাহ করিতে নিষেধ করিয়াছে, ৭ এবং যাকুব মাতা পিতার আজ্ঞা মানিয়া পদন্-অরামে প্রস্থান করিয়াছে, ইহা দেখিয়া ৮ এমনি কিনানদেশীয় কন্যার প্রতি আপন পিতা ইস্হাকের অমন্তোষ বুঝিয়া ৯ তাহার দুই স্ত্রী থাকিলেও ইস্হাকয়েলের নিকটে গিয়া ইব্রাহীমের পৌত্রী ইস্হাকয়েলের পুত্রী নিবায়োতের ভগিনী মহলৎ নাম্নী কন্যাকে বিবাহ করিল।

১০ অনন্তর যাকুব বেরশেবাহীতে প্রস্থান করিয়া হারনের প্রতি যাত্রা করিল, ১১ এবং সূর্য অস্তগত হইলে এক স্থানে উত্তরিয়া রাত্রি যাপন করিল। তখন সে তথাকার প্রস্তরকে লইয়া বালিশ করিয়া সেই স্থানে নিত্রা যাইতে শয়ন করিল। ১২ তাহাতে সে স্বপ্নে এক সোপান দেখিল, তাহার মূল পৃথিবীস্থিত ও মস্তক গণগম্পর্শী, এবং তাহা দিয়া ঈশ্বরের দূতগণ উঠিতেছে ও নামিতেছে। ১৩ এবং পরমেশ্বর তদুপরি দণ্ডায়মান হইয়া কহিলেন, আমি পরমেশ্বর, তোমার পূর্বপুরুষ ইব্রাহীমের ঈশ্বর ও ইস্হাকের ঈশ্বর; এই যে দেশে তুমি শয়ন করিতেছ, এই দেশ আমি তোমাকে ও তোমার বংশকে দিব। ১৪ তোমার বংশ পৃথিবীর ধূলির ন্যায় অসংখ্য হইবে, এবং তুমি পূর্ব ও পশ্চিম ও উত্তর ও দক্ষিণ চারি দিকে বৃদ্ধি পাইবা, এবং তোমাতে ও তোমার বংশেতে পৃথিবীস্থ তাবৎ জাতি আশীর্বাদ প্রাপ্ত হইবে। ১৫ এবং তুমি যে ২ স্থানে যাইবা, সেই ২ স্থানে আমি তোমার সঙ্গে থাকিয়া তোমাকে রক্ষা করিয়া পুনর্বার এই দেশে আনিব; আমি তোমার কাছে

যাহা ২ কহিয়াছি, তাহা যাবৎ সফল না করিব, তাবৎ তোমাকে ত্যাগ করিব না। ১৬ পরে নিদ্রা-ভঙ্গ হইলে যাকুব কহিল, অবশ্য এই স্থানে পরমেশ্বর আছেন, কিন্তু আমি তাহা জ্ঞাত ছিলাম না। ১৭ এবং ভয়েতে আরো কহিল, এ কেমন ভয়ানক স্থান! এই স্থান অবশ্য ঈশ্বরের গৃহ ও স্বর্গদ্বারস্বরূপ।

১৮ পরে যাকুব প্রত্যুষে উঠিয়া বালিশের নি-মিত্তে যে প্রস্তর রাখিয়াছিল, তাহা লইয়া স্তম্ভ-রূপে স্থাপন করিয়া তাহার উপরে তৈল ঢালিয়া দিল। ১৯ এবং সেই স্থানের নাম বৈথেল (ঈশ্ব-রের গৃহ) রাখিল, কিন্তু পূর্বে ঐ নগরের নাম লুস ছিল। ২০ এবং যাকুব মানত করিয়া এই প্রতিজ্ঞা করিল, যদি ঈশ্বর আমার সঙ্গে থাকিয়া আমার গন্তব্য পথে আমাকে রক্ষা করেন, এবং আহারার্থে অন্ন ও পরিধানার্থে বস্ত্র দেন, ২১ এবং পুনর্বীর আমাকে কুশলে পিত্রালয়ে ফিরিয়া আ-নেন, তবে পরমেশ্বর আমার প্রভু হইবেন, ২২ এবং এই যে প্রস্তরকে আমি স্তম্ভরূপে স্থাপন করিয়াছি, ইহা ঈশ্বরের মন্দির হইবে; এবং তুমি আমাকে যে কিছু দিবা, তাহার দশমাংশ আমি তোমাকে অবশ্য দিব।

২২ অধ্যায়।

১ পরে যাকুব যাইতে ২ পূর্বদেশে উপস্থিত হইয়া ২ দেখিল, প্রান্তরের মধ্যে এক কুপ আছে, তাহার নিকটে তিন পাল মেঘ শয়ন করিয়া আছে; কারণ লোকেরা মেঘপালদিগকে সেই কুপের জল পান করায়; সেই কুপের মুখে এক খান বৃহৎ প্রস্তরাচ্ছাদন থাকে। ৩ কুপের নিকটে তাবৎ পাল একত্র হইলে লোকেরা তাহার মুখহইতে প্রস্তর সরাইয়া মেঘপালকে জল পান করায়, পরে কুপের মুখে পুনর্বীর প্রস্তর দেয়। ৪ যাকুব তাহাদিগকে জিজ্ঞাসিল, হে ভাই সকল, তোমরা কোন স্থানের লোক? তাহাতে তাহার কহিল, আমরা হারন্ নগরের লোক। ৫ তখন যাকুব জিজ্ঞাসিল, তো-মরা নাহোরের পৌত্র লাবনকে চিন কি না? তা-হার কহিল, চিনি। ৬ যাকুব জিজ্ঞাসিল, সে কেমন আছে? তাহার কহিল, ভাল আছে; ঐ দেখ, তাহার কন্যা রাহেল মেঘপাল লইয়া আসিতেছে। ৭ তখন যাকুব কহিল, দেখ, এখনও অনেক বেলা আছে; মেঘপাল একত্র করণের সময় হয় নাই; তোমরা মেঘপালকে জল পান করাইয়া পুনর্বীর চরাইতে লইয়া যাও। ৮ কিন্তু তাহার কহিল, তাবৎ পাল একত্র না হইলে তাহা হইতে পারে না; পরে কুপের মুখহইতে প্রস্তর সরণ গেলে আমরা মেঘদিগকে জল পান করাইব।

৯ যাকুব তাহাদের সহিত এই রূপ কথা কহি-তেছে, ইতোমধ্যে রাহেল আপন পিতার পশু-পাল লইয়া উপস্থিত হইল, কেননা সে মেঘপা-

লিকা ছিল। ১০ তখন যাকুব আপন মাতুল লাব-নের কন্যা রাহেলকে ও তাহার পশুপালকে দেখিয়া নিকটে গিয়া কুপের মুখহইতে প্রস্তর সরাইয়া লাবন্ মাতুলের পশুপালকে জল পান করাইল। ১১ পরে যাকুব রাহেলকে চুম্বন করিয়া উচ্চঃস্বরে ক্রন্দন করিয়া, ১২ আপনি যে তাহার পিতার কুটুম্ব ও রিব্কার পুত্র, এই পরিচয় দিলে রাহেল শীঘ্র গিয়া আপন পিতাকে সংবাদ দিল। ১৩ তা-হাতে লাবন্ আপন ভাগিনেয় যাকুবের সংবাদ পাইয়া দুরায় তাহার সহিত সাক্ষাৎ করিতে গিয়া তাহাকে আলিঙ্গন ও চুম্বন করিয়া আপন বাসীতে লইয়া গেল; পরে সে লাবনকে এই সমস্ত বৃত্তান্ত জ্ঞাত করিল। ১৪ তাহাতে লাবন্ কহিল, তুমি আমার অস্থি ও মাংসস্বরূপ। পরে যাকুব তাহার গৃহে এক মাস বাস করিল।

১৫ অনন্তর লাবন্ যাকুবকে কহিল, তুমি ফুটুম্ব হইয়া কি বিনা বেতনে আমার দাস্যকর্ম করিবা? কি বেতন লইবা? তাহা বল। ১৬ ঐ লাবনের দুই কন্যা ছিল; জ্যেষ্ঠার নাম লেয়া ও কনিষ্ঠার নাম রাহেল। ১৭ লেয়া ক্লিন্নাক্তা, কিন্তু রাহেল রূপবতী ও সুন্দরী ছিল। ১৮ এবং যাকুব রাহেলকে ভাল বাসিত, এই জন্যে সে উত্তর করিল, তোমার কনিষ্ঠা কন্যা রাহেলের জন্যে আমি সাত বৎসর তোমার দাস্যকর্ম করিব। ১৯ তাহাতে লাবন্ কহিল, অন্য পাত্রকে দান করা অপেক্ষা তোমাকে দান করা উত্তম বটে, অতএব আমার নিকটে থাক। ২০ এই রূপে যাকুব রাহেলের জন্যে সাত বৎসর দাস্যকর্ম করিল; রাহেলের প্রতি তাহার এমত অনুরাগ ছিল, যে সাত বৎসরও তাহার অপ্পে দিন বোধ হইল।

২১ পরে যাকুব লাবনকে কহিল, আমার নিয়-মিত কাল সম্পূর্ণ হইল, এখন আমার ভাৰ্যা আ-মাকে দেও, আমি তাহাতে গমন করিব। ২২ তা-হাতে লাবন্ ঐ স্থানের তাবৎ লোককে নিমন্ত্রণ করিয়া ভোজন করাইল। ২৩ পরে রাত্ৰিকালে আপন কন্যা লেয়াকে লইয়া তাহার নিকটে আ-নিয়া দিলে যাকুব তাহাতে উপগত হইল। ২৪ এবং লাবন্ আপন কন্যা লেয়ার দাস্যকর্মার্থে সিন্ধো নামে আপন দাসীকে দিল। ২৫ কিন্তু প্রভাত হইলে সে যে লেয়া, ইহা দেখিয়া যাকুব লাবনকে কহিল, তুমি আমার সহিত একি ব্যবহার করিলা? আমি কি রাহেলের জন্যে তোমার দাস্যকর্ম করি নাই? তবে কেন আমাকে প্রবঞ্চনা করিলা? ২৬ তখন লাবন্ কহিল, জ্যেষ্ঠা অদস্তা থাকিতে কনিষ্ঠাকে দান করা আমাদের এই স্থানে অকর্তব্য। ২৭ এখন ইহার সাত দিন যাপন কর; পরে যদি আরো সাত বৎসর আমার দাস্যকর্ম স্বীকার কর, তবে উহাকেও তোমাকে দান করিব। ২৮ তাহাতে যাকুব সেই প্রকার করিল, অর্থাৎ তাহার সাত দিন যাপন করিল। ২৯ পরে লাবন্ তাহার সহিত আপন

কন্যা রাহেলের বিবাহ দিল, এবং রাহেলের দাস্যকর্মার্থে বিলহা নামে আপন দাসীকে দিল। ৩০ তখন সে রাহেলেতেও উপগত হইল; এবং লেয়া অপেক্ষা রাহেলকে অধিক ভাল বাসিল; এবং আর সাত বৎসর লাবনের দাস্যকর্ম করিল।

৩১ পরে পরমেশ্বর লেয়াকে অবজ্ঞাতা দেখিয়া তাহাকে গর্ভধারণের শক্তি দিলেন, কিন্তু রাহেল বন্ধ্যা হইল। ৩২ অতএব লেয়া গর্ভবতী হইয়া পুত্র প্রসব করিলে তাহার নাম রুবেন্ (পুত্রকে দেখ) রাখিল; কেননা সে কহিল, পরমেশ্বর আমার দুঃখ দেখিয়াছেন; এখন আমার স্বামী আমাকে ভাল বাসিবে। ৩৩ অপর সে পুনর্বার গর্ভবতী হইয়া পুত্র প্রসব করিয়া কহিল, আমি অবজ্ঞাতা আছি, পরমেশ্বর ইহা প্রবণ করিয়া আমাকে এই পুত্রও দিলেন; পরে তাহার নাম শিমিয়োন (শ্রবণ) রাখিল। ৩৪ এবং আর বার সে গর্ভবতী হইয়া পুত্র প্রসব করিয়া কহিল, এ বার আমার স্বামী আমাতে আসক্ত হইবে, কেননা আমি তাহার তিন পুত্র প্রসব করিয়াছি; অতএব তাহার নাম লেবি (আসক্ত) রাখিল। ৩৫ পরে পুনর্বার তাহার গর্ভ হইলে সে পুত্র প্রসব করিয়া কহিল, এ বার আমি পরমেশ্বরের প্রশংসা করি; অতএব তাহার নাম যিহূদা (প্রশংসা) রাখিল। তাহার পর তাহার গর্ভনিবৃত্তি হইল।

৩০ অধ্যায়।

১ অপর আপনাতে যাকুবের পুত্র জন্মে না, ইহা দেখিয়া রাহেল ভগিনীর প্রতি দীর্ঘা করিয়া যাকুবকে কহিল, আমাকে সন্তান দেও, নতুবা আমি মরিব। ২ তাহাতে যাকুব রাহেলের প্রতি ক্রোধ করিয়া কহিল, আমি কি ঈশ্বরের প্রতিনিধি? তিনিই তোমাকে গর্ভফল দিতে অস্বীকার করিয়াছেন। ৩ তখন রাহেল কহিল, তবে আমার দাসী বিলহাতে গমন কর, সে পুত্র প্রসব করিয়া আমার কালে দিলে আমি তাহাই হইতে পুত্রবতী হইব। ৪ ইহা বলিয়া সে তাহার সহিত আপন দাসী বিলহার বিবাহ দিল। তখন যাকুব তাহাতে গমন করিলে ৫ বিলহা গর্ভবতী হইয়া যাকুবের নিমিত্তে পুত্র প্রসব করিল। ৬ তখন রাহেল কহিল, ঈশ্বর আমার বিচার করিলেন, কেননা তিনি আমার কাকুক্তি শুনিয়া আমাকে পুত্র দিলেন। অতএব সে তাহার নাম দানু (বিচার) রাখিল; ৭ অনন্তর রাহেলের বিলহা দাসী পুনর্বার গর্ভধারণ করিয়া যাকুবের দ্বিতীয় পুত্র প্রসব করিল। ৮ তখন রাহেল কহিল, আমি মহাত্ম্যেতে ভগিনীর সহিত মল্লযুদ্ধ করিয়া জয় করিলাম। অতএব সে তাহার নাম নপ্তালি (মল্লযুদ্ধ) রাখিল। ৯ অনন্তর লেয়া আপনার গর্ভনিবৃত্তি বুঝিয়া আপনার সিংগা নামে দাসীকে লইয়া স্বামির সহিত বিবাহ দিল। ১০ তাহাতে লেয়ার সিংগা দাসীর

গর্ভহইতে যাকুবের এক পুত্র জন্মিল। ১১ তখন লেয়া কহিল, এক দল আনিতেছে; অতএব তাহার নাম গাদ্ (দল) রাখিল। ১২ অনন্তর লেয়ার দাসী সিংগা যাকুবের দ্বিতীয় পুত্র প্রসব করিল। ১৩ তাহাতে লেয়া কহিল, আমি ধন্যা, সকল জ্রীলোক আমাকে ধন্যা কহিবে; অতএব সে তাহার নাম আশেরু (ধন্য) রাখিল।

১৪ অপর গোম কাটনের সময়ে রুবেন্ বাহিরে গিয়া ক্ষেত্রে দূদাফল পাইয়া আনিয়া আপন মাতা লেয়াকে দিল; তাহাতে রাহেল লেয়াকে কহিল, তোমার পুত্রের আনীত দূদাফল কিছু আমাকে দেও। ১৫ তাহাতে সে কহিল, তুমি আমার স্বামিকে লইয়াছ, এ কি ক্ষুদ্র বিষয়? তখন রাহেল কহিল, তোমার পুত্রের দূদাফলের পরিবর্তে সে অদ্য রাত্রিতে তোমার সহিত শয়ন করিবে। ১৬ পরে সন্ধ্যাকালে ক্ষেত্রহইতে যাকুবের আগমন সময়ে লেয়া তাহার সঙ্গে সাক্ষাৎ করিতে বাহিরে গিয়া কহিল, আমার কাছে আইস, কেননা আমি আপন পুত্রের দূদাফল দিয়া তোমাকে ভাতা করিলাম; অতএব সে সেই রাত্রিতে তাহার সহিত শয়ন করিল। ১৭ তাহাতে ঈশ্বর লেয়ার প্রার্থনা শুনিলে সে পুনর্বার গর্ভবতী হইয়া যাকুবের পঞ্চম পুত্র প্রসব করিল। ১৮ তখন লেয়া কহিল, আমি স্বামিকে আপন দাসী দিয়াছিলাম, তাহার বেতন ঈশ্বর আমাকে দিলেন, অতএব সে তাহার নাম ইষাখর (বেতন) রাখিল।

১৯ অনন্তর লেয়া পুনর্বার গর্ভধারণ করিয়া যাকুবের ষষ্ঠ পুত্র প্রসব করিল। ২০ তখন লেয়া কহিল, ঈশ্বর আমাকে উত্তম যৌতুক দিলেন, এখন আমার স্বামী আমার সহিত বাস করিবে, কেননা আমাতে তাহার ছয় পুত্র জন্মিয়াছে; অতএব সে তাহার নাম সিবুলূন্ (বাস) রাখিল। ২১ অনন্তর তাহার এক কন্যা জন্মিলে সে তাহার নাম দীণা রাখিল।

২২ অনন্তর ঈশ্বর রাহেলকে স্মরণ করিয়া তাহার প্রার্থনা শুনিয়া তাহাকে গর্ভধারণের শক্তি দিলেন। ২৩ তখন তাহার গর্ভ হইলে সে পুত্র প্রসব করিয়া কহিল, এখন ঈশ্বর আমার অপমান দূর করিলেন। ২৪ পরে সে তাহার নাম যুষফ্ (বুদ্ধি) রাখিয়া কহিল, পরমেশ্বর আমাকে আরো এক পুত্র দিউন।

২৫ অপর রাহেলের গর্ভে যুষফ্ জন্মিলে পরে যাকুব লাবনকে কহিল, আমাকে বিদায় কর, আমি নিজ দেশে স্বহানে প্রস্থান করি। ২৬ এবং আমি বাহাদের জন্যে তোমার দাস্য কর্ম করিয়াছি, আমার সেই স্ত্রীগণ ও পুত্রগণকে আমার হস্তে সমর্পণ করিয়া যাইতে দেও; কেননা যে রূপ তোমার দাস্যকর্ম করিয়াছি, তাহা তুমি জাত আছ। ২৭ তখন লাবন্ তাহাকে কহিল, বিনয় করি, তুমি

এখন আমার প্রতি অনুগ্রহ কর, কেননা আমি অনুভবে জানিলাম, তোমার অনুরোধে পরমেশ্বর আমাকে আশীর্বাদ করিলেন। ২৮ অতএব সে কহিল, তোমার বেতন আপনি স্থির করিয়া আমাকে বল, আমি তাহাই দিব। ২৯ তখন যাকুব তাহাকে কহিল, আমি যে রূপ তোমার দায়াকর্ম করিয়াছি, এবং আমার নিকটে তোমার পশুগণ যে রূপ আছে, তাহা তুমি জ্ঞাত আছ। ৩০ কেননা আমার আগমনের পূর্বে তোমার অর্পে সঞ্চয় ছিল, এখন প্রচুর হইয়াছে; আমার আগমনাবধি পরমেশ্বর তোমার মঙ্গল করিয়াছেন; কিন্তু আমি আপন পরিবারের জন্যে কবে সঞ্চয় করিব? ৩১ তাহাতে লাবন কহিল, আমি তোমাকে কি দিব? যাকুব কহিল, তুমি আমাকে আর কিছুই না দিয়া যদি আমার প্রতি এক কর্ম কর, তবে আমি তোমার পশুদিগকে পুনর্বার চরাইয়া প্রতিপালন করিব। ৩২ অন্য আমি তোমার সকল পশুপালের মধ্যে গিয়া কর্ণুরবর্ণ ও চিত্রবিচিত্র মেঘাদি এবং কপিশবর্ণ মেঘ সকল ও কর্ণুরবর্ণ ও চিত্রবিচিত্র ছাগ সকলকে পৃথক করি; সেই সকল আমার বেতনস্বরূপ হইবে। ৩৩ ইহার পরে যখন তোমার সাক্ষাতে আমার বেতন উপস্থিত হইবে, তখন আমার যাথার্থ্যের এক প্রমাণ হইবে, ফলতঃ ছাগদের মধ্যে কর্ণুরবর্ণ ও চিত্রবিচিত্র ভিন্ন ও মেঘদের মধ্যে কপিশবর্ণ ভিন্ন যাহা থাকিবে, তাহা আমার চৌর্যরূপে গণ্য হইবে। ৩৪ তখন লাবন কহিল, ভাল, তোমার কথানুসারেই হউক। ৩৫ অপর সে সেই দিনে বিচিত্র ও কর্ণুরবর্ণ ছাগ সকল ও বিচিত্র ও কর্ণুরবর্ণ ছাগী সকল এবং যাহাতে ২ কিঞ্চিৎ স্তূত্র বর্ণ ছিল, এবং কপিশবর্ণ মেঘ সকল পৃথক করিয়া আপন পুত্রদের হস্তে সমর্পণ করিয়া ৩৬ যাকুবহইতে দুই দিনের পথে পাঠাইল; পরে যাকুব লাবনের অবশিষ্ট পশুপাল চরাইতে লাগিল।

৩৭ অপর যাকুব লিবনী ও লুন্স ও অর্মোন্স বৃক্ষের সরল শাখা কাটিয়া তাহার ছাল খুলিয়া কাঠের স্তূত্র রেখা বাহির করিল। ৩৮ পরে যে স্থানে পশুগণ জল পানার্থে আইসে, সেই স্থানে তাহাদের সম্মুখে নিপানের মধ্যে ঐ শাখা সকল উচ্চ করিয়া রাখিতে লাগিল। ৩৯ তাহাতে জল পান করণের সময়ে তাহাদের সঙ্গ হইলে সেই শাখার নিকটে তাহাদের গর্ত্তধারণ প্রযুক্ত চক্রচিহ্নিত ও কর্ণুরবর্ণ ও বিচিত্র বৎস জন্মিল। ৪০ পরে যাকুব সেই বৎস সকল পৃথক করিল, এবং লাবনের চক্রচিহ্নিত ও কপিশবর্ণ মেঘের প্রতি অন্য মেঘের দৃষ্টি রাখিল; এই রূপে সে লাবনের পালের সহিত না রাখিয়া আপন পালকে পৃথক করিল। ৪১ এবং বলবান পশুগণ যেন শাখার নিকটে গর্ত্তধারণ করে, এই জন্যে নিপানের মধ্যে পশুদের সম্মুখে ঐ শাখা রাখিল; ৪২ কিন্তু দুর্বল

পশুদের সম্মুখে রাখিল না। তাহাতে যত বলবান পশু, প্রায় সকলি যাকুবের হইল, কিন্তু দুর্বল পশুগণ লাবনের হইল। ৪৩ অতএব যাকুব অতি বর্দ্ধিষ্ণু হইল, এবং তাহার পশু ও দান ও দাসী ও উক্ৰ ও গর্ভদত্ত যথেষ্ট হইল।

৩১ অধ্যায়।

১ অপর যাকুব আমাদের পিতার সর্বস্ব হরণ করিয়াছে, আমাদের পিতার ধনহইতে তাহার এই সকল ঐশ্বর্য হইয়াছে, লাবনের পুত্রদের এই রূপ কণা যাকুবের কর্মগোচর হইল। ২ এবং লাবন তাহার প্রতি পূর্বকার ন্যায় নহে, ইহাও যাকুব তাহার মুখ দেখিয়াই বুঝিল। ৩ এবং পরমেশ্বর যাকুবকে কহিলেন, তুমি আপন পৈতৃক দেশে জ্ঞাতীদের নিকটে ফিরিয়া যাও, আমি তোমার সহায় আছি। ৪ অতএব যাকুব লোক পাঠাইয়া প্রান্তরে পশুদের নিকটে রাহেলকে ও লেয়াকে ডাকাইয়া কহিল, ৫ আমি দেখিতেছি, তোমাদের পিতার মুখ আমার প্রতি পূর্বকার মত নহে, কিন্তু আমার পিতার ঈশ্বর আমার সহায় আছেন। ৬ তোমরা আপনারা জান, আমি যথার্থিতে তোমাদের পিতার দায়াকর্ম করিয়াছি। ৭ তথাপি তোমাদের পিতা আমাকে প্রবঞ্চনা করিয়া দশ বার আমার বেতনের অন্যথা করিয়াছে; কিন্তু ঈশ্বর আমার ক্ষতি করিতে তাহাকে দেন নাই। ৮ কেননা চিত্রবিচিত্র তাবৎ পশুগণ তোমার বেতনস্বরূপ হইবে, এই কথা সে যখন আপনি কহিত, তখন সকল মেঘাদি চিত্রবিচিত্র শাবক প্রসব করিত; এবং রেখাবিশিষ্ট পশু সকল তোমার বেতনস্বরূপ হইবে, ইহা যখন কহিত, তখন সকল মেঘাদি রেখাবিশিষ্ট শাবক প্রসব করিত। ৯ এই রূপে ঈশ্বর তোমাদের পিতার পশুধন লইয়া আমাকে দিয়াছেন। ১০ কেননা পশুদের গর্ত্তধারণকালে আমি স্বথেষ্টে স্বচকুতে দেখিলাম, পালের মধ্যে স্রীপশুদের উপরে যত পুংপশু উচ্চিতেছে, সকলি চক্রচিহ্নিত ও চিত্রবিচিত্র ও রেখাবিশিষ্ট। ১১ তখন ঈশ্বরের দূত স্বপ্নে আমাকে যাকুব বলিয়া ডাকিলে আমি কহিলাম, আমি উপস্থিত আছি। ১২ তাহাতে তিনি কহিলেন, ঐ চাহিয়া দেখ, স্রীপশুদের উপরে যত পুংপশু উচ্চিতেছে, সকলি চক্রচিহ্নিত ও চিত্রবিচিত্র ও রেখাবিশিষ্ট; কেননা তোমার প্রতি লাবন যে রূপ ব্যবহার করে, তাহা আমি দেখিলাম। ১৩ যে স্থানে তুমি শস্যের অভাবেক ও আমার নিকটে মানত করিয়াছ, সেই বৈথেলের ঈশ্বর আমি; এখন উচ্চিয়া এই দেশ ত্যাগ করিয়া আপন জ্ঞাতীদের দেশে ফিরিয়া যাও। ১৪ তাহাতে রাহেল ও লেয়া উত্তর করিল, এখন পিতার বাসিতে আমাদের কি কিছু অংশ ও অধিকার আছে? ১৫ আমরা কি তাহার কাছে বিদেশিনীরূপে গণ্য নহি? কেননা সে আমাদের

গকে বিক্রয় করিয়া মূল্য ভোগ করিয়াছে। ১৯ অত-
এব ঈশ্বর আমাদের পিতাইহিতে যে সকল ধন
হরণ করিয়াছেন, সে সকলি আমাদের ও আমা-
দের বংশের। ঈশ্বর তোমাকে যাহা কহিলেন,
তুমি তাহাই কর।

১৭ তখন যাকুব গাত্রোথান করিয়া আপন সন্তান-
গণ ও স্ত্রীদিগকে উক্কারোহণ করাইয়া ১৮ আপ-
নার উপার্জিত পশ্বাদি সকল অর্থাৎ পদানু-অরামে
যে পশু ও যে সম্পত্তি উপার্জন করিয়াছিল,
তাহা লইয়া কিনানু দেশে আপন পিতা ইস্হা-
কের নিকটে প্রস্থান করিল। ১৯ তৎকালে লাবনু
মেঘশোমছেদন করিতে গিয়াছিল; এই অব-
কাশে রাহেল আপন পিতার ঠাকুরদিগকে হরণ
করিয়াছিল। ২০ পরে যাকুব কোন সমাচার না দিয়া
অরামীয় লাবনকে বঞ্চনা করিয়া তাহার অজ্ঞাত-
সারে পলায়ন করিল। ২১ এই রূপে সে আপন
সর্বস্ব লইয়া পলায়ন করিল, এবং ফরাৎ নদী
পার হইয়া গিলিয়দ্ পর্বত সমুখে রাখিয়া চলিল।

২২ পরে তৃতীয় দিনে লাবনু যাকুবের একুশ
পলায়নের সংবাদ পাইয়া ২৩ আপন কুটুম্বদিগকে
সঙ্গে লইয়া তাহার পশ্চাৎ ২৪ সপ্ত দিনের পথ
দৌড়িয়া গিয়া গিলিয়দ্ পর্বতে তাহাকে ধরিল।
২৪ কিন্তু ঈশ্বর রাত্রিতে স্বপ্নযোগে অরামীয় লাব-
নের নিকটে উপস্থিত হইয়া তাহাকে কহিলেন,
সাবধান, যাকুবকে ভাল মন্দ কিছুই কহিও না।

২৫ পরে লাবনু যাকুবকে ধরিল; এ মিননের
সময়ে যাকুবের তাম্বু পর্বতোপরি স্থাপিত ছিল;
তাহাতে লাবনও কুটুম্বদের সহিত গিলিয়দ্ পর্ব-
তোপরি তাম্বু স্থাপন করিল। ২৬ পরে লাবনু
যাকুবকে কহিল, তুমি কেন এমন কর্ম করিলা?
আমাকে বঞ্চনা করিয়া আমার কন্যাদিগকে কেন
খজায়াত লোকদের ন্যায় লইয়া আইলা? ২৭ তুমি
আমাকে বঞ্চনা করিয়া কেন গোপনে পলাইলা?
কেন আমাকে সংবাদ দিলা না? দিলে আমি
তোমাকে অশ্লাদে তবলের ও বীণার বাদ্য ও গান
পুরঃসরে বিদায় করিতাম। ২৮ তুমি আমার পুত্র
কন্যাগণকে চুরন করিতেও আমাকে দিলা না, এ
অতি অজ্ঞানের কর্ম করিলা। ২৯ তোমাকে হিংসা
করিতে আমার হস্ত সমর্থ বটে; কিন্তু গত রাত্রিতে
তোমাদের ঠৈপত্ব ঈশ্বর আমাকে কহিলেন, সাব-
ধান, যাকুবকে ভাল মন্দ কিছুই কহিও না।

৩০ অর পিত্রালয়ে যাইবার আকাঙ্ক্ষায় ক্ষীণ
হওয়াতে তুমি যাত্রা করিয়াছ; সে যাহা হউক,
কিন্তু আমার ঠাকুর সকলকে কেন চুরি করিলা?
৩১ তাহাতে যাকুব লাবনকে উত্তর করিল, আমি
ভীত ছিলাম; কারণ কি জানি, তুমি আমাহইতে
আপন কন্যাগণকে বলোতে কাড়িয়া লও, ইহা
ভাবিয়াছিলাম। ৩২ কিন্তু তুমি অন্বেষণ করিয়া
যাহার স্থানে তোমার দেবতাদিগকে পাইবা, সে
বাঁচিবে না। আমাদের কুটুম্বদের সাক্ষাতে অন্বে-

ষণ করিয়া আমার স্থানে তোমার যাহা পাও, তাহা
লও; কেননা যাকুব রাহেলের ঐ চুরি করণ জ্ঞাত
ছিল না। ৩৩ তখন লাবনু যাকুবের তাম্বুগৃহে ও
লেয়ার তাম্বুগৃহে ও দুই দাসীর তাম্বুগৃহে গিয়া
অন্বেষণ করিল, কিন্তু পাইল না। পরে সে লেয়ার
তাম্বুগৃহীতে রাহেলের তাম্বুগৃহে প্রবেশ করিল।
৩৪ কিন্তু রাহেল সেই ঠাকুরদিগকে লইয়া উক্কে-
র সজ্জার ভিতরে রাখিয়া তদুপরি বন্দিয়াছিল; তা-
হাতে লাবনু তাহার তাম্বুগৃহের সকল স্থান হাঁতড়া-
ইলেও তাহা পাইল না। ৩৫ তখন রাহেল পিতাকে
কহিল, হে প্রভো, আপনকার সাক্ষাতে আমি
উটিতে পারিলাম না, ইহাতে অসম্ভব হইবেন
না, কেননা আমি স্ত্রীধর্মিনী আছি; এই কারণ সে
অন্বেষণ করিলেও ঠাকুরদিগকে পাইল না।

৩৬ তখন যাকুব জন্ম হইয়া লাবনের সহিত
বিবাদ করিতে লাগিল। যাকুব লাবনকে ভৎসনা
পূর্বক কহিল, আমার কি দোষ ও কি পাপ আছে,
যে তুমি প্রজ্জলিত হইয়া আমার পশ্চাৎ ২ দৌ-
ড়িয়া আইলা? ৩৭ তুমি আমার সকল সামগ্রী
হাঁতড়াইয়া তোমার বাটীর কোন্ দ্রব্য পাইলা?
আমার ও তোমার এই কুটুম্বদের সাক্ষাতে তাহা
রাখ, ইহার উভয় পক্ষের বিচার করুক। ৩৮ এই
বিশ্বশক্তি বৎসর পর্যন্ত আমি তোমার নিকটে
আছি; তাহাতে তোমার মেঘাদের কি ছাগীদের
গর্তপাত হয় নাই, এবং তোমার পালের কোন
মেঘকে খাই নাই; ৩৯ এবং হিংস্র জন্তু যাহাকে
ছিড়িয়া ফেলিত, তাহাও তোমার নিকটে আনি-
তাম না; মে ক্ষতি আপনি স্নোকার করিতাম;
এবং দিনে কিম্বা রাত্রিতে যাহার চুরি হইত, তা-
হার পরিবর্ত আমাহইতে লইত। ৪০ আমি দিনের
উত্তাপে ও রাত্রির শীতে যতকণ্ঠ হইতাম; আ-
মার চকুহইতে নিদ্রা দূরে থাকিত। ৪১ এই
প্রকারে আমি বিশ্বশক্তি বৎসর পর্যন্ত তোমার
গৃহে দাস্যকর্ম করিয়াছি; তোমার দুই কন্যার
জন্যে চোদ্দ বৎসর, ও তোমার পশুদের জন্যে
ছয় বৎসর দাস্যবৃত্তি করিয়াছি; তথাপি তুমি
আমার বেতন দশ বার অন্যথা করিয়াছ। ৪২ আ-
মার ঠৈপত্ব ঈশ্বর, অর্থাৎ ইব্রাহীমের ঈশ্বর
ও ইস্হাকের ভয়স্থান যদি আমার পক্ষ না হই-
তেন, তবে অবশ্য এখন তুমি আমাকে রক্তহস্তে
বিদায় করত। ঈশ্বর আমার দুঃখ ও হস্তের
পরিশ্রম দেখিয়াছেন, এই জন্যে গত রাত্রিতে
তোমাকে ধম্বকাইলেন।

৪৩ তখন লাবনু যাকুবকে উত্তর করিল, এই
কন্যাগণ আমারি কন্যা, ও এই বালকেরা আমারি
বালক, ও এই পশুপাল আমারি পশুপাল; যাহা ২
দেখিতেছ, এ সকলি আমার আছে। অতএব আ-
মার এই কন্যাগণকে ও ইহাদের প্রসূত এই
বালকদিগকে এখন আমি কি করিব? ৪৪ আইন,
তোমতে ও আমাতে নিয়ম স্থির করি, তাহা তো-

মার ও আমার সাক্ষী থাকিবে। ৪৫ তখন যাকুব এক প্রস্তর লইয়া স্তম্ভরূপে স্থাপন করিল। ৪৬ এবং যাকুব আপন কুটুম্বদিগকে কহিল, তোমরাও প্রস্তরের রাশি কর; তাহাতে তাহার প্রস্তর আনিয়া এক রাশি করিলে সকলে সেই স্থানে সেই রাশির উপরে ভোজন করিল। ৪৭ অনন্তর লাবন্ তাহার নাম যিগরুসাহদুধা (সাক্ষির রাশি) রাখিল, কিন্তু যাকুব তাহার নাম গলিয়েদ্ (সাক্ষির রাশি) রাখিল। ৪৮ তখন লাবন্ কহিল, এই রাশি অদ্য তোমার ও আমার সাক্ষী থাকিল; এই জন্যে তাহার নাম গলিয়েদ্ ৪৯ এবং মিস্পা (প্রহরী) রাখিল; কেননা সে কহিল, আমরা পরস্পর অদৃশ্য হইলে পরমেশ্বর আমার ও তোমার প্রহরী থাকিবেন। ৫০ তুমি যদি আমার কন্যাদিগকে ক্লেশ দেও, কিম্বা আমার কন্যা ব্যতিরেকে অন্য স্ত্রীকে বিবাহ কর, তবে সেই সময়ে কেই নিকটে না থাকিলেও ঈশ্বর আমার ও তোমার সাক্ষী হইবেন। ৫১ লাবন্ যাকুবকে আরো কহিল, এই রাশি দেখ, এবং আমার ও তোমার মধ্যবর্ত্তি আমার স্থাপিত এই স্তম্ভ দেখ। ৫২ আমি অপকার করিতে এই রাশি পার হইয়া তোমার নিকটে যাইব না, এবং তুমিও এই রাশি ও স্তম্ভ পার হইয়া আমার নিকটে আসিবা না, ইহার সাক্ষী এই রাশি ও ইহার সাক্ষী এই স্তম্ভ; ৫৩ ইহাতে ইব্রাহীমের ঈশ্বর ও নাহোরের ঈশ্বর ও তাহাদের পিতার ঈশ্বর আমাদের মধ্যে বিচার করিবেন; তখন যাকুব আপন পিতা ইসহাকের ভয়স্থানের দিব্য করিল। ৫৪ পরে যাকুব সেই পর্বতে বলিদান করিয়া আহার করিতে আপন কুটুম্বদিগকে ডাকিল, তাহাতে তাহার ভোজন করিয়া পর্বতে রাত্রি যাপন করিল। ৫৫ পরে লাবন্ প্রত্যুষে উঠিয়া আপন পুত্র কন্যাগণকে চুম্বন করিয়া আশীর্বাদ করিল, এবং যাত্রা করিয়া আপন দেশে প্রত্যাগমন করিল।

৩২ অধ্যায়।

১ তখনন্তর যাকুব যাত্রা করিলে ঈশ্বরের দূতগণ তাহাকে দর্শন দিল। ২ তখন যাকুব তাহাদিগকে দেখিয়া কহিল, ইহার ঈশ্বরের সৈন্য, অতএব সেই স্থানের নাম মহনসিম (দুই সৈন্য) রাখিল। ৩ তাহার পর যাকুব আপনার অগ্রে সৈয়ীর দেশের ইদোম প্রদেশে এষৌ ভ্রাতার নিকটে দূতগণকে প্রেরণ করিল। ৪ সে তাহাদিগকে এই আজ্ঞা করিল, তোমরা আমার প্রভু এষৌকে কহিবা, তোমার দাস যাকুব তোমাকে জানাইল, আমি অদ্য পর্যন্ত লাবনের নিকটে দীর্ঘকাল প্রবাস করিয়া আসিতেছি। ৫ আমার গোরু ও গর্দভ ও মেষপাল ও দাস দাসী আছে, তাহাতে আমি প্রভুর অনুগ্রহদৃষ্টি পাইবার জন্যে তোমাকে সংবাদ পাঠাইলাম।

৬ অপর দূতগণ প্রত্যাগমন করিয়া যাকুবকে

কহিল, আমরা তোমার এষৌ ভ্রাতার কাছে গিয়াছিলাম; তিনি চারি শত লোক সঙ্গে লইয়া তোমার সহিত সাক্ষাৎ করিতে আসিতেছেন। ৭ তাহাতে যাকুব অতিশয় ভীত ও উদ্বিগ্ন হইল, এবং সন্দিগ্ধ লোকদিগকে ও গোমেষাদির সমস্ত পালকে ও উষ্ট্রগণকে বিভক্ত করিয়া দুই দল করিয়া কহিল, ৮ এষৌ আসিয়া যদ্যপি এক দলকে প্রহার করে, তথাপি অন্য দল বাঁচিয়া পলায়ন করিবে। ৯ তখন যাকুব কহিল, হে আমার পিতা ইব্রাহীমের ঈশ্বর ও আমার পিতা ইসহাকের ঈশ্বর, তুমিই পরমেশ্বর; তুমি আপনি আমাকে কহিয়াছিল, তুমি আপন দেশে স্ত্রীভেদের নিকটে প্রত্যাগমন কর, তাহাতে আমি তোমার সহিত সৌজন্য ব্যবহার করিব। ১০ তুমি এই দাসের প্রতি যে সকল দয়া ও বিশ্বস্ততা প্রকাশ করিয়াছ, তাহার কিঞ্চিৎতরও যোগ্য আমি নহি; কেননা আমি যক্ষ্মিত্র লইয়া এই যর্দন্ নদী পার হইয়াছিলাম, এখন দুই দলের কর্তা হইয়াছি। ১১ বিনয় করি, এষৌ ভ্রাতার হস্তহইতে আমাকে রক্ষা কর, কেননা সে আসিয়া পাছে আমাকে ও বালকগণকে ও তাহাদের মাতাদিগকে বধ করে, এই ভয় করি। ১২ তুমি কহিয়াছিল, আমি অবশ্য তোমার মঙ্গল করিয়া সমুদ্রের অসংখ্য বালির ন্যায় তোমার বংশ বৃদ্ধি করিব।

১৩ অপর যাকুব সেই স্থানে রাত্রি যাপন করিয়া উপস্থিত পশুগণহইতে কতক ২ লইয়া এষৌ ভ্রাতার জন্যে উপঢৌকন প্রস্তুত করিল, ১৪ অর্থাৎ দুই শত ছাগী ও বিংশতি ছাগ, এবং দুই শত মেষী ও বিংশতি মেষ, ১৫ এবং ত্রিশ সবেংসা দুগ্ধবতী উষ্ট্রী, ও চল্লিশ গাভী ও দশ বুয়, এবং বিংশতি গর্দভী ও দশ গর্দভ প্রস্তুত করিল।

১৬ পরে আপনার এক ২ দাসের হস্তে এক ২ পাল সমর্পণ করিয়া দাসদিগকে এই আজ্ঞা দিল, তোমরা আমার অগ্রে ২ যাও, এবং মধ্যে ২ স্থান রাখিয়া প্রত্যেক পালকে পৃথক কর। ১৭ পরে সে প্রথম দাসকে এই আজ্ঞা দিল, আমরা এষৌ ভ্রাতার সহিত তোমার সাক্ষাৎ হইলে সে যখন জিজ্ঞাসিবে, তুমি কহার দাস? কোথায় যাইতেছ? এবং তোমার অগ্রস্থিত এই সকল কহার? ১৮ তখন তুমি উত্তর করিবা, এই সকল তোমার দাস যাকুবের প্রেরিত উপঢৌকন; তিনি আপন প্রভু এষৌকে এই সকল দিলেন; এ দেখ, তিনি আমাদের পশ্চাৎ ২ আসিতেছেন। ১৯ এই রূপে দ্বিতীয় ও তৃতীয় প্রভৃতি পালের পশ্চাদ্গামি সকল ভূত্যকে আজ্ঞা দিয়া কহিল, এষৌর সহিত সাক্ষাৎ হইলে তোমরা এই ২ প্রকার কথা কহিও। ২০ আরো কহিও, দেখ, তোমার দাস যাকুব আমাদের পশ্চাৎ আসিতেছে। কেননা সে মনে করিল, আমি অগ্রে উপঢৌকন পাঠাইয়া তাহাকে শান্ত করিয়া পশ্চাৎ তাহার সহিত সাক্ষাৎ করিব, তাহাতে

সে আমার প্রতি অনুগ্রহ করিলেও করিতে পারে। ২১ অতএব তাহার অগ্রে উপটোকন দ্রব্য গেল, কিন্তু আপনি সেই রাত্রিতে নিজ দলের মধ্যে থাকিল। ২২ পরে রাত্রিতে সে উঠিয়া আপনার দুই স্ত্রী ও দুই দাসী ও একাদশ পুত্রকে সঙ্গে লইয়া যক্কোক নদীর পার্বাট পার হইল। ২৩ এবং তাহাদিগকে নদী পার করাইয়া আপনার তাবৎ দ্রব্য পারে পাঠাইয়া দিল।

২৪ তখন যাকুব তথায় একাকী থাকিলে এক পুরুষ প্রভাত পর্যন্ত তাহার সহিত মল্লযুদ্ধ করিলেন; ২৫ কিন্তু তাহাকে জয় করিতে পারিলেন না, ইহা দেখিয়া তিনি যাকুবের উরুর সন্ধিস্থানে আঘাত করিলেন। তাহার সহিত এই রূপ মল্লযুদ্ধ করিতে যাকুবের উরুর সন্ধি স্থানচ্যুত হইল। ২৬ পরে সেই পুরুষ কহিলেন, আমাকে ছাড়, কেননা প্রভাত হইল। তখন যাকুব কহিল, তুমি আমাকে আশীর্বাদ না করিলে তোমাকে ছাড়িব না। ২৭ পুনশ্চ সেই পুরুষ কহিলেন, তোমার নাম কি? সে উত্তর করিল, যাকুব। ২৮ তিনি কহিলেন, তুমি যাকুব নামে আর বিখ্যাত হইবা না, কিন্তু ইস্রায়েল (ঈশ্বরের জয়) নামে বিখ্যাত হইবা; কেননা তুমি রাজার ন্যায় ঈশ্বরের ও মনুষ্যের সহিত যুদ্ধ করিয়া জয়ী হইয়াছ। ২৯ তখন যাকুব কহিল, আমি প্রার্থনা করি, আপনকার কি নাম? বলুন। তিনি কহিলেন, তুমি কি জন্য আমার নাম জিজ্ঞাসা কর? পরে তথায় যাকুবকে আশীর্বাদ করিলেন। ৩০ তখন যাকুব সেই স্থানের নাম পিনূয়েল (ঈশ্বরের বদন) রাখিল; কেননা সে কহিল, আমি ঈশ্বরের বদন প্রত্যক্ষ দেখিলেও আমার প্রাণ বাঁচিল।

৩১ পরে সে পিনূয়েল পার হইলে সূর্যোদয় হইল; কিন্তু সে উরুতে বঞ্ছ ছিল। ৩২ অতএব ইস্রায়েলের বংশ অদ্যাপি উরুসন্ধির সঙ্কোচিত প্রধান শিরা ভোজন করে না, কেননা সেই দূত যাকুবের উরুসন্ধি স্পর্শ করিলে তাহার শিরা সঙ্কোচিত হইয়াছিল।

৩৩ অধ্যায়।

১ অনন্তর যাকুব চক্ষু তুলিয়া চাহিয়া চারি শত লোকের সহিত এষোকে আসিতে দেখিল; তাহাতে সে বালকদিগকে বিভাগ করিয়া লেয়াকে ও রাহেলকে ও দুই দাসীকে সমর্পণ করিল। ২ ফলতঃ অগ্রে দুই দাসী ও তাহাদের সন্তানদিগকে, তৎপশ্চাতে লেয়া ও তাহার সন্তানদিগকে, সর্বশেষে রাহেল ও যুফকে রাখিয়া ৩ আপনি সকলের অগ্রে গিয়া সাত বার ভূমিষ্ঠ হইয়া প্রণাম করিতে ২ আপন ভ্রাতার নিকটে উপস্থিত হইল। ৪ তখন এষৌ তাহার সঙ্গে মিলিতে দ্রুতগমনে আসিয়া যাকুবের গলা ধরিয়া আলিঙ্গন ও চুম্বন করিল, এবং উভয়েই রোদন করিল। ৫ পরে

এষৌ চক্ষু তুলিয়া শ্রীগণকে ও বালকগণকে দেখিয়া জিজ্ঞাসিল, ইহারা তোমার কে? তাহাতে সে কহিল, ঈশ্বর অনুগ্রহ করিয়া আপনকার দামকে এই সকল সন্তান দিয়াছেন। ৬ তখন দাসীরা ও তাহাদের সন্তানগণ নিকটে আসিয়া প্রণাম করিল। ৭ পরে লেয়া ও তাহার সন্তানগণ নিকটে আসিয়া প্রণাম করিল; সর্বশেষে যুফ ও রাহেল নিকটে আসিয়া প্রণাম করিল। ৮ অপর এষৌ জিজ্ঞাসিল, আমি অগ্রে যে সকল পশুপালের দর্শন করিলাম, তাহা কিম্বের নিমিত্তে? যাকুব কহিল, প্রভুর অনুগ্রহ পাইবার জন্যে। ৯ তখন এষৌ কহিল, হে ভাই, আমার যথেষ্ট আছে, তোমার যাঁহা তাহা তোমার থাকুক। ১০ যাকুব কহিল, এমন নয়, নিবেদন করি, আমি আপনকার দৃষ্টিতে যদি অনুগ্রহ পাইয়া থাকি, তবে আমার হস্তহইতে সেই উপটোকন গ্রহণ করুন; কেননা আমি ঈশ্বরের মুখ দর্শনের ন্যায় আপনকার মুখ দর্শন করিলাম, আপনিও আমার প্রতি প্রসন্ন হইলেন। ১১ অতএব বিনয় করি, আপনকার জন্যে যে উপটোকন আনীত হইল, তাহা গ্রহণ করুন; কেননা ঈশ্বরের অনুগ্রহেতো আমার যথেষ্ট আছে; এই রূপ সাধ্যসাধনা করিলে এষৌ তাহা গ্রহণ করিল। ১২ পরে এষৌ কহিল, আইস, আমার যাঁহা; আমি তোমার অগ্রে ২ গমন করি। ১৩ তাহাতে যাকুব কহিল, এই বালকগণ কোমল, ও দুগ্ধবতী মেঘা ও গবাদি পাল আমার সঙ্গে আছে, তাহা প্রভু দেখিতেছেন; এক দিন মাত্র অধিক চালাইলে সকল পালই মরিবে। ১৪ অতএব নিবেদন করি, হে আমার প্রভো, আপনি আপন দাসের অগ্রে গমন করুন; মেয়ান প্রদেশে আমার প্রভুর নিকটে উপস্থিত হওন পর্যন্ত আমি পশুগণের ও বালকগণের গমনশক্তি অনুমারে অপ্পে ২ চালাই। ১৫ এষৌ কহিল, তবে আমার সঙ্গি কতক লোক তোমার নিকটে রাখিয়া যাই। যাকুব কহিল, তাহাতে প্রয়োজন কি? আমার প্রতি প্রভুর অনুগ্রহ হইলেই হয়।

১৬ তাহাতে এষৌ সেই দিনে মেয়ানের পথে প্রত্যাগমন করিল। ১৭ কিন্তু যাকুব সুক্লেতে গমন করিয়া আপনার জন্যে গৃহ ও পশুদের জন্যে কুটীর নির্মাণ করিল; এই জন্যে সেই স্থান সুক্লেৎ (কুটীর) নামে বিখ্যাত আছে।

১৮ এই রূপে যাকুব পদন-অরামহইতে প্রত্যাগমন করিয়া নির্বিঘ্নে কিনানু দেশস্থ শিথিমের নগরে উপস্থিত হইয়া নগরের বাহিরে তায়ু স্থাপন করিল। ১৯ পরে শিথিমের পিতা যে হমোর, তাহার সন্তানদিগকে রূপার এক শত মুদ্রা দিয়া সেই তায়ু স্থাপনের ভূমিখণ্ড ক্রয় করিয়া তথায় এক বেদি নির্মাণ করিল, ২০ এবং তাহার নাম এল্-ইলোহী-ইস্রায়েল (ইস্রায়েলের শক্তিমাম ঈশ্বর) রাখিল।

৩৪ অধ্যায়।

১ অপর লেয়ার গর্তজাতা দীণা নাম্নী যাকুবের কন্যা সেই দেশের কন্যাদের সহিত সাক্ষাৎ করিতে গেলে ২ হিব্রীয় হমোর নামক দেশাধিপতির পুত্র শিখিম্ তাহাকে দেখিয়া হরণ করিয়া তাহার সহিত শয়ন করিয়া তাহাকে ভ্রষ্টা করিল। ৩ এবং যাকুবের ঐ কন্যা দীণাতে তাহার মন অনুরক্ত হওয়াতে সে তাহার সহিত প্রেম ও মিল্লাপ করিল। ৪ পরে শিখিম্ আপন পিতা হমোরকে কহিল, তুমি এই কন্যার সহিত আমার বিবাহ দেও। ৫ অনন্তর শিখিম্ আমার দীণা কন্যাকে ভ্রষ্টা করিল, এই কথা যাকুব শুনিল। ঐ সময় তাহার পুত্রগণ প্রাশুরে পশুপালের সঙ্গে ছিল; অতএব যাকুব তাহাদের আগমন পর্যন্ত স্তব্ধ হইয়া থাকিল। ৬ অপর শিখিমের পিতা হমোর যাকুবের সহিত কথোপকথন করিতে গেল। ৭ এবং যাকুবের পুত্রগণও ঐ সম্বাদ পাইয়া প্রান্তরহইতে আসিয়াছিল; পরন্তু যাকুবের কন্যার সহিত শয়ন করাতে শিখিম্ ইস্রায়েলের বিরুদ্ধে যে অধম ও অকর্তব্য কর্ম করিয়াছিল, তৎপ্রযুক্ত তাহার মনস্তাপিত ও অতি ক্রোধান্বিত ছিল। ৮ তখন হমোর তাহাদের সহিত কথোপকথন করিয়া কহিল, তোমাদের এই কন্যাতে আমার পুত্র শিখিমের মন আসক্ত হইল; অতএব নিবেদন করি, আমার পুত্রের সহিত তাহার বিবাহ দেও, ৯ এবং আমাদের সহিত কুটুম্বতা কর; তোমাদের কন্যাগণ আমাদের গণকে দান কর, এবং আমাদের কন্যাগণকে তোমরাও গ্রহণ কর। ১০ এবং আমাদের সহিত বাস কর; এই দেশ তোমাদের সম্মুখে আছে, তোমরা তাহার মধ্যে বসতি ও বাণিজ্য ও অধিকার কর। ১১ এবং শিখিম্ দীণার পিতাকে ও ভ্রাতৃগণকে কহিল, আমার প্রতি তোমাদের অনুগ্রহদৃষ্টি হউক, তাহাতে যাহা কহিবা, তাহাই দিব। ১২ যৌতুক ও দান যত অধিক চাহিবা, তোমাদের বাক্যানুসারে তাহাই দিব; কোন মতে আমার সহিত ঐ কন্যার বিবাহ দেও। ১৩ কিন্তু শিখিম্ তাহাদের দীণা ভগিনীকে ভ্রষ্টা করিয়াছিল, এই হেতুক যাকুবের পুত্রগণ ছল করিয়া শিখিমকে ও তাহার পিতা হমোরকে এই উত্তর দিল, ১৪ অচ্ছিন্নত্বক লোককে আমাদের ভগিনী দিই, এমন কর্ম আমরা করিতে পারি না, কেননা তাহা আমাদের অপমানস্বরূপ। ১৫ কেবল এক কর্ম করিলে আমরা সম্মত হইব; আমাদের ন্যায় তোমার প্রত্যেক পুরুষ যদি ছিন্নত্বক হও, ১৬ তবে আমরা তোমাদিগকে আপনাদের কন্যাগণ দিব, এবং তোমাদের কন্যাগণকে গ্রহণ করিব, ও তোমাদের সহিত বাস করিয়া একজাতি হইব। ১৭ কিন্তু যদি ত্বক্ছেদ বিষয়ে আমাদের কথা না শুন, তবে আপনাদের ঐ কন্যাকে লইয়া চলিয়া যাইব; ১৮ তখন

তাহাদের এই কথাতে হমোর ও তাহার পুত্র শিখিম্ সন্তুষ্ট হইল। ১৯ এবং সেই যুবা অবিলম্বে সেই কর্ম করিল, কেননা সে যাকুবের কন্যাতে অত্যন্ত অনুরক্ত, এবং আপন পিতৃপরিবার সকলহইতে সম্মান্ড ও ছিল।

২০ পরে হমোর ও তাহার পুত্র শিখিম্ আপন নগরদ্বারে আসিয়া নগরনিবাসীদের সহিত কথোপকথন করিয়া কহিল, ২১ এ লোকেরা আমাদের সহিত নির্দ্বিরোধী; অতএব আইস আমরা ইহাদিগকে এই দেশে বাস ও বাণিজ্য করিতে দি; কেননা দেখ, এই দেশ তাহাদের নিমিত্তে যথেষ্ট আছে; এবং তাহাদের কন্যাগণকে আমরা গ্রহণ করিব, ও আমাদের কন্যাগণ তাহাদিগকে দিব। ২২ কিন্তু তাহাদের এই পণ আছে, আমাদের মধ্যে প্রত্যেক পুরুষ যদি তাহাদের সদৃশ ত্বক্ছেদী হয়, তবে তাহারা আমাদের সহিত বাস করিয়া একজাতি হইতে সম্মত আছে। ২৩ আর তাহাদের ধন ও সম্পত্তি ও পশু সকল কি আমাদের হইবে না? আমরা তাহাদের কথা স্বীকার করিলেই তাহারা আমাদের সহিত বাস করিবে। ২৪ তখন সেই নগরের দ্বার দিয়া বহির্গমনকারি সকল লোক হমোরের ও তাহার পুত্র শিখিমের ঐ কথা মানিল, এবং তাহার নগরদ্বার দিয়া বহির্গমনকারি তাবৎ পুরুষেরই ত্বক্ছেদ হইল।

২৫ অপর তৃতীয় দিবসে তাহারা পীড়িত হইলে দীণার সহোদর শিমিয়োন ও লেবি, যাকুবের এই দুই পুত্র খঙা গ্রহণ করিয়া অকস্মাৎ নগর আক্রমণ করিয়া তাবৎ পুরুষকে বধ করিল। ২৬ এবং হমোরকে ও তাহার পুত্র শিখিমকে খঙাঘাতে বধ করিয়া শিখিমের গৃহহইতে দীণাকে লইয়া গেল। ২৭ এবং তাহাদের ভগিনীকে ভ্রষ্টা করাতে যাকুবের পুত্রগণ হত লোকদের নিকটে আসিয়া নগর লুট করিল। ২৮ এবং তাহাদের মেঘ ও গোরু ও গর্দভ সকল, এবং নগরস্থ ও ক্ষেত্রস্থ তাবৎ দ্রব্য হরণ করিল। ২৯ এবং তাহাদের শিশু ও স্ত্রীগণকে বন্দি করিয়া তাহাদের তাবৎ ধন ও গৃহের সর্বস্ব লুট করিল। ৩০ তখন যাকুব শিমিয়োনকে ও লেবিকে কহিল, তোমরা এতদেশনিবাসি কিনানীয় ও পিরিষীয় লোকদের নিকটে আমাকে দুর্গন্ধস্বরূপ করিয়া ব্যাকুল করিলা; আমার লোক অপ্পে, এই প্রযুক্ত তাহারা আমার বিরুদ্ধে একত্র হইয়া আমাকে বধ করিবে; তাহাতে আমি সপরিবারে বিনষ্ট হইব। ৩১ তাহারা উত্তর করিল, যেমন বেশ্যার সহিত, তেমনি আমাদের ভগিনীর সহিত ব্যবহার করা কি তাহার কর্তব্য?

৩৫ অধ্যায়।

১ অনন্তর ঈশ্বর যাকুবকে কহিলেন, তুমি উঠিয়া বৈথলে গিয়া সে স্থানে বাস কর; এবং তোমার এঘো ভ্রাতার নিকটহইতে পলায়নকালে যে ঈশ্বর

তোমাকে দর্শন দিয়াছিলেন, তাঁহার উদ্দেশ্যে সেই স্থানে যজ্ঞবেদি নির্মাণ কর। ২ তাহাতে যাকুব আপন পরিজন ও সঙ্গি লোক সকলকে কহিল, তোমাদের কাছে যে সকল ইত্তর দেবতা আছে, তোমারা তাহা দূর করিয়া শুচি হইয়া বস্ত্রের পরিধান কর। ৩ এবং আইস, আমরা উচিয়া বৈথলে যাই; যে ঈশ্বর আমার দুঃখসময়ে প্রার্থনা শুনিয়া আমার গমনপথে সহায় হইয়াছিলেন, তাঁহার উদ্দেশ্যে আমি সেই স্থানে এক যজ্ঞবেদি নির্মাণ করি। ৪ তাহাতে তাহারা আপনাদের নিকটস্থিত ইত্তর দেবতা ও কর্ণকুণ্ডল সকল লইয়া যাকুবকে দিলে সে ঐ সকল লইয়া শিখিমের নিকটবর্তি এলা বৃক্ষের তলে পুতিয়া রাখিয়া তথাইতে যাত্রা করিল। ৫ তখন চতুর্দিকস্থিত নগরে ঈশ্বরহইতে ভয় উপস্থিত হওয়াতে তথাকার লোকেরা যাকুবের পুত্রদের পশ্চাৎ ২ ধাবমান হইল না।

৬ পরে যাকুব ও তাহার সঙ্গিসমূহ কিনান দেশের লুস নগরে অর্থাৎ বৈথলে আইলে ৭ সে এক যজ্ঞবেদি নির্মাণ করিয়া সেই স্থানের নাম এল-বৈথেল (বৈথলের ঈশ্বর) রাখিল; কারণ ভ্রাতৃত্বে যাকুবের পলায়ন কালে ঈশ্বর সেই স্থানে তাহাকে দর্শন দিয়াছিলেন। ৮ অপর রিব্বার দিবোরা নামী ধাত্রীর মৃত্যু হইলে বৈথলের অধঃস্থিত অলোন বৃক্ষের তলে তাহার কবর হইল, এবং সেই স্থানের নাম অলোন-বাখুৎ (শোকবৃক্ষ) হইল।

৯ পরে যাকুব পদনু-অরামহইতে প্রত্যাগমন করিলে ঈশ্বর তাহাকে পুনর্দর্শন দিয়া আশীর্বাদ করিলেন। ১০ ফলতঃ ঈশ্বর তাহাকে কহিলেন, তোমার যাকুব নাম আছে, কিন্তু সেই যাকুব নাম আর থাকিবে না; তোমার নাম ইস্রায়েল হইবে; অপর তাহার নাম ইস্রায়েল রাখিলেন। ১১ ঈশ্বর তাহাকে আরো কহিলেন, আমিই সর্বশক্তিমান ঈশ্বর, তুমি প্রজাবান ও বহুবংশ হও; তোমাহইতে কেবল এক জাতি নয়, অনেক জাতি উৎপন্ন হইবে, ও তোমার গুণসে রাজগণ জন্মিবে। ১২ এবং আমি ইস্রাহীমকে ও ইসহাককে যে দেশ দিতে প্রতিজ্ঞা করিয়াছি, সেই দেশ তোমাকে ও তোমার ভবিষ্যৎশতাব্দে দিব। ১৩ এই রূপ কথোপকথন করিয়া ঈশ্বর তথাইতে উজ্জগমন করিলেন। ১৪ তাহাতে যাকুব সেই কথোপকথনস্থানে এক স্তম্ভ অর্থাৎ প্রস্তরের স্তম্ভ স্থাপন করিয়া তাহার উপরে পানীয় নৈবেদ্য ও তৈল ঢালিল। ১৫ এবং যাকুব ঈশ্বরের সহিত কথোপকথনস্থানের নাম বৈথেল (ঈশ্বরের গৃহ) রাখিল।

১৬ অনন্তর তাহারা বৈথেলহইতে প্রস্থান করিল, কিন্তু ইফ্রায়া উপস্থিত হওনের অল্প পথ অবশিষ্ট থাকিতে রাহেলের প্রসববেদনা হইল; এবং তাহার প্রসব করণে অতি কষ্ট হইল। ১৭ এবং প্রসবব্যথা অতিশয় হইলে ধাত্রী তাহাকে কহিল,

ভয় করিও না, তুমি এবারও পুত্র প্রসব করিবা। ১৮ তথাপি সে মরিল, এবং প্রাণবিরোগ সময়ে পুত্রের নাম বিনোনি (কষ্টজাত পুত্র) রাখিল, কিন্তু তাহার পিতা তাহার নাম বিনাম্যীন (দক্ষিণ হস্ত পুত্র) রাখিল। ১৯ এই রূপে রাহেলের মৃত্যু হইলে ইফ্রায়া অর্থাৎ বৈথলেহমে যাতন পথের নিকটে তাহার কবর হইল। ২০ পরে যাকুব তাহার কবরের উপরে এক স্তম্ভ স্থাপন করিল; রাহেল-কবরস্থ সেই স্তম্ভ অদ্যাপি আছে।

২১ পরে ইস্রায়েল তথাইতে প্রস্থান করিয়া মিগদ-এদর (পালের দুর্গ) পার হইয়া তাহার নিকটে তাহু স্থাপন করিল। ২২ সেই দেশে ইস্রায়েলের বাস করণ কালে রুবেন আপন পিতার বিলুহা নামী উপপত্নীতে গমন করিলে ইস্রায়েল তাহা শুনিল। যাকুবের দ্বাদশ পুত্র ছিল; ২৩ তাহাদের মধ্যে রুবেন জ্যেষ্ঠ; সে ও শিমিয়োন ও লেবি ও বিহুদা ও ইম্বাখর ও সিবুলন, ইহারা লেয়ার গর্ভজাত। ২৪ এবং যুষফ ও বিন্যামীন রাহেলের গর্ভজাত। ২৫ এবং দান ও নপ্তালি রাহেলের বিলুহা দাসীর গর্ভজাত। ২৬ এবং গাদ ও আশের লেয়ার শিপা দাসীর গর্ভজাত ছিল। যাকুবের এই সকল পুত্র পদনু-অরামে জন্মিয়াছিল।

২৭ পরে কিবিরথর অর্থাৎ হিব্রোন নগরের নিকটবর্তি মন্নি স্থানে যাকুব আপন পিতা ইসহাকের নিকটে উপস্থিত হইল। সেই স্থানে ইস্রাহীম ও ইসহাক বাস করিয়াছিল। ২৮ সেই ইসহাকের আয়ুর পরিমাণ এক শত আশী বৎসর ছিল। ২৯ পরে ইসহাক বৃদ্ধ ও পূর্ণায়ু হইয়া প্রাণত্যাগ করিয়া আপন লোকদের সহিত সংগৃহীত হইল; এবং তাহার পুত্র এযৌ ও যাকুব তাহার কবর দিল।

৩৬ অধ্যায়।

১ ঐ এযৌর নাম ইদোমও ছিল; তাহার বংশাবলি। ২ এযৌ কিনানীয়দের দুই কন্যাকে অর্থাৎ হিবীয় এলেনের কন্যা আদাকে, ও হিবীয় সিবিয়ানের পৌত্রী অনার কন্যা অহলীবামাকে, ৩ তন্ত্রি ইস্রায়েলের বাসিমৎ নামী কন্যা নিবায়োত্তের ভগিনীকে বিবাহ করিল। ৪ অনন্তর এযৌর গুণসে আদার গর্ভে ইলীফস, ও বাসিমতের গর্ভে রুয়েল জন্মিল। ৫ এবং অহলীবামার গর্ভে যিযুশ ও বালম ও কোরহ জন্মিল। এযৌর এই সকল সন্তান কিনানদেশে জন্মিল।

৬ পরে এযৌ আপন ভাৰ্যাগণ ও পুত্রগণ ও কন্যাগণ ও গৃহস্থিত অন্য ২ সকল লোককে, এবং আপন পশুদি সমস্ত ধন এবং কিনানদেশে উপার্জিত তাবৎ সম্পত্তি লইয়া যাকুব ভ্রাতার নিকটহইতে অন্য দেশে প্রস্থান করিল। ৭ কেননা তাহাদের প্রচুর ঐশ্বর্য হওয়াতে একত্র বাস সম্বোধ্য হইল না, এবং পশুধন প্রযুক্ত তাহাদের

এই প্রবাসস্থানে কুলান হইল না। ৮ এই রূপে এষৌ সেয়ীর পরিতে বাস করিল; এ এষৌর নাম ইদোম ও ছিল।

৯ অপর সেয়ীর পরিতস্তম্ব ইদোমীয়দের পূর্কপু-
রুষ এষৌর বংশাবলি। ১০ এষৌর সন্তানদের নাম
এই ২। এষৌর আদা নামী স্ত্রীর গর্ভজাত পুত্র
ইলীফস্, ও বাসিমৎ নামী স্ত্রীর গর্ভজাত পুত্র
রুয়েল। ১১ এবং ইলীফসের পুত্র তৈমন্ ও ওমার
ও সিন্ফো ও গয়িতম্ ও কিনস। ১২ এবং এষৌর
পুত্র ইলীফসের তিন্মা নামী যে উপপত্নী ছিল,
তাহার গর্ভজাত অমালেক্; এই সকলে এষৌর
আদা পত্নীর পৌত্র। ১৩ এবং রুয়েলের সন্তান
নহৎ ও সেরহ ও শম্ম ও মিসা; ইহার। এষৌর
ভার্য্যা বাসিমতের পৌত্র। ১৪ এবং সিবিয়ানের
পৌত্রী অনার কন্যা যে অহলীবামা এষৌর ভার্য্যা
ছিল, তাহার সন্তান যিয়ুশ্ ও যালম্ ও কোরহ।

১৫ এষৌর বংশজ রাজগণের বংশাবলি। এষৌর
জ্যেষ্ঠ পুত্র যে ইলীফস্, তাহার পুত্র রাজা তৈমন্
ও রাজা ওমার ও রাজা সিন্ফো ও রাজা কিনস
১৬ ও রাজা কোরহ ও রাজা গয়িতম্ ও রাজা অমা-
লেক্; ইদোম দেশের ইলীফস্ বংশীয় এই রাজ-
গণ আদার পৌত্র ছিল। ১৭ এষৌর পুত্র রুয়েলের
সন্তান রাজা নহৎ ও রাজা সেরহ ও রাজা শম্ম ও
রাজা মিসা; ইদোম দেশের রুয়েল বংশীয় এই
রাজগণ এষৌর বাসিমৎ ভার্য্যার পৌত্র ছিল।
১৮ এবং এষৌর অহলীবামা স্ত্রীর পুত্র রাজা যিয়ুশ্
ও রাজা যালম্ ও রাজা কোরহ; ইহার। অনার
কন্যা যে এষৌর ভার্য্যা অহলীবামা, তাহার গর্ভ-
জাত রাজগণ। ১৯ ইহার। এষৌর অর্থাৎ ইদোমের
স্ত্রমজাত পুত্র ও রাজা।

২০ পূর্ককালের তদ্দেশনিবাসি হোরীয় সেয়ীরের
সন্তান লোটন্ ও শোবল্ ও সিবিয়ান্ ও অনা
২১ ও দিশোন্ ও এৎসর্ ও দীশন্; সেয়ীরের এই
পুত্রগণ ইদোম দেশের হোরীয় বংশোদ্ভব রাজা
ছিল। ২২ লোটনের পুত্র হোরি ও হেমন্, এবং
লোটনের তিন্মা নামে ভগিনী ছিল। ২৩ এবং
শোবলের পুত্র অলবন্ ও মানহৎ ও এবল্ ও
শিন্ফো ও ওনন্। ২৪ এবং সিবিয়ানের পুত্র অয়া
ও অনা; এই অনা আপন পিতা সিবিয়ানের
গর্দত চরাওন সময়ে প্রান্তরে উচ্চ জলের উনুই
পাইয়াছিল। ২৫ ঐ অনার পুত্র দিশোন্ ও কন্যা
অহলীবামা। ২৬ এবং দিশোনের পুত্র হিমদন্
ও ইশ্বন্ ও যিদ্দন্ ও কিরান্। ২৭ এবং এৎস-
রের পুত্র বিল্হন্ ও সারবন্ ও যাকন্। ২৮ এবং
দীশনের পুত্র উম্ ও অরান্। ২৯ হোরীয় বংশো-
দ্ভব রাজা এই ২; রাজা লোটন্ ও রাজা শোবল্
ও রাজা সিবিয়ান্ ও রাজা অনা ৩ ও রাজা
দিশোন্ ও রাজা এৎসর্ ও রাজা দীশন্। ইহার।
সেয়ীর দেশের হোরীয় বংশোদ্ভব রাজা ছিল।

৩১ অপর ইস্রায়েলের সন্তানদের রাজত্ব হওনের

পূর্ক ইহার। ইদোম দেশের রাজা ছিল। ৩২ বিয়ো-
রের বেলা নামে পুত্র ইদোম দেশে রাজত্ব করিল,
এবং দিনহাবা নগর তাহার রাজধানী ছিল।
৩৩ এবং বেলা মরিলে পর তাহার পদে বক্তা নি-
বাসি সেরহের পুত্র যোবব্ রাজত্ব করিল। ৩৪ এবং
যোবব্ মরিলে পর তৈমন্ দেশীয় হুশম্ তাহার
পদে রাজত্ব করিল। ৩৫ এবং হুশম্ মরিলে পর
বিদদের পুত্র যে হদদ্ মৌয়াবের প্রান্তরে মিদিয়-
নকে জয় করিল, সে তাহার পদে রাজত্ব করিল,
এবং তাহার রাজধানীর নাম অবীৎ ছিল। ৩৬ এবং
হদদ্ মরিলে পর মশ্কেফা নিবাসি সন্ন তাহার পদে
রাজত্ব করিল। ৩৭ এবং সন্ন মরিলে পর ফরাৎ
নদীর নিকটবর্তি রিহোবোৎ নিবাসি শৌল তাহার
পদে রাজত্ব করিল। ৩৮ এবং শৌল মরিলে পর
অকবোরের পুত্র বালহানন্ তাহার পদে রাজত্ব
করিল। ৩৯ এবং অকবোরের পুত্র বালহানন্
মরিলে পর হদর্ তাহার পদে রাজত্ব করিল; পায়ু
নগর তাহার রাজধানী ছিল, এবং মিহেটবেল্
নামে তাহার স্ত্রী ছিল, সে মট্টেদের কন্যা ও
মেষাবহের দৌহিত্রী ছিল।

৪০ এষৌইহদে উৎপন্ন এবং নাম ও স্থান ও
গোষ্ঠী ভেদে যে ২ রাজা ছিল, তাহাদের নাম:
রাজা তিম্ ও রাজা অলবা ও রাজা যিগেৎ ৪১ ও
রাজা অহলীবামা ও রাজা এলা ও রাজা পীনোন্
৪২ ও রাজা কিনন্ ও রাজা তৈমন্ ও রাজা মিব্‌সর্
৪৩ ও রাজা মগদিয়েল্ ও রাজা জেরম। ইহার। আ-
পন ২ রাজ্যভেদে ও রাজধানীভেদে ইদোম দেশের
রাজা ছিল। ইদোমীয়দের আদিপুরুষ এষৌর
বংশাবলি সমাপ্ত।

৩৭ অধ্যায়।

১ তদবধি যাকুব আপন পিতার প্রবাসস্থান কি-
নান্ দেশে বাস করিল। ২ যাকুবের চরিত্রের বিব-
রণ এই। যুফস্‌স্তের বৎসর বয়সের সময়ে আপন
ভ্রাতৃগণের সহিত পশুপাল চরাইতে লাগিল; সে
আপন পিতৃভার্য্যা বিলহার ও সিন্‌পার পুত্রগণের
অনুচর ছিল, এবং ঐ ভ্রাতৃগণের কুবাবহারের
বাস্তা পিতার নিকটে উপস্থিত করিত। ৩ এবং ঐ
যুফস্ ইস্রায়েলের বৃদ্ধাবস্থার সন্তান, এই প্রযুক্ত
ইস্রায়েল্ সকল পুত্র অপেক্ষা তাহাকে অধিক
ভাল বাসিত, এবং তাহাকে নানাবর্ণের উত্তরীয়
বস্ত্র প্রস্তুত করিয়া দিয়াছিল। ৪ কিন্তু পিতা সকল
পুত্র অপেক্ষা যুফস্কে অধিক ভাল বাসে, ইহা
দেখিয়া তাহার ভ্রাতৃগণ তাহাকে ঘৃণা করাতো তা-
হার প্রতি প্রেমের কথা কহিতে পারিল না।

৫ অপর যুফস্ স্বপ্ন দেখিয়া আপন ভ্রাতৃদিগকে
তাহা কহিল; ইহাতে তাহার। তাহার প্রতি আরো
অধিক ঘৃণা করিল। ৬ ফলতঃ সে কহিল, আমি এক
স্বপ্ন দেখিলাম, তাহা নিবেদন করি, শুন। ৭ দেখ,
আমরা ক্ষেত্রেতে আঁটি বান্ধিতেছিলাম, তাহাতে

আমার আঁটি উঠিয়া দাঁড়াইলে তোমাদের আঁটি সকল আমার আঁটিকে চতুর্দিকে ঘেরিয়া প্রণাম করিল। ৮ ইহাতে তাহার ভ্রাতৃগণ তাহাকে কহিল, তুই কি আমাদের রাজা হবি? আমাদের উপরে কি কর্তৃত্ব করিবি? পরে তাহার। ঐ স্বপ্ন ও কথা প্রযুক্ত তাহার প্রতি আরো ঘৃণা করিল।

৯ অনন্তর যুষফ আর এক স্বপ্ন দেখিয়া ভ্রাতৃগণের সাক্ষাতে প্রকাশ করিল। সে কহিল, দেখ, আমি আর এক স্বপ্ন দেখিলাম; দেখ, সূর্য ও চন্দ্র ও একাদশ নক্ষত্র আমাকে প্রণাম করিল। ১০ কিন্তু যুষফ আপন পিতা ও ভ্রাতৃগণের সাক্ষাতে ইহা কহিলে তাহার পিতা তাহাকে ধমকাইয়া কহিল, তুমি এ কেমন্ স্বপ্ন দেখিলা? আমি ও তোমার মাতা ও ভ্রাতৃগণ আমার ভূমিষ্ঠ হইয়া কি তোমাকে প্রণাম করিব? ১১ তাহাতে তাহার ভ্রাতৃগণ তাহার প্রতি আরো ঈর্ষ্যা করিল, কিন্তু তাহার পিতা সে কথা মনে রাখিল।

১২ তদনন্তর যুষফের ভ্রাতৃগণ পিতার পশুপাল চরাইতে শিখিমে গেলে পর ১৩ ইস্রায়েল যুষফকে কহিল, তোমার ভ্রাতৃগণ কি শিখিমে পশুপাল চরায় না? আইস, আমি তাহাদের কাছে তোমাকে পাঠাই; তাহাতে যুষফ কহিল, আমি উপস্থিত আছি। ১৪ তখন ইস্রায়েল তাহাকে কহিল, তুমি গিয়া তোমার ভ্রাতৃগণ ও পশুপাল ভাল আছে কি না, তাহা দেখিয়া আমাকে সংবাদ দেও। এই রূপে সে হিব্রোনের উপত্যকাহইতে যুষফকে বিদায় করিলে সে শিখিমে গেল।

১৫ তখন এক মনুষ্য যুষফকে প্রান্তরে ভ্রমণ করিতে দেখিয়া জিজ্ঞাসা করিল, তুমি কি অন্বেষণ করিতেছ? ১৬ সে কহিল, আপন ভ্রাতৃগণের অন্বেষণ করিতেছি; তাহার। কোথায় পশুপাল চরাইতেছে? বিনয় করি, তাহা আমাকে বল। ১৭ সে মনুষ্য কহিল, তাহার। এ স্থানহইতে গিয়াছে, কেননা আমরা দোষণে যাইব, তাহাদের এই কথা শুনিয়াছিলাম। অতএব যুষফ আপন ভ্রাতৃদের পশুচা ২ গিয়া দোষণে তাহাদের সাক্ষাৎ পাইল।

৩ অপর নিকটবর্তী হওনের পূর্বে তাহার। দূরহইতে তাহাকে দেখিয়া বধ করিতে মন্ত্রণা করিয়া ২২ পরস্পর কহিল, ঐ দেখ, স্বপ্নদর্শক আনিতেছে। ২০ আইস, আমরা উহাকে বধ করিয়া কোন গর্তে ফেলিয়া দি; পরে কোন হিংস্রক জন্তু তাহাকে খাইয়াছে, এই কথা কহিব; তাহাতে তাহার স্বপ্ন সকলের কি হয়, তাহা দেখি। ২১ কিন্তু রবেন্ তাহা শুনিয়া তাহাদের হস্তহইতে তাহাকে রক্ষা করণার্থে কহিল, না, আমরা উহাকে বধ করিব না। ২২ রবেন্ তাহাদের হস্তহইতে তাহাকে রক্ষা করিয়া পিতার নিকটে পাঠাইতে মনস্করিতে পুনর্বার তাহাদিগকে কহিল, তোমরা রক্তপাত না করিয়া উহাকে প্রান্তরের এই গর্তমধ্যে ফেলিয়া দেও, কিন্তু উহার প্রতি হস্ত তুলিও না।

২৩ পরে যুষফ ভ্রাতৃগণের নিকটে আইলে তাহারা তাহার গাত্রীয় বস্ত্র, অর্থাৎ নানা বর্ণের বস্ত্র খুলিয়া লইয়া ২৪ তাহাকে ধরিয়া এক গর্তে ফেলিয়া দিল; কিন্তু সেই গর্ত শূন্য, তাহাতে জল ছিল না। ২৫ পরে তাহার। ভোজন করিতে বসিয়া চাহিয়া দেখিল, গিলিয়দহইতে এক দল ইস্রায়েলীয় ব্যবসায়ী লোক উষ্ণবাহনে সুগন্ধি দ্রব্য ও গুণ্ণলু ও গন্ধরস লইয়া মিসর দেশে যাইতেছে। ২৬ তখন যিহূদা ভ্রাতৃগণকে কহিল, ভ্রাতাকে বধ করিয়া তাহার রক্ত গোপন করিলে আমাদের কি লাভ? ২৭ আইস, আমরা এই ইস্রায়েলীয়দের হস্তে তাহাকে বিক্রয় করি; তাহার হিংসা করিব না; কেননা সে আমাদের ভ্রাতা ও আমাদের মাংসস্বরূপ; তাহাতে তাহার ভ্রাতৃগণ সম্মত হইল। ২৮ তখন সেই মিসিয়নীয় বণিকের। নিকটস্থ হইলে তাহার। যুষফকে গর্তহইতে টানিয়া তুলিল; এবং বিংশতি রৌপ্যমুদ্রা লইয়া ইস্রায়েলীয়দের হস্তে যুষফকে বিক্রয় করিল; তাহাতে তাহার। যুষফকে মিসরদেশে লইয়া গেল।

২৯ পরে রবেন্ গর্তের নিকটে ফিরিয়া গিয়া যুষফ গর্তে নাই, ইহা দেখিয়া আপন বস্ত্র চিরিল। ৩০ এবং ভ্রাতৃদের নিকটে আসিয়া কহিল, সেই বালক নাই, এখন আমি কোথায় যাই? ৩১ পরে তাহার। যুষফের বস্ত্র লইয়া একটা ছাগ মারিয়া তাহার রক্তে ডুবাইল। ৩২ পরে সেই নানাবর্ণ বস্ত্র পিতার নিকটে পাঠাইয়া কহিল, আমরা এই মাত্র পাইলাম, ইহা তোমার পুত্রের বস্ত্র বটে কি না, তাহা দেখ। ৩৩ তাহাতে সে তাহা চিনিয়া কহিল, ইহা আমার পুত্রের বস্ত্র বটে; কোন হিংস্রক জন্তু তাহাকে খাইয়াছে, যুষফ অবশ্য খণ্ডে ২ ছিন্ন হইয়াছে। ৩৪ তখন যাকুব আপন বস্ত্র চিরিয়া কটিদেশে চট পরিধান করিয়া পুত্রের জন্যে অনেক দিন পর্যন্ত শোক করিল। ৩৫ এবং তাহার পুত্রগণ ও কন্যাগণ উঠিয়া তাহাকে সান্ত্বনা করিতে যত্ন করিলে, সে প্রবোধ না মানিয়া কহিল, আমি শোকোতে পুত্রের নিকটে পরলোকে গমন করিব। এই রূপে তাহার পিতা তাহার জন্যে রোদন করিল। ৩৬ পরে সেই মিসিয়নীয়ের। মিসরদেশে পোটিফর নামে ফিরোণের রক্ষকসম্বন্ধিপতির নিকটে যুষফকে বিক্রয় করিল।

৩৮ অধ্যায়।

১ ঐ সময়ে যিহূদা আপন ভ্রাতৃগণের নিকটহইতে অদুল্লমীয় হারা নামে এক মনুষ্যের নিকটে গেলে ২ সে স্থানে শূয় নামে কোন কিনানীয় পুরুষের কন্যাকে দেখিয়া তাহাকে লইয়া তাহাতে উপগত হইল। ৩ অতএব সে গর্তবতী হইয়া পুত্র প্রসব করিলে সে তাহার নাম এর রাখিল। ৪ পরে পুনর্বার তাহার গর্ত হইলে সে পুত্র প্রসব করিয়া তাহার নাম ওনন্ রাখিল। ৫ পুনর্বার

তাঁহার গর্ভ হইলে সে পুত্র প্রসব করিয়া তাঁহার নাম শেলা রাখিল; ইহার জন্মকালে যিহূদা কিশীবে ছিল। ৬ পরে যিহূদা তামর নামী কোন কন্যাকে আনিয়া আপন জ্যেষ্ঠ পুত্র এরের বিবাহ দিল। ৭ কিন্তু যিহূদার জ্যেষ্ঠ পুত্র এর পরমেশ্বরের সাক্ষাতে দুর্ঘট হওয়াতে পরমেশ্বর তাহাকে বিনষ্ট করিলেন। ৮ তাহাতে যিহূদা ওননকে কহিল, তুমি আপন ভ্রাতার স্ত্রীকে বিবাহ কর, ও তাহাতে উপগত হইয়া ভ্রাতার বংশ উৎপন্ন কর। ৯ কিন্তু এ বংশ আপন্যার হইবে না, ইহা বুঝিয়া ওনন ভ্রাতৃত্বার্থ্যাতে গমন করিলেও ভ্রাতুবংশ উৎপন্ন করণের অনিচ্ছাতে ডুমিতে রেতঃপাত করিল। ১০ তাহার এমত কর্ম্মতে পরমেশ্বর অসন্তুষ্ট হইয়া তাহাকেও নষ্ট করিলেন। ১১ তখন যিহূদা এ তামর নামী পুত্রবধূকে কহিল, যে পর্যন্ত আমার শেলা পুত্র বড় না হয়, তাবৎ তুমি বিধবা হইয়া আপন পিত্রালয়ে গিয়া থাক। কেননা সে ভাবিল, পাছে ভ্রাতাদের ন্যায় শেলাও মরে। অতএব তামর পিত্রালয়ে গিয়া বাস করিল।

১২ অপর বহুদিবসমানন্তর শয়ের কন্যা যিহূদার ভ্রাতৃ মরিলে পর যিহূদা সান্ত্বনায়ুক্ত হইয়া অদুল্লমীয় হীরা নামক বন্ধুর সহিত তিন্নাথায় আপন মেঘলোমচ্ছেদকদের নিকটে চলিল। ১৩ তখন তোমার শ্বশুর তিন্নাথাতে আপন মেঘলোম কাটিতে যাইতেছে, এক জন তামরকে এই সমাচার দিল। ১৪ তাহাতে তামর বৈধব্য ব্রত ত্যাগ করিয়া আবরক ব্রত পরিধান করিয়া আপনাকে আচ্ছাদন করিয়া তিন্নাথার পথের পার্শ্বস্থিত ঐনমের প্রবেশস্থানে বসিয়া থাকিল; কারণ সে দেখিল, শেলা বড় হইলেও তাহার সহিত বিবাহ হইল না।

১৫ তখন যিহূদা তাহাকে দেখিয়া বেশ্যা জ্ঞান করিল, কেননা সে মুখ আচ্ছাদন করিয়াছিল। ১৬ অতএব সে পথের পার্শ্বে তাহার নিকটে গিয়া পুত্রবধূকে চিনিতে না পারাতে কহিল, আইস, আমি তোমাতে উপগত হই; তাহাতে তামর কহিল, তুমি উপগত হওনের কারণ আমাকে কি দিবা? ১৭ সে কহিল, পালহইতে একটা ছাগবৎস পাঠাইয়া দিবা। তামর কহিল, যাবৎ তাহা না দেও; তাবৎ আমাকে কি কোন বন্ধক দিবা? ১৮ যিহূদা কহিল, কি বন্ধক দিবা? তামর কহিল, তোমার এই মোহর ও সূত্র ও হস্তের যষ্টি। তখন যিহূদা তামরকে সেই সকল দিয়া তাহাতে উপগত হইলে সে গর্ভবতী হইল। ১৯ অনন্তর তামর উচ্চিয়া প্রস্থান করিল, এবং আবরক ব্রত ত্যাগ করিয়া বৈধব্য ব্রত পরিধান করিল। ২০ অপর যিহূদা ঐ স্ত্রীহইতে বন্ধক দ্রব্য লইতে আপন অদুল্লমীয় বন্ধুদ্বারা ছাগবৎস পাঠাইয়া দিল, কিন্তু সে তাহার দেখা পাইল না। ২১ অতএব সে তথাকার লোকদিগকে জিজ্ঞাসিল, ঐনমে পথের পার্শ্বে যে বেশ্যা থাকে, সে কোথায়? তাহারা কহিল,

এ স্থানে কোন বেশ্যা থাকে না। ২২ পরে সে যিহূদার নিকটে ফিরিয়া গিয়া কহিল, আমি তাহার দেখা পাইলাম না, এবং তথাকার লোকেরাও কহিল, এ স্থানে কোন বেশ্যা থাকে না। ২৩ তখন যিহূদা কহিল, তাহার স্থানে যাহা আছে, সে তাহা লউক, আমার কেন লজ্জাপদ হইবে? দেখ, আমি ছাগবৎস পাঠাইয়াছিলাম, কিন্তু তুমি তাহার দেখা পাইলা না।

২৪ অপর প্রায় তিন মাসের পরে কেহ যিহূদাকে কহিল, তোমার পুত্রবধূ তামর ব্যভিচারিণী হইয়াছে, তাহাতে তাহার গর্ভ হইয়াছে; তখন যিহূদা কহিল, তাহাকে বাহিরে আনিয়া অগ্নিতে দর্শক কর। ২৫ পরে তাহাকে বাহিরে আনিলে সে শ্বশুরকে কহিয়া পাঠাইল, যাহার এই সকল বস্ত, সেই পুরুষহইতে আমার গর্ভ হইয়াছে; আরো কহিল, এই মোহর ও সূত্র ও যষ্টি কাহার? তাহা চিনিয়া দেখ। ২৬ তখন যিহূদা সেই সকল বস্ত আপন্যার স্বীকার করিয়া কহিল, সে আমাহইতেও অধিক ধর্ম্মিষ্ঠা, কেননা আমি তাহাকে আপন শেলা পুত্রকে দিলাম না; কিন্তু যিহূদা তাহাতে আর উপগত হইল না।

২৭ অপর তামরের প্রসবকাল উপস্থিত হইলে তাহার উদরহইতে যমজ সন্তান জন্মিল। ২৮ আর তাহার প্রসববেদনা উপস্থিত হইলে এক বালকের হস্ত নির্গত হইল; তাহাতে ধাত্রী তাহার সেই হস্তে রক্তবর্ণ সূত্র বাঁধিয়া কহিল, এই জ্যেষ্ঠ। ২৯ কিন্তু সে আপন হস্ত টানিয়া লইলে তাহার ভ্রাতা ডুমিষ্ঠ হইল; তখন ধাত্রী কহিল, তুমি কি প্রকারে ভেদ করিয়া আইলা? অতএব তাহার নাম পেরূস (ভেদ) হইল। ৩০ পরে হস্তেরক্তবর্ণ সূত্রবন্ধ তাহার ভ্রাতা ডুমিষ্ঠ হইলে তাহার নাম সেরহ হইল।

৩২ অধ্যায়।

১ যুষক মিসরদেশে আনীত হইলে পর ফিরৌনরাজের এক জন ভৃত্য অর্থাৎ মিস্রীয় পৌদীফর নামে রক্ষকদৈন্যাধিপতি তথায় আনয়নকারি ইস্রায়েলীয় লোকদের হইতে তাহাকে ক্রয় করিয়াছিল। ২ কিন্তু পরমেশ্বরের সহায়তা প্রযুক্ত যুষক শুভান্বিত হইল, ও আপন মিস্রীয় প্রভুর গৃহে বাস করিল। ৩ তাহাতে পরমেশ্বরের সহায়তাতে তাহার কৃত সমস্ত কর্ম্মই সফল হয়, ইহা সেই প্রভু আপনি দেখিল। ৪ অতএব সে তাহাকে অনুগ্রহ করিয়া আপন্যার সেবাতে নিযুক্ত করিল, এবং আপন বাটীর অধ্যক্ষ করিয়া তাহার হস্তে আপন্যার সর্বস্ব সমর্পণ করিল। ৫ এই রূপে যুষককে আপন বাটীর ও সর্বস্বের অধ্যক্ষ করণাবধি যুষকের অনুরোধে সেই মিস্রীয় ব্যক্তির বাটীর প্রতি পরমেশ্বরের অনুগ্রহ হওয়াতে বাটীতে ও ক্ষেত্রে স্থিত তাহার তাবৎ সম্পদের প্রতি পরমেশ্বরের আশী-

র্যাদ বর্জিল। ১০ অতএব সে যুবকের হস্তে আপন সর্পস্বয়ের এমত ভার দিল, যে আপনি স্বীয় খাদ্য দ্রব্য ব্যতিরেক আর কিছুই অনুসন্ধান করিত না।

১ যুবক রূপেতে ও সৌন্দর্য্যেতে মনোহর ছিল; এ কারণ সময়ক্রমে তাহার প্রভুর ভার্য্যা যুবকের প্রতি দৃষ্টি করিয়া তাহাকে কহিল, তুমি আমার সহিত শয়ন কর। ২ কিন্তু যুবক অস্বীকার করিয়া প্রভুর জীকে কহিল, দেখ, আমার প্রভু আমাকেই ভার দিয়া এই বাটীতে যাহা আছে, তাহার কিছুই অনুসন্ধান করেন না; তিনি আমার হস্তে সর্পস্ব সমর্পণ করিয়াছেন। ৩ এই বাটীতে আমি অপেক্ষা কেহই বড় নাই; তিনি তাবতের মধ্যে কেবল তোমাকেই আমার অধীন করেন নাই, কারণ তুমি তাহার ভার্য্যা। অতএব আমি কি রূপে এমত মহাদোষ করিয়া ঈশ্বরের গোচরে পাপ করিতে পারি। ৪ তথাপি মেজ্রী যুবককে আপনার সহিত শয়ন করিতে কিহা আপনার নিকটে থাকিতে প্রতিদিন কহে; কিন্তু যুবক তাহার কথাই সম্মত হয় না। ৫ পরে এক দিন কোন কাণ্ডক্রমে যুবক গৃহের অভ্যন্তরে গেলে, বাটীর অন্য ভৃত্য তথায় যা থাকতে ৬ মেজ্রী যুবকের বস্ত্র ধরিয়া, আমার সহিত শয়ন কর, ইহা বলিয়া টানাটানি করিল; কিন্তু যুবক তাহার হস্তে আপন বস্ত্র ত্যাগ করিয়া বাহিরে পলাইল। ৭ তখন যুবক তাহার হস্তে বস্ত্র ত্যাগ করিয়া বাহিরে পলাইল, ইহা দেখিয়া ৮ মেজ্রী নিজ ঘরের লোকদিগকে ডাকিয়া কহিল, দেখ, কর্তা আমাদের সহিত ঠাট্টা করিতে ইত্নীয় এক পুরুষকে আনিয়াছেন; সে আমার সঙ্গে শয়ন করিতে আমার নিকটে আসিয়াছিল; ৯ পরে আমি উঠেঃঃঃঘরে ডাকিলে সে আমার উঠেঃঃঃঘর শুনিবামাত্র আমার নিকটে নিজ বস্ত্র ত্যাগ করিয়া বাহিরে পলাইয়া গেল। ১০ পরে মেজ্রী এই বস্ত্র আপনার নিকটে রাখিয়া স্বামির গৃহাগমন অপেক্ষা করিয়া ১১ সেই বাক্যানুসারে তাহাকেও কহিল, তুমি যে ইত্নীয় দাসকে আমাদের নিকটে আনিয়াছ, সে আমার সহিত ঠাট্টা করিতে নিকটে আসিয়াছিল; ১২ পরে আমি চাঁৎকার করিয়া ডাকিলে সে আমার নিকটে এই বস্ত্র ত্যাগ করিয়া বাহিরে পলাইয়া গেল। ১৩ তখন তোমার দাস আমার প্রতি এই ব্যবহার করিয়াছে, ভার্য্যার মুখে এমত কথা শুনিয়া যুবকের প্রভু ক্রোধেতে প্রজ্বলিত হইয়া ১৪ যুবককে লইয়া রাজবন্দিগণের বাসস্থান কারাগারে রাখিল; তাহাতে যুবক সেই কারাগারে থাকিল। ১৫ কিন্তু পরমেশ্বরের যুবকের সহায় হইয়া তাহার প্রতি আপন দয়া বর্জাইয়া তাহাকে কারারক্ষকের অনুগ্রহপাত্র করিলেন। ১৬ তাহাতে সেই কারারক্ষক কারাশ্রিত তাবৎ বন্দি লোকের ভার যুবকের হস্তে সমর্পণ করিলে তথাকার তাবৎ কর্ম যুবকের আজ্ঞানুসারে চলিতে লাগিল। ১৭ কারারক্ষক যুবকের হস্তগত কোন

বিষয়ের অনুসন্ধানও করিত না, কেননা পরমেশ্বরের তাহার সহায় হইয়া তাহার কৃত সকল কর্ম সফল করিতেন।

৪০ অধ্যায় ।

১ অপর মিশ্রীয় রাজার পানপাত্রবাহক ও মোদক আপনাদের প্রভু মিশ্রীয় রাজার কাছে অপরাধী হইলে ২ ফিরৌন আপনাদের সেই দুই ভৃত্যের প্রতি অর্থাৎ ৩ প্রধান পানপাত্রবাহকের ও প্রধান মোদকের প্রতি ব্রুদ্ধ হইয়া, ৪ যে রক্ষক সৈন্যাধিপতির কারাগারে যুবক ছিল, সেই স্থানে তাহাদিগকে বন্দী করিয়া রাখিল। ৫ তাহাতে রক্ষকসৈন্যাধিপতি তাহাদের নিকটে যুবককে নিযুক্ত করিলে যুবক তাহাদের পরিচর্যা করিতে লাগিল। এই রূপে তাহারা কিছু দিন কারাগারে থাকিল।

৬ অপর মিশ্রীয় রাজার এই কারাবদ্ধ পানপাত্রবাহক ও মোদক দুই জন এক রাত্রিতে দুই প্রকার অর্থবিশিষ্ট দুই স্বপ্ন দেখিল। ৭ তাহাতে যুবক প্রত্যুষে তাহাদের নিকটে আগমন কালে তাহাদিগকে বিষয় দেখিল। ৮ তখন ফিরৌনের এই দুই ভৃত্য তাহার সহিত প্রভুর কারাগারে বদ্ধ ছিল, তাহাদিগকে জিজ্ঞাসা করিল, অদ্য তোমাদের মুখ বিষয় কেন? ৯ তাহারা উত্তর করিল, আমরা স্বপ্ন দেখিয়াছি, কিন্তু তাহার অর্থকারণক কেহ নাই। তখন যুবক তাহাদিগকে কহিল, অর্থ করিবার শক্তি কি ঈশ্বরহইতে হয় না? বিনয় করি, তোমাদের স্বপ্ন আমাকে বল। ১০ তখন প্রধান পানপাত্রবাহক যুবককে আপন স্বপ্নের কথা প্রকাশ করিয়া কহিল, আমি স্বপ্নে সমুখে এক ড্রাক্কালতা দেখিলাম। ১১ তাহার তিন শাখা ছিল; পরে সে পল্লবিত হইলে তাহাতে পুষ্প হইল, এবং সর্বক ২ তাহার ফল হইয়া পূর্ণ হইল। ৩ তখন আমার হস্তে ফিরৌনের পানপাত্র থাকতে আমি সেই ড্রাক্কালফল লইয়া রাজার পক্ষে নিঙ্গড়াইয়া ফিরৌনের হস্তে সেই পাত্র দিলাম। ৪ তাহাতে যুবক তাহাকে কহিল, ইহার অর্থ এই; ঐ তিন শাখাতে তিন দিন বুধায়। ৫ তিন দিনের মধ্যে ফিরৌন তোমার বিচার করিয়া তোমাকে পূর্ণপদে নিযুক্ত করিবে; তাহাতে তুমি পূর্ণের ন্যায় পানপাত্রবাহক হইয়া পুনর্বার ফিরৌনের হস্তে পানপাত্র দিবা। ৬ কিন্তু যখন তোমার মঙ্গল হইবে, তখন আমাকে স্মরণ করিও, এবং আমার প্রতি দয়া করিয়া ফিরৌনের গোচরে আমার বিষয়ে কথা কহিয়া আমাকে এই কারাগারহইতে উদ্ধার করিও। ৭ কেননা ইত্নীয়দের দেশহইতে আমাকে নিতাঃঃই চুরি করিয়া আনিয়াছে; আর আমি যে এই কারারূপে বদ্ধ হই, এ স্থানেও এমত কোন কর্ম করি নাই। ৮ অপর প্রধান মোদক তাহার অর্থকথন উত্তম জানিয়া যুবককে কহিল, আমিও স্বপ্ন দেখিয়াছি; আমার মস্তকোপরি শুল্ক পিঞ্চকের

তিনটা চুপড়ি ছিল। ১৭ তাহার উপরের চুপড়িতে ফিরোণের ভোজনার্থে নানা প্রকার পক্ষাণ ছিল; তাহাতে পক্ষিগণ আসিয়া আমার মস্তকোপরিস্থ চুপড়িহইতে তাহা লইয়া থাকিল। ১৮ তখন যুষফ উত্তর করিল, ইহার অর্থ এই, সেই তিন চুপড়িতে তিন দিন বুঝায়। ১৯ তিন দিনের মধ্যে ফিরোন্ তোমার বিচার করিয়া তোমাকে বৃক্ষোপরি উদ্ধক্ষন করিবে, এবং পক্ষিগণ আসিয়া শরীরহইতে তোমার মাংস খাইবে।

২০ অপর তৃতীয় দিনে ফিরোণের জন্মদিন হওয়াতে সে আপন মকল ভৃত্যদের জন্যে ভোজ প্রস্তুত করিল; তাহাতে আপনার তাবৎ দাসের সাক্ষাতে প্রধান পানপাত্রবাহকের ও প্রধান মোদকের বিচার করিল। ২১ পরে সে যুষফের অর্থকখনানুসারে ফিরোণের হস্তে পানপাত্র দিতে প্রধান পানপাত্রবাহককে তাহার নিজপদে পুনর্বার নিযুক্ত করিল; ২২ কিন্তু প্রধান মোদককে উদ্ধক্ষন করিল। ২৩ তথাপি প্রধান পানপাত্রবাহক যুষফকে স্মরণ করিল না, কিন্তু বিস্মৃত হইল।

৪১ অধ্যায়।

১ অনন্তর দুই বৎসরান্তে ফিরোন্ এই স্বপ্ন দেখিল। সে নদীকূলে দাঁড়াইয়া থাকিলে ২ নদীহইতে সাতটা ছুটপুট সুন্দর গোরু উঠিয়া ত্বণমধ্যে চরিতে লাগিল। ৩ পরে আর সাতটা কূশ ও কুৎসিত গোরু নদীহইতে উঠিয়া নদীর তীরে ঐ গোরুদের নিকটে দাঁড়াইল। ৪ পরে সেই কূশ কুৎসিত গোরু ঐ সপ্ত ছুটপুট সুন্দর গোরুকে গ্রাস করিল। তখন ফিরোণের নিদ্রাভঙ্গ হইল। ৫ তাহার পরে সে নিদ্রিত হইয়া দ্বিতীয় বার স্বপ্ন দেখিল; এক বোটাতে সাত স্কলাকার উত্তম শীষ উঠিল। ৬ পরে পূর্নীয় বায়ুতে শুষ্ক অন্য সাত স্কলা শীষ উঠিল। ৭ এবং সেই সাত স্কলা শীষ ঐ সাত স্কলাকার পূর্ণ শীষ গ্রাস করিল। পরে ফিরোণের নিদ্রাভঙ্গ হইলে তাহা স্বপ্নমাত্র হইল।

৮ পরে প্রাতঃকালে তাহার মন উদ্বিগ্ন হইলে সে লোক পাঠাইয়া মিসরদেশের তাবৎ মায়াবিদিগকে ও জ্ঞানিদিগকে ডাকাইল; কিন্তু ফিরোন্ তাহাদের কাছে স্বপ্নের কথা কহিলে তাহাদের মধ্যে কেহই ফিরোণকে তাহার অর্থ কহিতে পারিল না। ৯ তখন প্রধান পানপাত্রবাহক ফিরোণকে নিবেদন করিল, অদ্য আমার অপরাধ মনে পড়িতেছে। ১০ ফিরোন্ আপন দুই ভৃত্যের প্রতি, অর্থাৎ আমার ও প্রধান মোদকের প্রতি ক্রোধান্বিত হইয়া আমাদিগকে রক্ষকসৈন্যাদিপতির কারাগারে বন্দ করিয়াছিলেন। ১১ তাহাতে আমি এবং সে এক রাত্রিতে স্বপ্ন দেখিলাম; এবং দুই জনের স্বপ্নের দুই প্রকার অর্থ হইল। ১২ তখন সে স্থানে আমাদের সহিত রক্ষকসৈন্যাদিপতির এক ইব্রীয় যুবদাস ছিল; তাহাকে স্বপ্ন কহিলে

সে আমাদিগকে স্বপ্নের অর্থ কহিল; প্রত্যেক জনের স্বপ্নের অর্থ কহিল। ১৩ তাহাতে সে আমাদিগকে যেরূপ অর্থ কহিয়াছিল, তদ্রূপই ঘটিল; ফলতঃ মহারাজ আমাকে পূর্নপদে নিযুক্ত করিলেন, ও তাহাকে উদ্ধক্ষন করিলেন।

১৪ তখন ফিরোন্ যুষফকে আনিতে পাঠাইলে লোকেরা কারাকূপহইতে তাহাকে শীঘ্র আনিল। পরে সে ক্ষৌরকর্ম পূর্নক বস্ত্রান্তর পরিধান করিয়া ফিরোণের নিকটে উপস্থিত হইল। ১৫ তখন ফিরোন্ যুষফকে কহিল, আমি এক স্বপ্ন দেখিয়াছি, তাহার অর্থকারক কেহ নাই; কিন্তু তুমি স্বপ্ন শুনিয়া তাহার অর্থ করিতে পার, ইহা শুনিলাম। ১৬ তাহাতে যুষফ ফিরোণকে উত্তর করিল, তাহা আমি পারি না, কিন্তু ঈশ্বর ফিরোণকে মঙ্গলযুক্ত উত্তর দিবেন। ১৭ তখন ফিরোন্ যুষফকে কহিল, আমি স্বপ্নেতে নদীর তীরে দাঁড়াইয়াছিলাম। ১৮ তাহাতে নদীহইতে সাত ছুটপুট সুন্দর গোরু উঠিয়া ত্বণমধ্যে চরিতে লাগিল। ১৯ পরে মিসরদেশে যাদুশ কুৎসিত গোরু কখন দেখি নাই, এমত কূশ ও কুৎসিত ও শুষ্কান্য অন্য সাত গোরু উঠিল। ২০ এবং এই কূশ কুৎসিত গোরু সেই পূর্নের ছুটপুট সাত গোরুকে গ্রাস করিল। ২১ কিন্তু তাহার তাহাদিগকে গ্রাস করিলে গ্রাস করিয়াছে, এমত বোধ হইল না, কেননা পূর্নকার ন্যায় কুৎসিত থাকিল; তখন আমার নিদ্রাভঙ্গ হইল। ২২ পরে আমি পুনর্বার এক স্বপ্ন দেখিলাম; এক বোটাতে স্কলাকার উত্তম সাত শীষ উঠিল। ২৩ পরে পূর্নীয় বায়ুতে শুষ্ক ও স্কলা ও স্কলা সপ্ত শীষ উঠিল। ২৪ এবং ঐ স্কলা সাত শীষ সেই উত্তম সাত শীষকে গ্রাস করিল। এই স্বপ্ন আমি মায়াবিদিগকে কহিলাম, কিন্তু কেহ ইহার অর্থ আমাকে কহিতে পারিল না।

২৫ তখন যুষফ ফিরোণকে উত্তর করিল, ফিরোণের দুই স্বপ্ন একই; ঈশ্বর বাহা করিতে উদ্যত আছেন, তাহাই ফিরোণকে জ্ঞাত করিলেন। ২৬ ঐ সপ্ত উত্তম গোরু সপ্ত বৎসরস্বরূপ, এবং ঐ সপ্ত উত্তম শীষও সপ্ত বৎসরস্বরূপ; দুই স্বপ্ন একই। ২৭ এবং তাহার পশ্চাৎ উঠিয়াছে যে কূশ ও কুৎসিত সপ্ত গোরু তাহারাও সপ্ত বৎসরস্বরূপ; এবং পূর্নীয় বায়ুতে শুষ্ক যে সপ্ত কূশ শীষ, তাহারা দুর্ভিক্ষের সপ্ত বৎসরস্বরূপ। ২৮ আমি ফিরোণকে তাহা কহিয়াছি, ঈশ্বর বাহা করিতে উদ্যত আছেন, তাহা ফিরোণকে দেখাইলেন। ২৯ দেখ, অগ্রে মমন্ত মিসরদেশে সপ্ত বৎসর অতিশয় সুভক্ষ্য হইবে। ৩০ পশ্চাৎ সপ্ত বৎসর এমত দুর্ভিক্ষ হইবে, যে মিসরদেশে মমন্ত সুভক্ষ্যের বিস্মৃতি হইবে। এবং সেই দুর্ভিক্ষেতে দেশ নষ্ট হইবে। ৩১ এবং সেই পশ্চাদ্বর্তি দুর্ভিক্ষপ্রযুক্ত দেশে পূর্নকার সুভক্ষ্যের অনুভব হইবে না; আর তাহা অতি অসম্ব হইবে। ৩২ ফিরোণের দুই

বার স্বপ্ন দর্শনের ভাব এই; ঈশ্বর ইহা নিশ্চয় করিয়াছেন, এবং তিনি তাহা শীঘ্র ঘটাইবেন। ৩৩ অতএব ফিরোন্ এক বিবেচক জ্ঞানি পুরুষের চেষ্টা করিয়া তাহাকে মিসরদেশের উপরে নিযুক্ত করুন। ৩৪ আর ফিরোন্ এই কর্ম করুন; দেশে অধ্যক্ষগণ নিযুক্ত করিয়া যে সপ্ত বৎসর সুভক্ষ্য হইবে, সেই সময়ে মিসরদেশহইতে শস্যের পঞ্চমাংশ গ্রহণ করুন। ৩৫ ফলতঃ তাহার। সেই আগামি উত্তম বৎসরের শস্য সংগ্রহ করিয়া ফিরোন্‌র হস্তে তাহা সঞ্চয় করিয়া প্রতি নগরে খাদ্যের জন্যে রক্ষা করুক। ৩৬ এই রূপে মিসরদেশে ভবি দূর্ভিক্ষের সপ্ত বৎসরের নিমিত্তে দেশের নির্বাহার্থে সেই ভক্ষ্য সঞ্চিত থাকিলে দূর্ভিক্ষেতে দেশ নষ্ট হইবে না।

৩৭ তখন ফিরোন্‌র ও তাহার সকল ভৃত্যদের দৃষ্টিতে এই কথা উত্তম বোধ হইল। ৩৮ তাহাতে ফিরোন্ ভৃত্যদিগকে কহিল, ইহার তুল্য পুরুষ, যাহাতে ঈশ্বরের আত্মা আছেন, এমত আর কাহাকে পাইব? ৩৯ তখন ফিরোন্ যুধফকে কহিল, ঈশ্বর তোমাকে এই সকল জ্ঞাত করিয়াছেন, অতএব তোমার তুল্য বিবেচক ও জ্ঞানী কেহই নাই। ৪০ তুমিই আমার বাটীর অধ্যক্ষ হও; আমার তাবৎ লোক তোমার কথার বশীভূত থাকিবে, কেবল সিংহাসনে আমি তোমাহইতে বড় থাকিব। ৪১ ফিরোন্ যুধফকে আরো কহিল, দেখ, আমি তোমাকে সমস্ত মিসরদেশের উপরে নিযুক্ত করিলাম। ৪২ পরে ফিরোন্ আপন হস্তহইতে অঙ্গরায় খুলিয়া যুধফের হস্তে দিয়া তাহাকে সূক্ষ্ম বস্ত্র পরিধান করাইয়া তাহার গলদেশে সুবর্ণহার দিল। ৪৩ এবং তাহাকে আপনার দ্বিতীয় রথে আরোহণ করাইল, এবং লোকেরা তাহার অগ্রে ২ অত্রেক ২ (হাটু পাঁচ ২) বলিয়া ঘোষণা করিল। এই রূপে সে সমস্ত মিসরদেশের অধ্যক্ষপদে নিযুক্ত হইল। ৪৪ পরে ফিরোন্ যুধফকে কহিল, আমি যদি ফিরোন্ হই, তবে তোমার আজ্ঞা বিনা সমস্ত মিসরদেশে কোন লোক হাত পা নাড়িতে পারিবে না। ৪৫ এবং ফিরোন্ যুধফের নাম সাকিনৎ-পানেহ (নিগূঢ়প্রকাশক) রাখিল। এবং ওন্ নগরনিবাসি পৌঢীফেরঃ নামক যাজকের আশিনৎ নাম্নী কন্যার সহিত তাহার বিবাহ দিল। পরে যুধফ সমুদয় মিসরদেশে গমনাগমন করিতে লাগিল।

৪৬ যুধফ ত্রিশ বৎসর বয়সের সময়ে মিস্রীয় ফিরোন্‌রাজের মাক্কাতে উপস্থিত হইয়াছিল; পরে যুধফ ফিরোন্‌র নিকটহইতে প্রস্থান করিয়া মিসর দেশের সর্বত্র ভ্রমণ করিল। ৪৭ পরে সেই সুভক্ষ্যের সপ্ত বৎসর ভূমিতে প্রচুর রূপে শস্য জন্মিল। ৪৮ মিসরদেশে উপস্থিত সেই সপ্ত বৎসরে সে সকল শস্য সংগ্রহ করিয়া প্রতি নগরে সঞ্চয় করিল। ফলতঃ যে নগরের চতুঃসীমাতে যে

শস্য হইল, সেই নগরে তাহা সঞ্চয় করিল। ৪৯ এই রূপে যুধফ সমুদ্রের বাজার ন্যায় এত বাহুল্যরূপে শস্য সংগ্রহ করিল, যে তাহা মাপিতে নিবৃত্ত হইল, কেননা তাহা অপরিমেয় ছিল।

৫০ অপর দূর্ভিক্ষবৎসরের পূর্বে যুধফের গুরসে ওন্ নগরনিবাসি পৌঢীফেরঃ যাজকের আশিনৎ নাম্নী কন্যাতে দুই পুত্র জন্মিল। ৫১ তাহাতে যুধফ তাহাদের জ্যেষ্ঠের নাম মিনশি (বিস্মৃতি) রাখিল, কেননা সে কহিল, ঈশ্বর আমার সকল ক্লেশের ও নিজ পিতৃগৃহের বিস্মৃতি জন্মাইয়াছেন। ৫২ এবং দ্বিতীয় পুত্রের নাম ইফয়িম (ফলবান্) রাখিল, কেননা সে কহিল, আমার দুঃখভোগের দেশে ঈশ্বর আমাকে ফলবান্ করিয়াছেন।

৫৩ পরে মিসরদেশে ঘটিত সুভক্ষ্যের সপ্ত বৎসরের শেষ হইলে যুধফের বাক্যানুসারে দূর্ভিক্ষের সপ্ত বৎসরের আরম্ভ হইল। ৫৪ তাহাতে অন্য সমস্ত দেশে দূর্ভিক্ষ হইল, কিন্তু সমস্ত মিসরদেশে ভক্ষ্য ছিল। ৫৫ পরে সমস্ত মিসরদেশে দূর্ভিক্ষ ঘটিলে প্রজাবর্গ ফিরোন্‌র নিকটে ভক্ষ্যের জন্যে প্রার্থনা করিল; তাহাতে ফিরোন্ সকল মিস্রীয়দিগকে কহিল, তোমার যুধফের নিকটে যাও; সে যাহা কহে, তাহাই কর। ৫৬ তখন সর্বদেশেই দূর্ভিক্ষ হইলে যুধফ সকল স্থানের গোলা খুলিয়া মিস্রীয়দিগকে শস্য বিক্রয় করিতে লাগিল। তথাপি মিসরদেশে প্রবল দূর্ভিক্ষ হইল; ৫৭ এবং নানাদেশীয় লোকেরা মিসরদেশে যুধফের নিকটে শস্য ক্রয় করিতে আইল, কেননা সকল দেশেই প্রবল দূর্ভিক্ষ হইল।

৪২ অধ্যায়।

১ অপর মিসরদেশে শস্য আছে, এই কথা শুনিয়া যাকুব আপন পুত্রদিগকে কহিল, তোমরা পরস্পর মুখ দেখাদেখি করিতেছ কেন? ২ সে আরো কহিল, দেখ, আমি শুনিলাম, মিসরে শস্য আছে, অতএব তোমরা তথায় গিয়া আমাদের জন্যে শস্য ক্রয় করিয়া আন; তাহাতে আমরা বাঁচিব, মরিব না। ৩ পরে যুধফের দর্শ ভ্রাতা শস্য ক্রয় করিতে মিসরে গেল। ৪ কিন্তু যাকুব যুধফের সহোদর বিন্যামীনকে আভুগণের সঙ্গে পাঠাইল না, কেননা সে কহিল, পাছে ইহার বিপদ ঘটে।

৫ তখন তথায় আগত লোকদের মধ্যে ইস্রায়েলের পুত্রগণও উপস্থিত হইল, কেননা কিনান্দে দেশেও দূর্ভিক্ষ ছিল। ৬ তৎকালে যুধফ ঐ দেশের অধ্যক্ষ হওয়াতে সকল দেশের লোকদের স্থানে শস্য বিক্রয় করিতেছিল; তাহাতে যুধফের ভ্রাতৃগণ আসিয়া তাহাকে ভূমিষ্ট হইয়া প্রণাম করিল। ৭ তখন যুধফ আপন ভ্রাতৃদিগকে দেখিয়া চিনিল, কিন্তু তাহাদের কাছে অপরিচিতের ন্যায় ব্যবহার করিয়া নিষ্ঠুর কথাতে কহিল, তোরা কোথাহইতে আসিয়াছিস? তাহার। কহিল, কিনান্দে দেশহইতে

শস্য কিনিতে আসিয়াছি। ৮ কিন্তু যূষফ আপন ভ্রাতাদিগকে চিনিলেও তাহারা তাহাকে চিনিতে পারিল না।

৯ তখন যূষফ তাহাদের বিষয়ে পূর্কদৃষ্ট স্বপ্ন স্মরণ করিয়া তাহাদিগকে কহিল, তোরা চার লোক, এই দেশের ছিদ্র অনুসন্ধান করিতে আসিয়াছিল। ১০ তাহারা কহিল, হে প্রভো, তাহা নয়, আপনকার এই দাসেরা শস্য কিনিতে আসিয়াছে। ১১ আমরা সকলে এক পিতার সন্তান; আমরা বিশ্বাস্য লোক, আপনকার এই ভৃত্যেরা চার নহে। ১২ তখন সে তাহাদিগকে কহিল, না, না, তোরা দেশের ছিদ্র দেখিতে আসিয়াছিল। ১৩ তাহারা কহিল, আপনকার এই দাসেরা দ্বাদশ ভ্রাতা, কিনান্ দেশ-নিবাসি এক জনের পুত্র; দেখুন, আমাদের কনিষ্ঠ ভ্রাতা পিতার নিকটে আছে, এবং এক জন নাই। ১৪ তখন যূষফ তাহাদিগকে পুনর্বার কহিল, আমি তোদিগকে যে চারের কথা কহিতেছি, তোরা তাহাই বচিস। ১৫ আমি তোদের পরীক্ষা লইতে ফিরোণের আয়ুর দিব্য করিয়া কহিতেছি, তোদের কনিষ্ঠ ভ্রাতা এ স্থানে না আইলে তোরা এ স্থান-হইতে বাহির হইতে পারিবি না। ১৬ তোদের এক জনকে পাঠাইয়া আপন ভ্রাতাকে আন, তোরা বন্ধ থাক; ইহাতে তোদের কথার পরীক্ষা হইলে তোরা সত্যবাদী কি না, তাহা জানা যাইবে; নতুবা আমি ফিরোণের আয়ুর দিব্য করিয়া কহিতেছি, তোরা অবশ্য চার বচিস। ১৭ ইহা বলিয়া যূষফ তাহাদিগকে তিন দিন কারাগারে বন্ধ রাখিল। ১৮ পরে তৃতীয় দিনে তাহাদিগকে কহিল, ঈশ্বরের প্রতি আমার ভয় আছে; এই কর্ম কর, তাহাতে বাঁচিবা। ১৯ তোমরা যদি বিশ্বাস্য লোক, তবে তোমাদের এক ভাই এই কারাগারে বন্ধ থাকুক; তোমরা দুর্ভিক্ষের জন্যে শস্য লইয়া বাটী গিয়া তোমাদের কনিষ্ঠ ভ্রাতাকে আমার নিকটে আন; ২০ তাহাতে তোমাদের কথা সপ্রমাণ হইলে তোমরা মরিবা না।

২১ তখন তাহার সন্মত হইয়া পরস্পর কহিল, আমরা আপন ভ্রাতার বিষয়ে নিশ্চয় অপরাধী আছি, কেননা সে আমাদের কাছে বিনতি করিলে আমরা তাহার মনের ব্যাকুলতা দেখিয়াও তাহা শুনি নাই; এই নিমিত্তে আমাদের এই বিপদ ঘটিল। ২২ তখন রুবেন্ তাহাদিগকে কহিল, তোমরা ঐ যুবার বিষয়ে পাপ করিও না, এই কথা আমি কি তোমাদিগকে কহি নাই? কিন্তু তোমরা তাহা শুন নাই; দেখ, এখন তাহার রক্তের নিকাশ লওয়া যাইতেছে। ২৩ কিন্তু যূষফ যে তাহাদের এই কথোপকথন বুঝিল, ইহা তাহার জানিতে পারিল না, কেননা সে দ্বিভাষিদ্বারা তাহাদের সহিত কথা কহিতেছিল। ২৪ পরে যূষফ তাহাদের নিকট হইতে গিয়া ক্রন্দন করিল; এবং পুনশ্চ আসিয়া তাহাদের সঙ্গে কথোপকথন করিয়া তাহাদের মধ্য-

হইতে শিমিয়োনকে ধরিয়া তাহাদের সাক্ষাতেই বাঁধিল।

২৫ পরে যূষফ তাহাদের ছালাতে শস্য ভরিয়া প্রত্যেক জনের ছালায় টাকা ফিরাইয়া দিতে এবং তাহাদিগকে পাথের সামগ্রী দিতে আজ্ঞা দিল; তাহাতে ভৃত্যেরা তরুণ করিল। ২৬ পরে তাহারা আপন ২ গর্দভের উপরে শস্য চাপাইয়া তথা-হইতে প্রস্থান করিল। ২৭ কিন্তু উত্তরণ স্থানে যখন এক জন আপন গর্দভকে আহাৰ দিতে ছালা খুলিল, তখন আপন টাকা দেখিল, কেননা ছালার মুখেই টাকা ছিল। ২৮ তাহাতে সে ভ্রাতাদিগকে কহিল, আমার টাকা ফিরিয়াছে; এই দেখ, তাহা আমার ছালাতে আছে। তাহাতে তাহাদের মন উদ্ভিন্ন হইল, ও সকলে ত্রাসযুক্ত হইয়া পরস্পর কহিল, ঈশ্বরের আমাদের প্রতি এ কি করিলেন?

২৯ পরে তাহারা কিনান্দেশে আপন পিতা যাকুবের নিকটে উপস্থিত হইলে আপনাদের প্রতি যাহা ২ ঘটয়াছিল, সে সমস্ত তাহাকে জ্ঞাত করিয়া কহিল, ৩০ সেই দেশাধ্যক্ষ আমাদের দেশানুসন্ধানকারি চার জ্ঞান করিয়া নিষ্ঠুর কথা কহিল। ৩১ তাহাতে আমরা তাহাকে কহিলাম, আমরা বিশ্বাস্য লোক, চার নহি; ৩২ আমরা দ্বাদশ ভ্রাতা, সকলেই এক পিতার সন্তান; আমাদের মধ্যে এক জন নাই, এবং কনিষ্ঠ অদ্যাপি কিনান্দেশে পিতার নিকটে আছে। ৩৩ তখন সে দেশাধ্যক্ষ আমাদের কহিল, ইহাতে আমি তোমাদিগকে বিশ্বাস্য লোক বুঝিতে পারি, তোমরা আপনাদের এক ভ্রাতাকে আমার নিকটে রাখিয়া আপনাদের গৃহের দুর্ভিক্ষের জন্যে শস্য লইয়া যাও। ৩৪ পরে যদি আপনাদের কনিষ্ঠ ভ্রাতাকে আমার নিকটে আন, তবে তোমরা বিশ্বাস্য লোক, চার নহ, তাহা বুঝিবা। তাহাতে আমি তোমাদের ভ্রাতাকে তোমাদের স্থানে দিব, এবং তোমরা এই দেশে বাণিজ্য করিতে পারিবা।

৩৫ পরে তাহার ছালাহইতে শস্য চালিলে প্রত্যেক জন আপন ২ ছালাতে আপন ২ টাকার গ্রহি পাইল। তখন সেই সকল টাকার গ্রহি দেখিয়া তাহারা ও তাহাদের পিতা ভীত হইল। ৩৬ তাহাতে তাহাদের পিতা যাকুব কহিল, তোমরা আমাকে পূজহীন করিতেছ; দেখ, যূষফ নাই, ও শিমিয়োন নাই, আর বার বিন্যামীনকেও লইয়া যাইতে চাহিতেছ; সকলই আমার বিরুদ্ধ হইতেছে। ৩৭ তাহাতে রুবেন্ আপন পিতাকে কহিল, আমি যদি তোমার নিকটে তাহাকে না আনি, তবে আমার দুই পুত্রকে বধ করিও; তুমি আমার হস্তে বিন্যামীনকে সমর্পণ কর; আমি তোমার স্থানে তাহাকে পুনর্বার আনিয়া দিব। ৩৮ তখন সে কহিল, আমার পুত্র তোমাদের সঙ্গে যাইবে না, কেননা তাহার সহোদরের মরণেতে সে একা জীবৎ আছে; তোমরা যে পথে যাইতেছ, তাহাতে যদি

ইহার কোন বিপদ ঘটে, তবে শৌকেতে এই পাঁচা চুলে আমাকে পরলোকে পাঠাইবা।

৪৩ অধ্যায়।

১ তখনও দেশে অতিশয় দুর্ভিক্ষ ছিল। ২ অতএব তাহারা মিসরহইতে যে শস্য আনিয়াছিল, সে সমস্ত ভক্ষিত হইলে তাহাদের পিতা তাহাদিগকে কহিল, তোমরা পুনর্বার ঘাইয়া আমাদের জন্যে কিছু শস্য ক্রয় কর। ৩ তাহাতে যিহূদা তাহাকে কহিল, সে অধ্যক্ষ দূঢ় প্রতিজ্ঞা করিয়া আমাদের দায়িত্বকে করিয়াছে, তোমাদের ভ্রাতা তোমাদের সঙ্গে না আইলে তোমরা আমার মুখ দর্শন করিতে পাইবা না। ৪ অতএব যদি তুমি আমাদের সঙ্গে ভ্রাতাকে পাঠাও, তবে আমরা ঘাইয়া তোমার জন্যে শস্য কিনিয়া আনিব। ৫ কিন্তু যদি না পাঠাও, তবে ঘাইব না; কেননা সে অধ্যক্ষ আমাদের দায়িত্বকে করিয়াছিল, তোমাদের ভ্রাতা তোমাদের সঙ্গে না থাকিলে তোমরা আমার মুখ দর্শন করিতে পাইবা না। ৬ তাহাতে ইস্রায়েল কহিল, তোমাদের আর এক ভ্রাতা আছে, ইহা ঐ মনুষ্যের কাছে করিয়া আমার প্রতি এমন কৃত্যবহার কেন করিলে? ৭ তাহারা কহিল, সে আমাদের বিষয়ে ও আমাদের জ্ঞাতিদের বিষয়ে সুকল্পরূপে জিজ্ঞাসিয়া কহিয়াছিল, তোমাদের পিতা কি অদ্যাবধি জীবৎ আছে? ও তোমাদের কি আরো ভ্রাতা আছে? তাহাতে আমরা উদ্ব্যক্যানুসারে উত্তর করিয়াছিলাম; তোমাদের ভ্রাতাকে এখানে আন, এমন কথা সে কহিবে, তাহা আমরা কি প্রকারে জানিব? ৮ যিহূদা আপন পিতা ইস্রায়েলকে আরও কহিল, আমার সঙ্গে ঐ বালককে পাঠাইয়া দেও; আমরা উচ্চিয়া প্রস্থান করি, তাহাতে বাঁচিব; নতুবা আমরা ও তুমি ও বালকেরা সকলেই মরিব। ৯ আমিই তাহার প্রতিভূ হইলাম, আমারই হস্তহইতে তাহাকে লইবা; আমি যদি তাহাকে আনিয়া তোমার সম্মুখে না রাখি, তবে আমি যাবজ্জীবন তোমার নিকটে অপরাধী থাকিব। ১০ এত বিলম্ব না করিলে আমরা ইহার মধ্যে দ্বিতীয় বার ফিরিয়া আসিতে পারিতাম। ১১ তখন তাহাদের পিতা ইস্রায়েল তাহাদিগকে কহিল, যদি এমত হয়, তবে এক কর্ম কর; তোমরা আপন ২ পাতে এই দেশোৎপন্ন প্রসিক্ত দ্রব্য অর্থাৎ গন্ধরুস ও ময়ূ ও মসলা ও গুণগুণ ও পেস্তা ও বাদাম কিঞ্চিৎ ২ লইয়া সেই অধ্যক্ষকে উপঢৌকন দেও। ১২ এবং আপন ২ হস্তে দ্বিগুণ টাকা লও, এবং তোমাদের ছালার মুখে যে টাকা ফিরিয়া আসিয়াছে, তাহাও হস্তে করিয়া লইয়া যাও; কি জানি, তাহাতে বা ভ্রান্তি হইয়াছিল। ১৩ এবং আপনাদের ভ্রাতাকে লইয়া উচ্চিয়া পুনর্বার সেই অধ্যক্ষের নিকটে যাও। ১৪ সর্বশক্তিমান ঈশ্বর তোমাদিগকে সেই অধ্যক্ষের কাছে এমত কৃপার পাত্র

করুন, যে সে তোমাদের অন্য ভ্রাতাকে ও বিন্যামীনেকে ছাড়িয়া দেয়; কিন্তু যদি আমাকে পূজহীন হইতে হয়, তবে পূজহীন হইলাম।

১৫ তখন তাহারা সেই উপঢৌকনদ্রব্য ও দ্বিগুণ টাকা ও বিন্যামীনেকে সঙ্গে লইয়া যাত্রা করিয়া মিসরে গিয়া যুবকের সম্মুখে দাঁড়াইল। ১৬ তখন যুবক তাহাদের সঙ্গে বিন্যামীনেকে দেখিয়া আপন গৃহাধ্যক্ষকে কহিল, এই মনুষ্যদিগকে আমার বাটীতে লইয়া যাও, এবং পশু মারিয়া খাদ্যদ্রব্য প্রস্তুত কর; ইহারা মধ্যাক্ষকালে আমার সঙ্গে ভোজন করিবে। ১৭ তাহাতে সে যুবকের আজ্ঞানুসারে তাহাদিগকে যুবকের বাটীতে লইয়া গেল। ১৮ কিন্তু যুবকের গৃহে নীত হওয়াতে তাহারা ভীত হইয়া পরস্পর কহিল, পূর্বে আমাদের ছালাতে যে টাকা ফিরিয়া গিয়াছিল, তাহারি জন্যে আমাদের দায়িত্বকে এখানে আনিতেছে; এখন আমাদের উপরে পড়িয়া আক্রমণ করিয়া আমাদের গর্দভও লইয়া আমাদের দায়িত্বকে ক্রীত দাসের ন্যায় রাখিবে। ১৯ অতএব তাহারা যুবকের গৃহাধ্যক্ষের কাছে গিয়া বাটীর প্রবেশস্থানে তাহার সঙ্গে কথোপকথন করিয়া ২০ কহিল, হে মহাশয়, আমরা পূর্বে শস্য কিনিতে আসিয়াছিলাম; ২১ পরে উত্তরিবার স্থানে গিয়া আপন ২ ছালা খুলিলে দেখিলাম, প্রত্যেক জনের পরিমিত টাকা ছালার মুখে আছে; তাহা আমরা হস্তে করিয়া পুনরায় আনিয়াছি, ২২ এবং শস্য কিনিবার নিমিত্তে আরও টাকা আনিয়াছি; কিন্তু সেই টাকা আমাদের ছালাতে কে রাখিয়াছিল, তাহা আমরা জানি না। ২৩ তাহাতে সেই গৃহাধ্যক্ষ কহিল, তোমাদের মঙ্গল হউক, ভয় করিও না; তোমাদের ঈশ্বর ও তোমাদের পৈতৃক ঈশ্বর তোমাদের ছালাতে তোমাদিগকে গুপ্ত ধন দিয়াছেন; আমি তোমাদের টাকা পাইয়াছি। পরে সে শিমিয়োনকে তাহাদের নিকটে আনিয়া ২৪ তাহাদিগকে যুবকের গৃহের ভিতরে লইয়া গিয়া পাদ প্রক্ষালনার্থে জল দিল, এবং তাহাদের গর্দভদিগকে আহর দিল।

২৫ অপর মধ্যাক্ষ যুবকের আগমন অপেক্ষা করিয়া তাহারা উপঢৌকন সাজাইল, কেননা এখানে আমাদের দায়িত্বকে ভোজন করিতে হইবে, এই কথা তাহারা শুনিয়াছিল। ২৬ পরে যুবক গৃহে আইলে তাহারা হস্তস্থিত উপঢৌকন গৃহমধ্যে তাহার কাছে আনিয়া ভূমিষ্ঠ হইয়া তাহাকে প্রণাম করিল। ২৭ তখন যুবক মঙ্গল জিজ্ঞাসা করিয়া তাহাদিগকে কহিল, তোমাদের যে বৃদ্ধ পিতার কথা কহিয়াছিল তাহার মঙ্গল? সে কি অদ্যাপি জীবৎ আছে? তাহারা কহিল, মঙ্গল; ২৮ আপনকার দাস আমাদের পিতা অদ্যাপি জীবৎ আছে। পরে তাহারা ভূমিষ্ঠ হইয়া প্রণাম করিল। ২৯ তখন যুবক চাহিয়া আপন সহোদর বিন্যামীনেকে দেখিয়া কহিল, তোমাদের যে কনিষ্ঠ ভ্রাতার কথা কহিয়া-

ছিল, সে কি এই? অপর সে কহিল, হে বৎস, ঈশ্বর তোমাকে অনুগ্রহ করুন। ১০ তখন যুষফের অস্ত্রকরণে স্নেহেতে গলিয়া যাওয়াতে সে রোদন করিবার স্থান অন্বেষণ করিয়া শীঘ্র আপনাদের কুঠরীতে প্রবেশ করিয়া সে স্থানে রোদন করিল। ১১ পরে মুখ প্রক্ষালন করিয়া বাহিরে আসিয়া ঐর্ষ্যাবলম্বন পূর্বক ভক্ষ্য পরিবেষণ করিতে আজ্ঞা করিল। ১২ তাহাতে ভ্রাতৃগণ যুষফের জন্যে ও তাহার ভ্রাতৃগণের জন্যে এবং তাহার সঙ্গে ভোজনকারি মিস্রীয়দের জন্যে পৃথক ২ পরিবেষণ করিল, কেননা ইতরীয়দের সহিত ভোজন করা মিস্রীয়দের ব্যবহার নাই; তাহা মিস্রীয়দের ঘৃণিত কর্ম। ১৩ এবং যুষফের সম্মুখে তাহাদের জ্যেষ্ঠ জ্যেষ্ঠের স্থানে ও কনিষ্ঠ কনিষ্ঠের স্থানে বসিল; তাহাতে তাহার পরস্পর আশ্চর্য্য জান করিল। ১৪ এবং সে আপনার সম্মুখ হইতে ভক্ষ্যের অংশ তুলিয়া তাহাদিগকে দিল, কিন্তু অন্য সকলের অংশ হইতে বিন্যামীনের অংশ পঞ্চগুণ অধিক ছিল; পরে তাহারা পান করিয়া তাহার সহিত আমোদ করিল।

৪৪ অধ্যায়।

১ অনন্তর যুষফ আপন গৃহাধ্যক্ষকে আজ্ঞা করিল, এই লোকদের ছালাতে যত শস্য ধরে, তত ভরিয়া দেও, এবং প্রতি জনের টাকা তাহার ছালার মুখে রাখ। ২ বিশেষতঃ কনিষ্ঠের ছালাতে তাহার শস্যক্রয়ের টাকার সহিত আমার বাটি অর্থাৎ রূপার বাটি রাখ। তাহাতে সে যুষফের উক্ত আজ্ঞানুসারে করিল। ৩ অপর প্রভাত হইবামাত্র তাহার গর্দভের সহিত বিদায় পাইল। ৪ নগর হইতে বহির্গত হইয়া বিস্তর দূরে না যাইতে যুষফ আপন গৃহাধ্যক্ষকে কহিল, তুমি উড়িয়া ঐ মনুষ্যদের পশ্চাৎ দৌড়িয়া গিয়া তাহাদিগকে ধরিয়া বল, তোমরা উপকারের পরিবর্তে কেন অপকার করিলা? ৫ আমার প্রভু যাহাতে পান করেন ও যাহার দ্বারা গণনা করেন, এ কি সেই বাটি নয়? এই কর্মদ্বারা তোমরা দোষ করিয়াছ।

৬ পরে সে তাহাদিগকে ধরিয়া ঐ রূপ বাক্য কহিলে ৭ তাহারা উত্তর করিল, আমার প্রভু কেন এমন কথা বলেন? তোমার দাসদের এমত কর্ম করা দূরে থাকুক। ৮ দেখ, আমরা আপন ২ ছালার মুখে যে টাকা পাইয়াছিলাম, তাহা কিনান্দে দেশ হইতে পুনর্বার তোমার কাছে আনিয়াছি; তবে আমরা কোন মতে কি তোমার প্রভুর গৃহ হইতে স্বর্ণ কি রূপা চুরি করিব? ৯ তোমার দাসদের মধ্যে যাহার নিকটে তাহা পাওয়া যায়, সে মরুক, এবং আমরাও প্রভুর দাস হইব। ১০ তাহাতে সে কহিল, ভাল, তোমাদের কথানুসারেই হউক; যাহার কাছে তাহা পাওয়া যাইবে, সে

আমার দাস হইবে, কিন্তু অন্যরা নির্দোষ হইবে। ১১ তখন তাহারা তৎক্ষণাৎ ভূমিতে আপন ২ ছালা নামাইয়া প্রত্যেকে আপন ২ ছালা খুলিলে সে জ্যেষ্ঠাবধি আরম্ভ করিয়া কনিষ্ঠ পর্যন্ত খুঁজিল; ১২ তাহাতে বিন্যামীনের ছালাতে সেই বাটি পাওয়া গেল। ১৩ তখন তাহারা আপন ২ বস্ত্র চিরিয়া আপন ২ গর্দভে ছালা চাপাইয়া নগরে ফিরিয়া গেল।

১৪ অপর যিহূদা ও তাহার ভ্রাতৃগণ যুষফের গৃহে প্রবেশ করিল; এবং সে তদবধি ঘরে থাকিতে তাহার অগ্রে ভূমিতে দণ্ডবৎ হইল। ১৫ তখন যুষফ তাহাদিগকে কহিল, তোমরা এ কেমন কার্য করিলা? এমন পুরুষ যে আমি, আমি অবশ্য গণনা করিতে পারি, ইহা কি তোমরা জান না? ১৬ তাহাতে যিহূদা কহিল, আমরা প্রভুর নিকটে কি উত্তর দিব? ও কি কথা কহিব? ও কিসে বা আপনাদের দোষ প্রক্ষালন করিব? ঈশ্বর আপনকার দাসদের অপরাধ প্রকাশ করিয়াছেন; দেখুন, আমরা ও যাহার কাছে বাটি পাওয়া গিয়াছে, সকলেই প্রভুর দাস হইলাম। ১৭ তাহাতে যুষফ কহিল, এমন কর্ম আমা হইতে না হউক; যাহার কাছে বাটি পাওয়া গিয়াছে, সেই আমার দাস হইবে, কিন্তু তোমরা কুশলে পিতার নিকটে প্রস্থান কর।

১৮ তাহাতে যিহূদা নিকটে গিয়া কহিল, হে প্রভো, আপনি ফিরোণের তুল্য; এই দাসের প্রতি যদি ক্রোধ প্রজ্বলিত না হয়, তবে প্রভুর কর্নগোচরে কিছু নিবেদন করি। ১৯ তোমাদের পিতা বা ভ্রাতা আছে? ইহা প্রভু এই দাসদিগকে জিজ্ঞাসা করিয়াছিলেন; ২০ তাহাতে আমরা প্রভুকে উত্তর করিয়াছিলাম, আমাদের বৃদ্ধ পিতা আছে, এবং তাহার বৃদ্ধাবস্থার এক কনিষ্ঠ পুত্র আছে; তাহার সহোদর মরিয়াছে; সেই মাত্র তাহার মাতার অবশিষ্ট পুত্র; এই জন্যে পিতা তাহাকে স্নেহ করেন। ২১ পরে আপনি এই দাসদিগকে কহিয়াছিলেন, তোমরা আমার কাছে তাহাকে আন, আমি তাহার প্রতি দৃষ্টিপাত করিব। ২২ তখন আমরা প্রভুকে কহিয়াছিলাম, সে বালক পিতাকে ত্যাগ করিতে পারিবে না, কেননা সে পিতাকে ছাড়িয়া আইলে পিতা মরিবে। ২৩ তাহাতে আপনি এই দাসদিগকে কহিয়াছিলেন, সেই কনিষ্ঠ ভ্রাতা তোমাদের সঙ্গে না আইলে তোমরা আর আমার মুখ দর্শন পাইবা না। ২৪ অপর আমরা আপনকার দাস আমাদের পিতার নিকটে উপস্থিত হইয়া তাহাকে প্রভুর এই সকল কথা কহিলাম। ২৫ পরে আমাদের পিতা কহিল, তোমরা পুনর্বার গিয়া আমাদের জন্যে কিছু শস্য ক্রয় কর। ২৬ তাহাতে আমরা কহিলাম, যাইতে পারিব না; যদি কনিষ্ঠ ভ্রাতা আমাদের সঙ্গে থাকে, তবে যাই; কেননা কনিষ্ঠ ভ্রাতা সঙ্গে না থাকিলে আমরা

সেই অধ্যক্ষের মুখদর্শনও পাইতে পারিব না। ২৭ তাহাতে আপনকার দাম আমার পিতা কহিল, আমার সেই ভাৰ্য্যাইহতে দুইমাত্র সম্ভান হয়, তাহা তোমরা জান। ২৮ তাহার এক জনহইতে আমার বিচ্ছেদ হওয়াতে আমি কহিলাম, সে খণ্ড ২ হইয়া ছিন্ন হইয়াছে, এবং তদবধি আমি তাহাকে আর দেখিতে পাই নাই। ২৯ এখন আমার নিকটহইতে ইহাকে লইয়া গেলে যদি ইহাকেও কোন বিপদ ঘটে, তবে তোমরা শোকেতে এই পাকা চুলে আমাকে পরলোকে পাঠাইবা। ৩০ অতএব আপনকার দাম যে আমার পিতা, তাহার কাছে উপস্থিত হইলে আমাদের সম্মে যদি এই বালক না থাকে, ৩১ তবে সে এই বালককে না দেখিলে তৎক্ষণাৎ মরিবে; কেননা ইহার প্রাণেতে তাহার প্রাণ বাঁধা আছে; তাহাতে আপনকার দামেরা শোকেতে পাকা চুলে আপনকার দাম সেই আমাদের পিতাকে পরলোকে পাঠাইবে। ৩২ অধিকন্তু আপনকার দাম আমি পিতার নিকটে এই বালকের প্রতিভু হইয়া কহিয়াছি, আমি যদি তাহাকে তোমার নিকটে না আনি, তবে যাবজ্জীবন পিতার কাছে অপরাধী থাকিব। ৩৩ অতএব বিবেদন করি, প্রভুর নিকটে এই বালকের পরিবর্তে আমি দাম হইয়া থাকি, কিন্তু এই বালককে আপনি ভ্রাতাদের সহিত বিদায় করুন। ৩৪ কেননা এই বালক আমার সহিত না থাকিলে আমি কি প্রকারে পিতার নিকটে যাইতে পারি? গেলে পিতাকে যে আপদ ঘটিবে, তাহা বা কি প্রকারে দেখিতে পারি?

৪৫ অধ্যায়।

১ পরে যুষফ নিকটস্থ লোকদের সাক্ষাতে ঐর্ষ্যা-বলঘন করিতে অসমর্থ হইয়া কহিল, আমার সম্মুখহইতে প্রত্যেক মনুষ্যকে বাহির কর। তাহাতে অন্য কেহ উপস্থিত না থাকিলে যুষফ ভ্রাতাদের সাক্ষাতে আপন পরিচয় দিতে লাগিল। ২ সে উচ্চৈশ্বরে এমত রোদন করিল, যে মিস্রীয়েরা ও ফিরোণের গৃহস্থিত লোকেরা তাহা শুনিতে পাইল। ৩ যুষফ আপন ভ্রাতৃগণকে কহিল, আমি যুষফ, আমার পিতা কি অদ্যাপি জীবৎ আছেন? কিন্তু তাহার ভ্রাতৃগণ তাহার সাক্ষাতে কঁক হওয়াতে উত্তর করিতে পারিল না। ৪ পরে যুষফ আপন ভ্রাতৃগণকে কহিল, বিনয় করি, আমার নিকটে আইস; তাহাতে তাহারা নিকটে গেলে যুষফ কহিল, তোমরা যাহাকে মিসরগামিদের কাছে বিক্রয় করিয়াছিল, তোমাদের সেই যুষফ ভ্রাতা আমি। ৫ কিন্তু তোমরা আমাকে এই স্থানে বিক্রয় করিয়াছ, ইহার জন্যে এখন মনস্তাপিত ও আপনাদের প্রতি বিরক্ত হইও না; কেননা প্রাণরক্ষার্থে ঈশ্বর তোমাদের অগ্রে আমাকে পাঠাইয়াছেন। ৬ দেখ, দুই বৎসরব্যধি দেশে দুর্ভিক্ষ হইয়াছে; আরো

পাঁচ বৎসর পর্যন্ত চাম ও শস্যচ্ছেদন হইবে না। ৭ অতএব ঈশ্বর পৃথিবীতে তোমাদের বংশ-রক্ষা করিতে ও মহাপেকারদ্বারা তোমাদিগকে প্রাণে বাঁচাইতে তোমাদের অগ্রে আমাকে পাঠাইয়াছেন। ৮ তোমরা আমাকে এই স্থানে পাঠাইয়াছ তাহা নয়, ঈশ্বর পাঠাইয়াছেন, এবং আমাকে ফিরোণের পিতা ও তাহার বাটীর প্রভু ও সমস্ত দেশের শাসনকর্তা করিয়াছেন। ৯ অতএব তোমরা পিতার নিকটে শীঘ্র যাইয়া তাহাকে কহ, তোমার পুত্র যুষফ এই রূপ কহিল, ঈশ্বর আমাকে সমস্ত মিসরদেশের প্রভু করিয়াছেন; তুমি আমার নিকটে আইস, বিলম্ব করিও না। ১০ তুমি পুত্র পৌত্রাদির ও গোমেষাদি সর্বস্বের সহিত গোশশ্ন প্রদেশে বাস করিবা; তাহাতে আমার নিকটবর্তী হইবা। ১১ সে স্থানে আমি তোমাকে প্রতিপালন করিব, নতুবা যে পাঁচ বৎসর দুর্ভিক্ষ থাকিবে, তাহাতে তোমার ও তোমার পরিবারাদি সকলের দৈন্যদশা ঘটিবে। ১২ দেখ, আমি নিজ মুখে তোমাদিগকে বলিতেছি, ইহা তোমরা ও আমার সহোদর বিনাম্যাম চাক্ষুষ দেখিতেছ। ১৩ অতএব তোমরা এই মিসরদেশে আমার ঐর্ষ্য প্রভৃতি যাহা ২ দেখিতেছ, সে সকল আমার পিতাকে জ্ঞাত করিয়া তাহাকে শীঘ্র এই স্থানে আন। ১৪ পরে যুষফ আপন সহোদর বিনাম্যামের গলা ধরিয়া রোদন করিল, এবং বিনাম্যাম ও তাহার গলা ধরিয়া রোদন করিল। ১৫ এবং যুষফ অন্য ভ্রাতাদিগকেও চুষন করিয়া তাহাদের গলা ধরিয়া রোদন করিল; তদনন্তর তাহার ভ্রাতৃগণ তাহার সহিত আলাপ করিতে লাগিল।

১৬ অপর যুষফের ভ্রাতৃগণ আসিয়াছে, এই জনরব ফিরোণের বাটীতে ব্যাপ্ত হইলে ফিরোণ ও তাহার ভৃত্যগণ সকলে তুচ্ছ হইল। ১৭ এবং ফিরোণ যুষফকে কহিল, তুমি আপন ভ্রাতাদিগকে কহ, তোমরা এই কর্ম কর; আপন ২ পশুগণে ছালা মিটাইয়া কিনানুদেশে গিয়া ১৮ পিতাকে ও আপন ২ পরিবারকে আমার নিকটে লইয়া আইস; আমি তোমাদিগকে মিসরদেশের উত্তম স্থান দিয়া দেশের উত্তম দ্রব্য ভোজন করাইব। ১৯ এখন আমার আজ্ঞানুসারে এই কর্ম কর, তোমরা আপনাদের বালক ও স্ত্রীলোকদের নিমিত্তে মিসরহইতে শকট লইয়া গিয়া তাহাদিগকে ও আপনাদের পিতাকে লইয়া আইস। ২০ আপন ২ দ্রব্য সামগ্রীর মমতা করিও না, সমুদয় মিসরদেশের উত্তম ২ দ্রব্য তোমাদের আছে। ২১ তাহাতে ইস্রায়েলের পুত্রগণ সম্মত হইলে যুষফ ফিরোণের আজ্ঞানুসারে তাহাদিগকে শকট ও পাথের দ্রব্য ২২ এবং প্রত্যেক জনকে এক ২ ষোড়া বস্ত্র দিল, কিন্তু বিনাম্যামকে তিন শত রৌপ্যযুজ্ঞা ও পাচ ষোড়া বস্ত্র দিল। ২৩ এবং পিতার জন্যে মিসরের উত্তম ২ দ্রব্যেতে ভারাক্রান্ত

দশ গর্দভ এবং পিতার পাঁথেরের জন্যে শস্য ও রুটী প্রভৃতি ভক্ষ্যদ্রব্যেতে ভারাক্রান্ত দশ গর্দভী পাঠাইল। ২৪ এই রূপে যুষফ্ আপন জাতিদিগকে বিদায় করিয়া প্রশ্ৰুতকালে তাহাদিগকে কহিল, মাৰধান, পথে বিবাদ করিও না।

২৫ অনন্তর তাহারা মিসরহইতে যাত্রা করণ পূর্বক কিনানদেশে আপন পিতা যাকুবের নিকটে উপস্থিত হইয়া ২৬ তাহাকে কহিল, যুষফ্ অদ্যাবধি জীবৎ আছে, এবং সমস্ত মিসরদেশের কর্তৃত্ব সে করিতেছে। তথাপি যাকুবের হৃদয় জড়ীভূত থাকিল, কারণ তাহাদের কথাতে তাহার বিশ্বাস জন্মিল না। ২৭ কিন্তু যুষফ্ তাহাদিগকে যে ২ কথা কহিয়াছিল, সে সকল যখন তাহার তাহাকে কহিল, এবং তাহাকে লইয়া যাইবার নিমিত্তে যুষফ্ যে ২ শকট পাঠাইয়াছিল তাহাও যখন সে দেখিল, তখন তাহাদের পিতা যাকুবের মন পুনর্জীবিত হইতে লাগিল। ২৮ শেষে ইস্রায়েল্ কহিল, আমার পুত্র যুষফ্ অদ্যাবধি জীবৎ আছে, এই যথেষ্ট; আমি গিয়া মরণের পূর্বে তাহাকে দেখিব।

৪ ৬ অধ্যায়।

১ অনন্তর ইস্রায়েল্ আপন সকল লোকের সহিত যাত্রা করণ পূর্বক বেরশেবাতে উত্তরিয়া তথায় আপন পিতা ইস্রাহাকের ঈশ্বরের উদ্দেশে বলিদান করিল। ২ পরে ঈশ্বর রাত্রিতে ইস্রায়েলকে দর্শন দিয়া কহিলেন, হে যাকুব ২; তাহাতে সে উত্তর করিল, এই আমি উপস্থিত আছি। ৩ তখন তিনি কহিলেন, আমি ঈশ্বর, তোমার পিতার ঈশ্বর; তুমি মিসরে যাইতে ভয় করিও না; কেননা আমি সেই স্থানে তোমাকে বৃহৎ জাতি করিব। ৪ আমিই তোমার সঙ্গে মিসরে যাইব; এবং আমিই উদ্ধারহইতে তোমাকে প্রত্যাগমনও করাইব, এবং যুষফ্ আপন হস্তে তোমার চক্ষু নিমালন করিবে।

৫ পরে যাকুব বেরশেবাহইতে যাত্রা করিলে ইস্রায়েলের বহনার্থে ফিরোণের প্রেরিত শকটে তাহার পুত্রগণ আপনাদের পিতা যাকুবকে এবং বালক ও স্ত্রীগণকে লইয়া গেল। ৬ পরে তাহার অর্থাৎ যাকুব ও তাহার ভাবৎ বংশ আপনাদের পশুগণ ও কিনানদেশে উপার্জিত সকল সম্পত্তি লইয়া মিসরদেশে উত্তরিল। ৭ এই রূপে যাকুব আপন পুত্র কন্যা পৌত্র পৌত্রী প্রভৃতি সমস্ত বংশকে মিসরদেশে লইয়া গেল।

৮ মিসরে আগত ইস্রায়েল্ বংশের অর্থাৎ যাকুব ও তাহার সন্তানদের নাম। যাকুবের স্ত্রী পুত্র রূবেন্।

৯ রূবেণের পুত্র হনোক্ ও পল্লু ও হিব্রোন্ ও কর্মি।

১০ শিমিয়োনের পুত্র যিগুয়েল্ ও যামীন্ ও

ওহদ্ ও যাহীন্ ও মোহর্ ও তাহার কিনানীয়া স্ত্রীজাত পুত্র শৌল।

১১ লেবির পুত্র গের্শোন্ ও কিহাৎ ও মিরারি।

১২ যিহূদার পুত্র এর্ ও ওমন ও শেলা ও পেরস্ ও সেরহ। কিন্তু এর্ ও ওমন কিনানদেশে মরিয়াছিল। এবং পেরসের পুত্র হিব্রোন্ ও হামুল।

১৩ ইমথরের পুত্র তোলায়্ ও পূয় ও যোব ও শিমোন্।

১৪ সিবুলনের পুত্র সেরদ্ ও এলোন্ ও যহলেল্। ১৫ ইহার এবং দীণা কন্যা পদ্মন্-অরামে যাকুবহইতে জাত লেয়ার বংশ। ইহার পুত্র কন্যাতে তেত্রিশ জন ছিল।

১৬ গাদের পুত্র সিমোন্ ও হগি ও শূনী ও ইযবোন্ ও এরি ও অরোদী ও অরেলী।

১৭ আশেরের পুত্র যিফা ও যিশ্বা ও যিশ্বি ও বিরিয় ও তাহাদের ভগিনী সেরহ। এবং বিরিয়ের পুত্র হেবর্ ও মল্কোয়েল্। ১৮ লাবন্ আপন কন্যা লেয়াকে যে সিন্‌পো নাম্নী দাসীকে দিয়াছিল, তাহারি গর্ভে যাকুবের গুরসজাত এই ষোল প্রাণী।

১৯ যাকুবের ডার্ব্যা রাহেলের পুত্র যুষফ্ ও বিন্যামীন্। ২০ মিসরদেশস্থ ওন্ নগরের পৌত্রী ফেরঃ যাজকের আশিনৎ নাম্নী কন্যার গর্ভে সেই যুষফের গুরসে মিনশি ও ইফুরিম্ জন্মিয়াছিল।

২১ বিন্যামীনের পুত্র বেলা ও বেথর ও অসবেল্ ও গেরা ও নামন্ ও এহী ও রোশ্ ও মুপ্পীম্ ও ছপ্পীম্ ও অর্দ। ২২ এই চৌদ্দ জন যাকুবের গুরসজাত রাহেলের বংশ।

২৩ দানের পুত্র হূশীম্।

২৪ নণ্ডালির পুত্র যহসিয়েল্ ও গুনি ও যেৎসর্ ও শিলেম্। ২৫ লাবন্ আপন কন্যা রাহেলকে যে বিলহা নাম্নী দাসীকে দিয়াছিল, তাহারি গর্ভে যাকুবের গুরসজাত এই মণ্ড জন।

২৬ পুত্রবধু ব্যতিরেকে যাকুবের গুরসজাত সন্তান ছেষাউ জন তাহার সহিত মিসরদেশে গমন করিল। ২৭ মিসরে যুষফের যে দুই পুত্র জন্মিয়াছিল, তাহাদের সহিত মিসরে গত যাকুবের বংশ মর্দশ্চন্দ্র সত্তরি জন ছিল।

২৮ পরে গোশন্প্রদেশে সাক্ষাৎ হওনার্থে যুষফকে আনিবার নিমিত্তে যাকুব তাহার নিকটে আপন অগ্রে যিহূদাকে পাঠাইল; তাহাতে তাহারি গোশন্ প্রদেশে উত্তরিলে ২৯ যুষফ্ আপন রথ সাজাইয়া গোশন্ প্রদেশে আপন পিতা ইস্রায়েলের সহিত সাক্ষাৎ করিতে গেল; পরে তাহার নিকটে উপস্থিত হইলে তাহার পিতা তাহার গলা ধরিয়া অনেক ক্ষণ রোদন করিল। ৩০ তখন ইস্রায়েল্ যুষফকে কহিল, এখন স্ৰচ্ছন্দে মরিব, কেননা তোমার মুখ দেখিয়া জানিলাম, তুমি অদ্যাপি জীবৎ আছ। ৩১ পরে যুষফ্ আপন

ভ্রাতাদিগকে ও পিতার পরিবারকে কহিল, আমি গিয়া ফিরোনকে সমাচার দিয়া কহিব, আমার ভ্রাতৃগণ ও পিতার সমস্ত পরিবার কিনান্দে- হইতে আমার নিকটে আসিয়াছে। ৩২ তাহারা পশুপালক ও পশুব্যবসায়ী, এ কারণ আপনাদের গোমেবাদি পাল প্রভৃতি সর্ব্বই আনিয়াছে। ৩৩ তাহাতে ফিরোন ভোমাদিগকে ডাকিয়া, তোমাদের কি ব্যবসায়? এ কথা যখন জিজ্ঞাসা করিবে, তখন তোমরা কহিবা, ৩৪ আপনকার এই দাসগণ বালা- বধি অদ্য পর্য্যন্ত পিতৃপুরুষানুক্রমে পশুব্যবসায়ী, তাহাতে তোমরা গোশন প্রদেশে বাস করিতে পাইবা; কেননা পশুপালক সকল মিস্রীয়দের কাছে ঘৃণাস্পদ আছে।

৪৭ অধ্যায়।

১ পরে যুষফ্ গিয়া ফিরোনকে সমাচার দিয়া কহিল, আমার পিতা ও ভ্রাতৃগণ কিনান্দে-হইতে আপন গোমেবাদির পাল প্রভৃতি সর্ব্বই লইয়া আসিয়াছে; এখন তাহারা গোশন প্রদেশে আছে। ২ এবং যুষফ্ আপন ভ্রাতৃগণের মধ্যে পাঁচ জনকে লইয়া ফিরোনের সহিত সাক্ষাৎ করাইলে ও ফিরোন তাহার সেই ভ্রাতাদিগকে জিজ্ঞাসা করিল, তোমাদের ব্যবসায় কি? তাহাতে তাহারা ফিরোনকে কহিল, আপনকার এই দাসগণ পিতৃপুরুষানুক্রমে পশুপালক। ৩ তাহারা ফিরোনকে আরো কহিল, আমরা এই দেশে প্রবাস করিতে আসিয়াছি, কেননা কিনান্দে-হইতে অতি ভারি দুর্ভিক্ষ হইয়াছে, তাহাতে আপনকার এই দাসদের পশু-পালের চরাণী হয় না; অতএব নিবেদন করি, আপনকার এই দাসদিগকে গোশন প্রদেশে বাস করিতে দিউন। ৪ তাহাতে ফিরোন যুষফকে আজ্ঞা করিল, তোমার পিতা ও ভ্রাতৃগণ তোমার কাছে আসিয়াছে; ৫ দেখ, মিসরদেশ তোমার সম্মুখে আছে; দেশের উত্তম স্থানে আপন পিতা ও ভ্রাতৃগণকে বাস করও; তাহারা গোশনপ্রদেশে বাস করুক; এবং তাহাদের মধ্যে যাহাকে ২ নিপুণ লোক বেধ হয়, তাহাদিগকে আমার পশুপালের অধ্যক্ষপদে নিযুক্ত কর। ৬ পরে যুষফ্ আপন পিতা যাকুবকে আনাইয়া ফিরোনের সহিত সাক্ষাৎ করাইল; তাহাতে যাকুব ফিরোনকে আশীর্বাদ করিল। ৭ তখন ফিরোন যাকুবকে জিজ্ঞাসিল, কত বৎসর তোমার বয়স হইয়াছে? ৮ যাকুব ফিরোনকে কহিল, আমার প্রবাসকালের এক শত ত্রিশ বৎসর হইয়াছে; আমার আয়ুর দিন অস্পষ্ট ও ক্লেশজনক; আমার পূর্বপুরুষদের প্রবাসকালের আয়ুর তুল্য নয়। ৯ পরে যাকুব ফিরোনকে আশীর্বাদ করিয়া তাহার সাক্ষাৎ হইতে বিদায় হইল। ১০ তখন যুষফ্ ফিরোনের আজ্ঞানুসারে মিসরদেশের উত্তম অঞ্চলে অর্থাৎ রামিসেব নামক প্রদেশে অধিকার দিয়া আপন পিতাকে ও ভ্রাতৃ-

গণকে বসতি করাইল। ১১ এবং যুষফ্ আপন পিতাকে ও ভ্রাতৃগণ প্রভৃতি সমস্ত পিতৃপরিজনকে প্রত্যেকের পরিবারানুসারে ভক্ষ্য দ্রব্য দিয়া প্রতিপালন করিল।

১২ ৩৩ কালে সর্ব্বদেশে অতি ভারি দুর্ভিক্ষ হওয়াতে খাদ্য বস্তুর এমত অভাব হইল, যে মিসরদেশীয় ও কিনানীয় লোকেরা দুর্ভিক্ষ প্রযুক্ত যুচ্ছাগতপ্রায় হইতে লাগিল। ১৩ অপর লোকেরা যুষফের নিকটে যে শস্য ক্রয় করিল, তাহার মূল্যার্থে যুষফ্ মিসরদেশ ও কিনানদেশের তাবৎ রৌপ্য সংগ্রহ করিয়া ফিরোনের ভাণ্ডারে আনিল। ১৪ এই রূপে মিসরদেশে ও কিনানদেশে রূপার অভাব হইলে মিস্রীয় লোকেরা যুষফের নিকটে আসিয়া কহিল, আমাদের রূপার শেষ হওয়াতে আমরা কি তোমার সম্মুখে মরিব? ১৫ তাহাতে যুষফ্ কহিল, তোমাদের পশু দেও; যদি রূপার শেষ হইয়া থাকে, তবে পশুর পরিবর্তে তোমাদিগকে শস্য দিব। ১৬ তখন তাহারা যুষফের কাছে আপন ২ পশু আনিলে যুষফ্ অশ্ব ও মেঘপাল ও গোপাল ও গর্দভাদি পরিবর্তে লইয়া তাহাদিগকে শস্য দিতে লাগিল; এই রূপে যুষফ্ তাহাদের সমস্ত পশু লইয়া সেই বৎসর তাহাদিগকে খাদ্য দিল। ১৭ এবং সপ্তম বৎসর পূর্ণ হইলে দ্বিতীয় বৎসরে তাহারা যুষফের নিকটে আসিয়া কহিল, আমরা প্রভু হইতে কিছু গোপন করিব না; আমাদের তাবৎ রৌপ্য শেষ হইয়াছে, এবং পশুখনও প্রভুরই হইয়াছে; এখন আমাদের শরীর ও ভূমি ব্যতিরেকে প্রভুর সাক্ষাতে আর কিছুই নাই। ১৮ কিন্তু আমরা আপন ২ ভূমির সহিত তোমার গোচরে কেন বিনষ্ট হইব? ভূমি বরণ খাদ্য শস্য দিয়া আমাদের গোচরে তাবৎ ভূমি ক্রয় করিয়া লও, আমরা আপন ২ ভূমির সহিত ফিরোনের দাস হইব; পরে আমাদের বীজ দেও; তাহাতে বাচিব; নতুবা আমরা মরিব, এবং ভূমিও নষ্ট হইবে। ১৯ এই রূপে দুর্ভিক্ষ তাহাদের অতি অসম্ব হইলে মিস্রীয় প্রত্যেকে আপন ২ ভূমি বিক্রয় করিল। তাহাতে যুষফ্ ফিরোনের নিমিত্তে মিসরদেশীয় তাবৎ ভূমি ক্রয় করিল; অতএব সকল ভূমিতে ফিরোনের অধিকার হইল। ২০ তাহাতে সে মিসরের এক সীমা অবধি অন্য সীমা পর্য্যন্ত প্রজাদিগকে নগরে ২ প্রবাস করাইল। ২১ কেবল যাজকদের ভূমি ক্রয় করিল না, কারণ ফিরোন যাজকদিগকে বৃত্তি দিত, অতএব ফিরোনের দত্ত বৃত্তিদ্বারা তাহাদের নিরীহ হওয়াতে তাহারা আপন ২ ভূমি বিক্রয় করিল না।

২২ পরে যুষফ্ প্রজাগণকে কহিল, দেখ, আমি ফিরোনের নিমিত্তে তোমাদিগকে ও তোমাদের ভূমি সকল ক্রয় করিলাম। ২৩ এখন এই বীজ

লইয়া ভূমিতে বপন কর; তাহাতে বাহা ২ উৎপন্ন হইবে, তাহার পঞ্চমাংশ ফিরোণকে দিবা, অন্য চারি অংশ ভূমির বীজ ও আপনাদের ও পরিজনদের ও বালকগণের খাদ্যের নিমিত্তে তোমাদেরই থাকিবে। ২৫ তাহাতে তাহার কহিল, আপনি আমাদের প্রাণ রক্ষা করিলেন; আপনকার কুপাদৃষ্টি হইলে আমরা ফিরোণের দাস হইব। ২৬ তাবৎ ভূমির পঞ্চমাংশ ফিরোন্ পা-ইবে, যুষফের স্থাপিত এই ব্যবস্থা সমস্ত মিসরদেশে অদ্যাবধি চলিতেছে। কেবল যাজকদের ভূমিতে ফিরোণের অধিকার হয় নাই।

২৭ অপর ইস্রায়েল মিসরদেশের গোশান অঞ্চলে বাস করিল, এবং তথায় অধিকার পাইয়া ক্রমে ২ বর্ষিক্রম ও অতি বৃহদগোষ্ঠী হইল। ২৮ মিসরদেশে যাকুব সতেরো বৎসর পর্যন্ত জীবৎ থাকিল; তাহাতে তাহার আয়ুর পরিমাণ এক শত সাতচল্লিশ বৎসর হইল। ২৯ পরে ইস্রায়েল আপন মরণদিন নিকটস্থ জানিয়া আপন পুত্র যুষফকে ডাকাইয়া কহিল, আমি যদি তোমার সাক্ষাতে অনুগৃহীত হইলাম, তবে বিনয় করি, তুমি আমার জংঘাতে হস্ত দিয়া আমার প্রতি দয়া ও বিশ্বস্ততা প্রকাশ কর, অর্থাৎ এই মিসরদেশে আমাকে কবর দিও না। ৩০ আমি আপন পূর্বপুরুষদের নিকটে কবরশায়ী হইতে চাহি; অতএব তুমি আমাকে এই মিসরহইতে লইয়া গিয়া তাহাদের কবরস্থানে শয়ন করাইবা। তাহাতে যুষফ কহিল, তোমার আজ্ঞানুসারেই করিব। ৩১ তথাপি যাকুব যুষফকে দিয়া করিতে কহিলে যুষফ তাহার নিকটে দিব্য করিল। তখন ইস্রায়েল শয্যার শিয়রের দিগে প্রণাম করিল।

৪৮ অধ্যায়।

১ ঐ সকল ঘটনা হইলে পর, দেখ, তোমার পিতা পীড়িত আছে, এই সংবাদ কেহ যুষফকে কহিলে, সে আপনাদে দুই পুত্র মিনশি ও ইফ্রিমকে সঙ্গে লইয়া গেল। ২ তখন কেহ যাকুবকে কহিল, দেখ, তোমার পুত্র যুষফ আইল; তাহাতে ইস্রায়েল আপনাকে সবল করিয়া শয্যায় উঠিয়া বসিল, ৩ এবং যুষফকে কহিল, কিনানদেশের লুসনগরে সর্বেশক্রিয়মান ঈশ্বর আমাকে দর্শন দিয়া আশীর্বাদ করিয়া ৪ ইহা কহিয়াছিলেন, দেখ, আমি তোমাকে ফলবন্ত ও বহুগোষ্ঠীক করিব, ও তোমাহইতে লোকসমূহ উৎপন্ন করিব, এবং তোমার ভাবিবংশকে চিরস্থায়ি অধিকারার্থে এই দেশ দিবা। ৫ অতএব মিসরে আমার আগমনের পূর্বে তোমার যে দুই পুত্র মিসরদেশে জন্মিয়াছিল, তাহারা আমার হইবে, অর্থাৎ রুবেন্ ও শিমিয়োনের ন্যায় ইফ্রিম ও মিনশি আমারি হইবে; ৬ কিন্তু ইহাদের পরে জাত তোমার যে ২ মণ্ডান, তাহারা তোমার হইবে, এবং জ্যেষ্ঠ ভ্রাতা-

দের নামে আপন ২ অধিকারে বিখ্যাত হইবে। ৭ কেননা পদন্দু-অরামহইতে আগমন সময়ে আমি কিনানদেশের ইফ্রাখহইতে কিঞ্চৎ দূরে থাকিতে রাহেল পথেই আমার নিকটে মরিল; তাহাতে আমি তথায় ইফ্রাখর অর্থাৎ বৈৎলেহমের পথের পার্শ্বে তাহার কবর দিলাম।

৮ পরে ইস্রায়েল যুষফের পুত্রদিগকে দেখিয়া জিজ্ঞাসিল, ইহারা কে? ৯ তাহাতে যুষফ পিতাকে কহিল, ইহারা এই দেশে ঈশ্বরকর্তৃক দত্ত আমার পুত্র। তখন ইস্রায়েল কহিল, বিনয় করি, ইহাদিগকে আমার কাছ আন, আমি ইহাদিগকে আশীর্বাদ করিব। ১০ কিন্তু ইস্রায়েল বাল্কা প্রযুক্ত ক্ষাণদৃষ্টি হওয়াতে মুস্পষ্ট দেখিতে পাইল না, অতএব তাহাদিগকে নিকটে আনিলে সে তাহাদিগকে চুম্বন ও আলিঙ্গন করিল। ১১ এবং ইস্রায়েল যুষফকে কহিল, আমি তোমার মুখ আর দেখিতে পাইব না, ইহা ভাবিয়াছিলাম; কিন্তু দেখ, ঈশ্বর আমাকে তোমার বংশও দেখাইলেন। ১২ তখন যুষফ জানুদ্বয়ের মধ্যহইতে তাহাদিগকে লইয়া ভূমিষ্ঠ হইয়া প্রণাম করিল। ১৩ পরে যুষফ দুই জনকে পিতার নিকটে লইয়া আপন দক্ষিণ হস্তদ্বারা ইস্রায়েলের বামদিগে ইফ্রিমকে, ও বাম হস্তদ্বারা ইস্রায়েলের দক্ষিণদিগে মিনশিকে ধরিয়া উপস্থিত করিল। ১৪ তাহাতে ইস্রায়েল দক্ষিণ হস্ত বাড়াইয়া কনিষ্ঠ ইফ্রিমের মস্তকোপরি দিল, এবং জ্যেষ্ঠ মিনশির মস্তকোপরি বাম হস্ত দিল। ১৫ তাহার স্বেচ্ছাকৃত বাহুচালন; নতুবা মিনশি প্রথমজাত ছিল।

১৬ পরে সে যুষফকে আশীর্বাদ করিয়া কহিল, আমার পূর্বপুরুষ ইব্রাহীম ও ইসহাক যে ঈশ্বরের সহগামী ছিল, ও যে ঈশ্বর অদ্যাবধি আমাকে যাবজ্জীবন প্রতিপালন করিতেছেন, ১৭ এবং যে দূত সমস্ত আপদহইতে আমাকে রক্ষা করিয়াছেন, তিনি এই বালকদিগকে আশীর্বাদ করুন। ইহাদের দ্বারা আমার ও আমার পূর্বপুরুষ ইব্রাহীমের ও ইসহাকের নাম থাকুক, এবং ইহারা দেশের বহুগোষ্ঠীক হউক। ১৮ তখন ইস্রায়েল মস্তকে পিতার দক্ষিণ হস্ত দেখিয়া যুষফ অসম্ভব হইল, অতএব সে ইফ্রিমের মস্তকহইতে মিনশির মস্তকে স্থাপনার্থে পিতার হস্ত তুলিয়া ১৮ কহিল, হে পিতা, এমন নয়, এই জন জ্যেষ্ঠ, ইহারই মস্তকে দক্ষিণ হস্ত দিউন। ১৯ কিন্তু তাহার পিতা অসম্মত হইয়া কহিল, হে পুত্র, তাহা আমি জানি, আমি জানি; সেও এক জাতি হইবে, এবং মহানও হইবে, কিন্তু তাহার কনিষ্ঠ ভ্রাতা তাহা অপেক্ষাও মহান হইবে, ও ইহার বংশ বহুগোষ্ঠীক হইবে। ২০ সেই দিনে সে তাহাদিগকে আশীর্বাদ করিয়া কহিল, ইস্রায়েল বংশ আশীর্বাদ করণের সময়ে তোমাদের নাম করিয়া কহিবে, ঈশ্বর তোমাকে ইফ্রিমের ও মিনশির তুল্য করুন। ২১ এই রূপে

সে মিনশিহইতে ইফ্রিমকে অগ্রগণ্য করিল। অপর ইস্রায়েল যুষফকে কহিল, দেখ, আমি মরিতেছি; কিন্তু ঈশ্বর তোমাদের সহায় হইয়া তোমাদিগকে পুনর্বার পৈতৃক দেশে লইয়া যাইবেন। ২২ আমি আপন খজ্ঞা ও ধনুর দ্বারা ইমোরীয়দের হস্তহইতে যে অংশ পাইয়াছি, তোমার ভ্রাতৃগণহইতে সেই অধিক অংশ তোমাকে দিলাম।

৪৯ অধ্যায়।

১ অনন্তর যাকুব আপন পুত্রগণকে ডাকিয়া কহিল, তোমরা একত্র হও, শেষকালে তোমাদের প্রতি যাহা ঘটবে, তাহা তোমাদিগকে কহি। ২ হে যাকুবের পুত্রগণ, একত্র হইয়া শুন ও তোমাদের পিতা ইস্রায়েলের কথায় মনোযোগ কর। ৩ হে রবেন, তুমি আমার জ্যেষ্ঠ পুত্র; তুমি আমার বল ও শক্তির প্রথম ফলস্বরূপ, এবং মহিমার ও পরাক্রমের প্রাধান্য বিশিষ্ট। ৪ তুমি উচ্চ ও জলস্বরূপ, তোমার প্রাধান্য থাকিবে না; কেননা তুমি আপন পিতার শয্যাতে গিয়াছিল; তৎকালে আমার শয্যা যওয়াতে তুমি তাহা অশুচি করিলা।

৫ শিমিয়োন ও লেবি দুই সহোদর; তাহাদের খজ্ঞা নির্দয় অক্র। ৬ তাহাদের যুক্তিতে আমার মন না বাউক, ও তাহাদের সভার সহিত আমার সজ্ঞমের মিলন না হউক; কেননা তাহারা ক্রোধেতে নরহত্যা, এবং স্বেচ্ছাতে বুধভের শিরার ছেদন করিল। ৭ তাহাদের ক্রোধ অভিশপ্ত হউক, কেননা তাহা প্রচণ্ড; এবং তাহাদের কোপ অভিশপ্ত হউক, কেননা তাহা নিষ্ঠুর ছিল, আমি যাকুবীয়দের মধ্যে তাহাদিগকে বিভাগ করিব, ও ইস্রায়েলীয়দের মধ্যে ছিন্ন ভিন্ন করিব।

৮ হে যিহূদা, তোমার ভ্রাতৃগণ তোমার প্রশংসা করিবে, ও তোমার হস্ত শত্রুগণের গ্রীবা ধরিবে; তোমার পিতৃসন্তানগণ তোমাকে প্রণাম করিবে। ৯ যিহূদা সিংহশাবকের তুল্য; হে বৎস, তুমি ধৃত মৃগকে ভোজন করিয়া উঠিবা। কেশরির কিবা সিংহর ন্যায় শয়ন করিয়া নিদ্রিত থাকিলে কে তাহাকে জাগাইবে? ১০ বাহার নিকটে লোকদের সমাগম হইবে, সেই শীলোর (সান্ত্বনাকারির) আগমন যাবৎ না হয়, তাবৎ যিহূদাহইতে রাজদণ্ড ও তাহার বংশহইতে বিচারাধ্যক্ষতা যাইবে না। ১১ সে ড্রাকালতার নিকটে গর্দভকে, ও উত্তম ড্রাকালতার নিকটে খরশাবককে বাঁধিবে, এবং ড্রাকালরসেতে উত্তরীয় বস্ত্র ও ড্রাকাল রক্তেতে পরিধেয় বস্ত্র রঙ্গাইবে। ১২ তাহার চক্ষু মদ্যোতে রক্তবর্ণ এবং দন্ত দুপ্তেতে স্বেতবর্ণ হইবে।

১৩ নিব্বলুন সমুদ্রতীরে বাস করিবে ও জাহাজের আশ্রয় সমুদ্রতীরে তাহার বাস হইবে, এবং সীদান পর্য্যন্ত তাহার অধিকারের সীমা হইবে।

১৪ ইষাখর খোঁয়াড়ের মধ্যে শয়নকারি বলবান্ গর্দভের সদৃশ। ১৫ সে বিশ্রামকে উত্তম ও দেশকে রম্য বুঝিয়া ভার বহিতে স্কন্ধ নমন করিয়া করানীন দাস হইবে।

১৬ দান ইস্রায়েলের অন্য গোষ্ঠীদের তুল্য হইয়া আপন লোকদের বিচার করিবে। ১৭ দান পথে স্থিত মর্প ও মার্গে গুপ্ত বিষধরস্বরূপ; সে যোটকের পদে দংশন করিলে তদারূঢ় ব্যক্তি পশ্চাতে পড়িত হইবে।

১৮ হে পরমেশ্বর, আমি তোমাদ্বারা পরিব্রাণের অপেক্ষাতে আছি।

১৯ সৈন্যদল গাদকে ব্যাকুল করিবে; কিন্তু সে পশ্চাৎ তাহাদিগকে ব্যাকুল করিবে।

২০ আশেরহইতে অতি উত্তম খাদ্য জন্মিবে; সে রাজার উপাদেয় ভক্ষ্য যোগাইয়া দিবে।

২১ নগ্গালি দীর্ঘাঙ্গী হরিণীস্বরূপ, সে মনোহার বাক্য কহিবে।

২২ যুষফ ফলদায়ি বৃক্ষের পল্লবস্বরূপ; সে জলপ্রবাহের পার্শ্বস্থিত ফলদায়ি বৃক্ষের পল্লবস্বরূপ; তাহার শাখা সকল প্রাচীর অতিক্রম করে। ২৩ ধনুর্করেরা ক্লেশ দিয়া বাণাঘাত করিয়া তাহার বিক্রোহ করিয়াছিল; ২৪ কিন্তু ইস্রায়েলের পালক ও মূলপ্রস্তরস্বরূপ ও যাকুবের শক্তিমান্ ঈশ্বরদ্বারা তাহার ধনুক সবল থাকিল, ও তাহার বাহু ও কর বলবান্ থাকিল। ২৫ তোমার পৈতৃক ঈশ্বরের সাহায্যে ও সর্দশক্তিমানের আশীর্বাদে উপরিস্থ আকাশহইতে যে মঙ্গল হয়, এবং নীচস্থ গভীর সমুদ্রহইতে যে মঙ্গল হয়, এবং স্তনহইতে ও গর্ভহইতে যে মঙ্গল হয়, সে সকল তোমাতে বর্জিবে। ২৬ আমার পূর্বপুরুষদের আশীর্বাদ অপেক্ষা তোমার পিতার আশীর্বাদ ফলজনক; সে চিরস্থায়ি পর্বতের সীমা পর্য্যন্ত বর্ধিত হইবে ও যুষফের মস্তকে, অর্থাৎ আপন ভ্রাতৃকর্তৃক দূরীকৃত যে ব্যক্তি, তাহার মস্তকাগ্রেই বাহুল্য রূপে বর্জিবে।

২৭ বিনাম্যামিন্ প্রাতঃকালে মৃগভক্ষণকারি ও সন্ধ্যাতে শিকার বর্জনকারি বিদারক নেকড়িয়ার তুল্য হইবে।

২৮ ইহার। ইস্রায়েলের দ্বাদশ বংশ; ইহাদের পিতা আশীর্বাদ করণ সময়ে এই কথা কহিয়া ইহাদের প্রত্যেক জনকে বিশেষ ২ আশীর্বাদ করিল।

২৯ পরে যাকুব তাহাদিগকে কহিল, আমি আপন লোকদের সহিত সংগৃহীত হইব। ৩০ অতএব ইব্রাহীম কবরস্থান অধিকারার্থে কিনানদেশে মন্দির পূর্বস্থিত যে মকপেলা ক্ষেত্র হিব্রীয় ইফ্রোনের কাছে কিনিয়াছিল, সেই হিব্রীয় ইফ্রোনের ক্ষেত্রস্থিত গৃহতে পিতৃলোকদের নিকটে আমার কবর দিও। ৩১ সেই স্থানে ইব্রাহীমের ও তাহার ভার্য্যা সারার এবং ইস্হাকের ও তাহার ভার্য্যা

রিবকার কবর হইয়াছে, এবং সেই স্থানে আমিও
লেখার কবর দিয়াছি; ৩২ কেননা সেই ক্ষেত্র ও
তম্বাশ্ব গুহা হিন্তীয় সন্তানদের কাছে ক্রীত হই-
য়াছে। ৩৩ এই রূপে আপন পুত্রদিগকে আজ্ঞা কর-
ণের সমাপ্তি করিলে পর যাকুব শয্যাতে দুই চরণ
একত্র করিয়া প্রাণত্যাগ করিয়া আপন লোকদের
নিকটে সংগৃহীত হইল।

৫০ অধ্যায়।

১ তখন যুষফ আপন পিতার মুখে মুখ দিয়া
রোদন করিয়া চূড়ন করিল। ২ এবং যুষফ আপ-
ন পিতার দেহ বণিক্ দ্রব্যেতে অক্ষয় করিতে
আপন ভৃত্য চিকিৎসকগণকে আজ্ঞা করিল, তা-
হাতে চিকিৎসকেরা ইস্রায়েলের দেহ বণিক্ দ্রব্য-
যুক্ত করিল। ৩ সেই কর্ম করিতে চল্লিশ দিবস
লাগিলে তাহারা তাহাতে চল্লিশ দিন বাপন করিল;
মিস্রীয় লোকেরাও তাহার নিমিত্তে সত্তর দিন পর্য্যন্ত
শোক করিল। ৪ শোকের দিন উত্তীর্ণ হইলে
যুষফ ফিরোণের পরিজনকে কহিল, যদি আমার
প্রতি তোমাদের অনুগ্রহ থাকে, তবে ফিরোণের
কর্ণগোচরে এই কথা কহ; ৫ আমার পিতা আ-
মাকে দিব্য করাইয়া কহিয়াছেন, দেখ, আমি
মরিলে কিনানদেশে আপনার জন্যে যে কবর খনন
করিয়াছি, তাহাতে তুমি আমাকে রাখিও; অতএব
এখন আমাকে যাইতে দেও; আমি পিতাকে কবর
দিয়া পুনর্বার আসিব। ৬ তাহাতে ফিরোণ কহিল,
যাও, তোমার পিতা তোমাকে যে দিব্য করাই-
য়াছে, তুমি তদনুসারে তাহার কবর দেও।

৭ তখন যুষফ আপন পিতার কবর দিতে যাত্রা
করিল; তাহাতে রাজবাটীর অধ্যক্ষ ফিরোণের
ভৃত্যগণ ও মিসরদেশীয় অধ্যক্ষগণ ৮ এবং যুষ-
ফের সকল পরিবার ও তাহার ভ্রাতৃগণ ও তাহার
পিতৃগৃহের পরিবার তাহার সঙ্গে গমন করিল;
গোশন প্রদেশে কেবল তাহাদের বালকগণ ও
মেঘপাল ও গোপাল থাকিল। ৯ তাহার সহিত
রথ ও অশ্বারূঢ়গণ গমন করিল; তাহাতে অতিশয়
সমারোহ হইল। ১০ পরে তাহার যর্দন নদী পা-
রস্থ আটদের শস্যমর্দনস্থানে উপস্থিত হইলে
তথায় মহাবিলাপ করিয়া রোদন করিল; যুষফ
সেই স্থানে পিতার উদ্দেশে সাত দিন পর্য্যন্ত
শোক করিল। ১১ আটদের শস্যমর্দনস্থানে তা-
হাদের এরূপ শোক দেখিয়া সেই দেশ নিবাসি
কিনানীয় লোকেরা কহিল, মিস্রীয়দের এ অতি
দারুণ শোক; এই নিমিত্তে যর্দন পারস্থ সেই
স্থান অবেল মিসর (মিস্রীয়দের শোক) নামে
বিখ্যাত হইল। ১২ পরে যাকুব আপন পুত্রগণকে
যেরূপ আজ্ঞা দিয়াছিল, তাহারা তদনুসারে কর্ম
করিল। ১৩ ফলতঃ তাহার পুত্রগণ তাহাকে কিনান-
দেশে লইয়া গিয়া হিন্তীয় ইস্রায়েলের কাছে কবর-
স্থানার্থে ইব্রাহীমের ক্রীত মন্দির পূর্বস্থ যে ক্ষেত্র,

সেই যক্ষ্মেলা ক্ষেত্রের মধ্যবর্তি গুহাতে তাহার
কবর দিল। ১৪ তাহার পিতার কবর হইলে পর
যুষফ ও তাহার ভ্রাতৃগণ প্রভৃতি যত লোক তাহার
পিতার কবর দিতে তাহার সঙ্গে গিয়াছিল, সকলে
মিসরদেশে প্রত্যাগমন করিল।

১৫ অপর আপনাদের পিতা মরিয়াছে, ইহা
দেখিয়া যুষফের ভ্রাতৃগণ কহিল, যুষফ যদি
আমাদিগকে যুগ্ম করে, তবে আমরা তাহার যে
সকল অনিষ্ট করিয়াছি, তাহার প্রতিকল আমাদি-
গকে দিবে। ১৬ অতএব তাহারা যুষফের নিকটে
এই কথা কহিয়া পাঠাইল, তোমার পিতা যুগ্ম
পূর্বে আমাদিগকে ইহা কহিয়াছিলেন, ১৭ তো-
মরা যুষফকে এই কথা কহিও, তোমার ভ্রাতৃগণ
তোমার প্রতি অনিষ্টাচার করিয়াছে; কিন্তু তুমি
অনুগ্রহ করিয়া তাহাদের সেই দোষ ও অপরাধ
ক্ষমা করিও; অতএব আমরা বিনয় করি, তোমার
পৈতৃক ঈশ্বরের এই দাসদের দোষ ক্ষমা কর।
তাহাদের এই কথা কথনতে যুষফ রোদন করিতে
লাগিল। ১৮ পরে তাহার ভ্রাতৃগণ আপনারা তা-
হার অগ্রে গিয়া প্রণিপাত করিয়া কহিল, দেখ,
আমরা তোমার দাস। ১৯ তাহাতে যুষফ তাহাদি-
গকে কহিল, ভয় করিও না, আমি কি ঈশ্বরের
প্রতিনিধি? ২০ তোমরা আমার বিরুদ্ধে কুপরামর্শ
করিয়াছিলি। বটে, কিন্তু ঈশ্বর তাহা সুপরামর্শ
করিলেন; ফলতঃ এখন যেরূপ দেখিতেছ, এই
রূপে অনেক লোকের প্রাণ রক্ষা করিতে তাঁহার
অভিপ্রায় ছিল। ২১ তোমরা এখন ভীত হইও
না, আমি তোমাদিগকে ও তোমাদের বালকগণকে
প্রতিপালন করিব। এই রূপে যিহু কথা কহিয়া
সে তাহাদিগকে মান্ত্বনা করিল।

২২ পরে যুষফ ও তাহার পিতৃপরিবার মিসর-
দেশে বাস করিয়া থাকিল; এবং যুষফ এক শত
দশ বৎসর জীবৎ থাকিয়া ২৩ ইফ্রিমের পৌত্র
পর্য্যন্ত দেখিল; এবং মিনশির মাথির্ নামক
পুত্রের সন্তানদিগকেও ক্রোড়ে করিল। ২৪ পরে
যুষফ ভ্রাতৃগণকে কহিল, আমি মরিতেছি, কিন্তু
ঈশ্বর তোমাদের প্রতি অবশ্য কৃপাদৃষ্টি করিয়া
ইব্রাহীমের ও ইসহাকের ও যাকুবের নিকটে যে
দেশ দিতে দিব্য করিয়াছেন, সেই দেশে তোমাদি-
গকে এই দেশ হইতে লইয়া যাইবেন। ২৫ তাহাতে
যুষফ ইস্রায়েলের সন্তানগণকে এই দিব্য করা-
ইয়া কহিল, ঈশ্বর তোমাদের প্রতি অবশ্য কৃপা-
দৃষ্টি করিবেন, তৎকালে তোমরা এ স্থান হইতে
আমার অস্থি লইয়া যাইবা। ২৬ অপর যুষফ এক
শত দশ বৎসর বয়সে মরিল; তাহাতে তাহারা
তাহার দেহ বণিক্ দ্রব্যেতে অক্ষয় করিয়া মিসর-
দেশে এক কাশ্বাথারের মধ্যে রাখিল।